

Jesús ñi yávaiye méne beorí coyucõjeimara ne ðaiye Espíritu Santoi paruéque

Los hechos de los apóstoles

Mamabuinore coyuiyebu Lucas bácu ñi toivaiye báquede Jesús ñi yávaiye méne beorí coyucõjeimara ne ðaiye báquede Espíritu Santoi paruéque. Lucas bácu, judío ãmenejaquemavu. Жюирпѳесу barejaquemavu (Col 4:11-14). Cucunrejaquemavu Pablo bácuque (Hch 16:10). Diede toivarejaquemavu, buojacuyu ñi toivaino mácarõre ñi buiye báquede ñi coyuiyeque Jesucristorã. Que baru Lc 24:50-53 aru Hch 1:1-11 máre coyurejaquemavu Jesús ñi muri nuino mácarõre cavarõ mearoi. Majidivũ ne dápiayepe maumena ñi jebeniburu yóboi ñi toivaino mácarõre Jesucristorã, toivarejaquemavu Jesús ñi yávaiye méne beorí coyucõjeimara ne ðaiye báquede Espíritu Santoi paruéque, ãniujua báquede 62-65 d.C. Ári ñi cuede ñi toivaiyede diede caivu majibevũ.

Toivarejaquemavu ñai ñũũ Teófilo bácuere aru apevu judíoova ãnevure, ne majinajiyepe ayu aipe ina Jesús ñi yávaiye méne beorí coyucõjeimara mácavu ne coyuiyede, aipe judíoova ne ju abede iye coyuiyede, aipe judíoova ãnevũ ne ju ayede diede, aru aipe jabova ne ðaiyede ina Jesús ñi yávaiye méne beorí coyucõjeimara mácavure. Yópe Jesús ñi coyucõjeiyepe ñi yávaiye méne “Jerusalécavure, Judeacavure, Samariacavure, aru pu caino joborõcavure máre” (1:8) nopedeca coavaiye buojavũ iye toivaiye báquede: (1) ne coyuiyede Jerusalén ãmicuriĩmarocavure (1:1-6:7); (2) ne coyuiyede Judea aru Samaria ãmicurijoborõcavure (6:8-9:31); (3) aru ne coyuiyede apenoa joborõcavure máre (9:32-28:31), ina Antioquía ãmicuriĩmarocavure (9:32-12:24), ina Asia ãmicurijoborõcavure (12:25-16:5), ina Egeo ãmicuriya jia urada écarucavure (16:6-19:20), aru ina Roma ãmicuriĩmarocavure máre (19:21-28:31).

Espíritu Santo ñi daquino

(Mt 3.11; Mr 1.8; Lc 3.16, 24.49; Jn 1.33)

1 ¹⁻²Мѳ, Теófilo, ji mamarumũ toivaiye báquede toivacacu yũ, mi majiquiyepe ayũ caiye iye Jesús ñi ðaiye báquede aru caiye iye ñi bueiye báquede máre. Majicacacu yũ mũre caiyede Jesús ñi memeni buijãravure, aru pu ñi cavarõ mearo Jũmenijicui curõi mũijãravũita máre, jípacu Jũmenijicui ñi jacopaiyovaiyede ñre cavarõ mearo ñi curõi. Aru ñi muri nuquiyepi jipocai, Jesús ðaicõjonejameda ñi yávaiye méne beorí coyucõjeimara ñi beoimara

mácavure, Espíritu Santoi paruéque.

³Aru caiye cuarenta pajãravũna Jesús ñi yainĩburu yóboi, ina ñi yávaiye méne beorí coyucõjeimara jávarejaimada ñre cainũmũna. Que baru jáve majidejaimada na Jesús apucure cojedeca, nacajañũ mácuere yainore jaravari. Ñre járejaimada. Aru coyurejameda náre Jũmenijicui jabotequiyede ñi põevare.

⁴Jesús cucu bácu náque cãreja, yópe arĩ, cõjonejameda náre:

—Numejara mũja Jerusaléne jocarĩ cãreja. Quéda corejarã ñaine, jípacui daroquimure mujare. ⁵Juan Bautista bácu jáðovame mũjare Jũmenijicure

ocoque. Ñbenita yu jádovacuyubu mujare Jūmenijicure pueno mearo baju obebejārvua yóboi. Darocuyubu mujare ñai Espírиту Santore, arejamedá náre Jesús.

**Jesús ñi mũino ñmũi, cavarō mearo
Jūmenijicui curōi**

(Mt 28.19; Mr 16.15, 19; Lc 24.47-48, 50-51)

⁶No yóboi, Jesús ñi yávaiye méne beorī coyūicōjeimara cójijidejaimada ñque cūracū Olivocū āmicuricū puenoī. Aru jēniari járejaimada ñre:

—Mũ, ññje jabocu, ¿caride jaboteicōjequidica mũ cojedeca majacavũ, Israecavure? arejaimada na.

⁷Jesús arejamedá náre:

—Jipacu, ñi caivure jaboteiye boje, majibi aipijārvua vaiquíye jaurōre. Ñbenita ñ majicōjememi mujare iyede.

⁸Jūmenijicu darocuyube ñai Espírиту Santore, ñi ñaicōjequiyepe ayũ mujare. Que baru mũja coyurājaramu ji yávaiye méne. Coyurājaramu mũje jáiyede ji ñaiye báquede aru mũje jápiayede ji coyūiye báquede máre. Coyurājaramu caivũ ijārvucavure: Jerusalécavure, Judeacavure, Samariacavure, aru pũ caino joborōcavure máre, arejamedá Jesús.

⁹Que arī yávaiyeda, Jesúre jacopaiyovarejaquemavu Jūmenijicu náre jocarī, cavarō mearo ñi curōita. Ñi mũiyedeca oopenibo darī, ñre taorejavūya. Quéñora jámenejaimada ñre. ¹⁰Ne járiduiyedeca cavarōre Jesús mũri bñjayure, cūiná, pucarā ñmũva doivũ boricajea cuitótecajearé núrejaimada ne yebai. ¹¹Ina pucarā ángeleva jēniari járejaimada náre: —Mũja, Galileacavu, ¿aipe teni yui nūri jáivũñi mũja cavarōre? Ñai Jesús mũñũ mácu mujare jocarī cavarō mearo Jūmenijicui curōi copaidacuyube cojedeca ijārvui cavarō mearore jocarī yópe ñi mũiyepedeca, arejaimada.

**Matíare ne beoino Judas bácu ñi
yaiye boje**

(Mt 3.16, 10.2-4, 27.3-8; Mr 1.9, 3.16, 19, 16.19; Lc 3.21, 6.14-16, 24.51)

¹²No yóboi, Jesús ñi yávaiye méne beorī coyūicōjeimara copainurejaimada

cūracū Olivocū āmicuricūre jocarī Jerusalén āmicurīmaroi. Cūinákilometro vaivárejaimada na. Yópe judíoiva ne jabuóvañjārvui nuicōjeiyepe vaivárejaimada na. ¹³Ne eaiyede diīmaroi, ecorī, nuri cūinádami cūrami, ñmucacucubuita, ne curitucubui, ecorejaimada na: Pedro, aru Juan, Santiago, Andrés, Felipe, Tomás, Bartolomé, Mateo; apecu Santiago, Alfoi mácu; Simón āmicucu Celote, aru Judas, apecu Santiago jicu máre. ¹⁴Obedijārvua Jūmenijicūque jēniari, cójijivu barejaimada na nore. Jesú yóva, María, Jesú paco, aru apevũ nomiva máre, caivũ ina cūináturũ ne ñme Jūmenijicūque jēniarejaimada na.

¹⁵Obebejārvua yóboi, Jesúre jũ aipōeva cójijidejaimada. Ciento veinte paivũ baju barejaimada na. Aru Pedro nacajari arejamedá náre:

¹⁶—Mũja, jívu, jave vaivá yópe Jūmenijicui toivaicōjeiye báquepe David bácu Espírиту Santoi paruéque. Judas bácu jēni jiaime Jesúre ñi mauvare. ¹⁷Û mácu, majacacu bácu, yóvayũ bateáme majare. Que baru ñ mácu máre Jesús ñi beoimũ mácu bateáme, ñi memequiyepe ayũ majaanque, arejamedá náre Pedro.

¹⁸Jesúre ñi jēni jíquiye jipocai, Judas bácu jacopurejamedá tauturare, ñi Jesúre jēni jíye boje, ñi āmeina teiye boje. Iye tauturaque apevũ bojedarejaimada cūináro joborōre. No joborōre ñi baju boarī jarũvaiyucũ, ñmũi turī darī ñi baju bñjarejaimada Judas bácu. Aru ñi curabo etarejavūya joborōita. ¹⁹Caivũ Jerusalén āmicurīmarocavu jápiarejaimada ñ mácu borore. Que baru ne yávaicamuaque amidorejaimada no joborōre Acéldama āmicurō, Jivecurō aiyrō. ²⁰Pedro are nurejamedá ina Jesúre jũ aipōevare yópe:

—Jave toivarejaquemavu iye toivaiye báque Salmos āmicurōi yópe Judas bácu borore:

Ñi curō mácarō pōecubeno majaróri. Ñame cubejarāri nore, arī toivarejaquemavu.

'Aru yópe toivarejaquemavũ apeno Salmoi:

Apecu ñajacurĩ ñi mememo mácarõre, arĩ toivarejaquemavũ.

²¹⁻²² 'Que baru apecu yóvajacurĩ ñũjare, ñi máre coyũcuyũ põevare ñũjare: "Majivũ yũ Jesús apũcũre. Êre jácasu yũ, nacajañũre yainore jarũvarĩ", arĩ coyũcuyũme ñi. Ê majacurĩ cũinácũ nácasũ ina ñũjaque curivũ bácavũ jaravũa coapa Jesús ñi cuiyede ñũjaque, Juan Bautista bácũ ñi jádovari buiyede põevare Jũmenijicũre ocoque, aru pũ Jesús ñi mũijãravũita cavarõ mearo Jũmenijicũ curõi, arĩ coyũrejameđa náre Pedro.

²³ Êi coyũrĩburu yóboi, ina põeva jádovarejaimađa pũcarã ñmũvare, nácavũre, cũinácũ ñi ãmiá José, ne ãmidoimũ Barsabás aru apenũmũa ne ãmidoimũ Justo, aru apecu máre, ñi ãmiá Matías. ²⁴⁻²⁵ Yópe arĩ, jẽniarejaimađa ina Jesũre jũ aipõeva Jũmenijicũque:

—Mũ, ñũje jabocũ, me majivũ mũ caivũ põeva ne dápaiyede. Que baru jẽniaivũbu mũre. Majide ñajacu ñũjare ñamene ina pũcarã ñmũvare mi beoimũre, ñi memecaquiyepẽ cũinátũru ñũjaque mi yávaiye méne beorĩ coyũicõjeimaraque. Judas bácũ ñajocame mi yávaiye méne coyũinore, ñi nũiyede toabo cũiméboi, ñi ãmeina teiye báque boje. Que baru apecũ mi yávaiye méne beorĩ coyũicõjeimũ jaubi, arĩ jẽniarejaimađa na.

²⁶ Ne jẽniariburu yóboi, ñvarejaimađa cũrayabeare, ina pũcarã ñmũva ne ãmiáque. Aru tũrejavũya ñiyabe Matías ñi ãmiáque. Que baru ñi máre, apenũ once paivũque, Jesús ñi yávaiye méne beorĩ coyũicõjeimũ tedejameđa Matías.

**Espíritu Santo ñi edaino
Jesũre jũ aipõevare**

2 ¹ Pentecostés ãmicũrijãravũ eaiyede, caivũ ina Jesũre jũ aipõeva cójijidejaimađa cũinãdami cũrami jĩvũ. ² Cũinã jápiarejaimađa

ũrarõ bujinore yópe ñmevũ parũrõ jarũinope. No bujino darejavũya cavarõre jocarĩ. Aru caivũ ina dobarivũ ñĩnami jĩvũ jápiarejaimađa no bujinore. ³ No yóboi, járejaimađa ñre toa quĩjino uruino yópe jemedope. Tubarejavũya caivũre, náre coapa. ⁴ Caivũ ina põeva cũvarejaimađa ñai Espĩritu Santore. Náre yávaicõjenejameđa. Aru yávarejaimađa apacamua yávaicamua ne majibecamua, yópe ñai Espĩritu Santo yávare ñaiyepẽ náre coapa.

⁵ Nore Jerusalén ãmicũrĩmaroi judfova caino joborõcavũ cũrejaimađa ñijãravũare. Ina judfova cainũmũa jídejaimađa mearore Jũmenijicũre. ⁶ Ne jápaiyede iye vaiyede, obedivũ ina judfova cójijidejaimađa. Aru jápiarejaimađa caivũ na coapa Jesũre jũ aipõeva yávaivũre ne yávaicamuaque. Que baru pare cũcumarejaimađa na. ⁷ Cũcumari, pare dápaiivũ arejaimađa na:

—Jãrijide apa. ¿Galileacavũ ãmeni caivũ ina yávaivũ? ⁸ ¿Aipe teni caivũ ñũja jápaiivũba náre yávaivũre ñũje yávaicamua coapa? ⁹⁻¹⁰ Yui curivũbu apenũ Partiacavũ, aru apenũ Mediacavũ, apenũ Elãcavũ, apenũ Mesopotamiacavũ, apenũ Judeacavũ, apenũ Capadociacavũ, apenũ Pontocavũ, apenũ Asiãcavũ, apenũ Frigiacavũ, apenũ Panfiliacavũ, apenũ Egiptocavũ, apenũ Áfricãcavũ, aru apenũ Cirenacavũ máre. Aru apenũ Romacavũ máre curivũbu yui. Apenũ majacavũ judfovã, ne põeteiye báque boje nópe, ne cãvã boje nẽbũcãva judfova. Aru apenũ majacavũ judfova ãmevũ, ñbenita jũ aivũbu judfovai bueiye. ¹¹ Curivũbu apenũ Cretacavũ aru apenũ Arabiacavũ máre. Ñbenita maja jápaiivũbu náre yávaivũre maje yávaicamua coapa. Coyũivũbu majare Jũmenijicũi ũrarõ mearo ñainore ñi parũéque, arejaimađa ne bajumia.

¹² Cũcumãivũ aru jápiarĩ eabevũ cãreja, jẽniari járe cuivũ barejãimađa ne bajumia:

—¿Aipe ñarĩ jápiarĩ earãjídica maja caiyẽ iyede? arejaimađa na.

¹³ Ûbenita arevü yurivü arejaimada ina Jesúre ju aipõevare:
—Ina ñmüva pacovatamu! arejaimada.

Pedro ñi yávaino põevare

(Mt 22.44, 27.35, 28.5-6; Mr 12.36, 15.24, 16.6; Lc 20.42-43, 23.33, 24.5; Jn 19.18; 1 Co 15.25; He 1.13)

¹⁴ Dinũmũma Pedro nacajari, nũri arevü once paivü Jesús ñi yávaiye méne beorĩ soyũicõjeimaraque parũrõreca soyũrejameđa caivü ina obedivü põevare, ne jápiarĩ earãjiyepe ayũ iye ne jáiye báquede aru ne járiaiye báquede máre.

—Mũja, judíoiva, jívũ, caivũ mũja Jerusalécavũ, caride coreóvajarã diede, ñũje majiéde. Járiajarã yũre. Aru me jápiarĩ adajarã ji soyũquiyede mũjare.

¹⁵ “Pacovabebu”, arĩ dáriaiyvũbu arevü mũjacavũ ñũjare. Ûbenita javejĩnamu, nueve bajĩ caride. Que baru pacova ãmenvũ ñũja. ¹⁶ “Pacovabebu”, arĩ dáriabejarã mũja ñũjare. Que baru põescu cubebĩ pacoteyũ javejinare. Quénora ñũje ðaiyede yõpe soyũcarejaquemavũ Jũmenijicũ yávaiyede soyũcaipõescu básu, ñi ãmiã Joel.

¹⁷ Jũmenijicu arejaquemavũ: “Yõpe ðascyũmu yũ ãnijãravũa bũojaquijãravũa baquiyéna. Darocsyũmu ji Espiriture caivũ põevare. Mũjemara, aru mũjemaromiva máre, Jũmenijicũ yávaiyede soyũsarãjarama. Mũjacavũ ñmũva bojvũ arũrivũre yõpe decoboainope majide ðascyũmu yũ. Aru mũjacavũ ñmũva bũscvare majide ðascyũmu yũ decoboainoque. ¹⁸ Jáve ãnijãravũa baquiyéna darocsyũmu ji Espiriture yũre memecaipõevare, ñmũvare aru nomivare máre, ne soyũsarãjiyepe ayũ ji yávaiyede. ¹⁹ ðascyũmu yũ põeva ne jámene cavarõĩ aru ne ðarĩ majibede joborõĩ. Aru põeva járajarama jivede, toare, aru bicore máre,

caino jidojarõ, ji jáðovaquiyẽ jipocare náre. ²⁰ Jũmenijicũ ñãjiovaquijãravũ baquinó jipocare põevare, ne ãmeina teiye boje, ñai aviã pẽomescyũme. Quédata ñemitecyũme ñi. Aru aviã ñamicacu máre jũatecyũme yõpe jivepe. Yõpe vaiquiyebu maje jabocu Cristo ñi daquijãravũ baquinó jipocare. Põeva járajarama urarõ ne ðarĩ majibede. Aru ne jáiyede diede pare cuedmarajarama na. ²¹ Dijãravũa baquiyéna meaðascyũmu caivũ ina órejaiyũre yũre ji cadatequiyepẽ aivũre náre. Īscyũmu náre abujuvai jabocuĩ parueđe jocarĩ”, arejaquemavũ Jũmenijicu, soyũcarejaquemavũ Joel básu.

²² Mũja, Israecavũ, me járiajarã ji soyũquiyede mũjare. Jũmenijicu jáve jáðovaquemavũ mũjare ñi daroimu mácure, ñi me jáimũre, Jesús Nazarecacure. Que baru Jesús ðáme ñi ðaiye báquede Jũmenijicũ parueđe, põeva ne jámene, aru ne ðarĩ majibede, aru ape parueđe ðaiyede máre mũje jẽneboi. Que baru mũjavacari majidivũbu caiye iye jávene. ²³ Ñai Jesúre Jũmenijicu javede jẽni jicõjenejaquemavũ, yõpe ñi urõpe aru ñi majiéque máre. Que baru jẽni jíquemavũ ñre mũjare. Aru mũja boarĩ jarũvaicõjeavũ ñre, ãmeina teivũre ne pẽvarajiyepe aivũ ñre jocusũjaravena. ²⁴ Ûbenita Jũmenijicu nacovaquemavũ ñre yainore jarũvarĩ. Jesús yayiũ básvavacari, mautebeteame yayiũ básure. Que baru Jũmenijicu jebequemavũ ñi ñãjiye báquede ñi yainore. ²⁵ Javede ñai jabocu David básu, yõpe arĩ, Jũmenijicũ yávaiyede soyũcarejaquemavũ Jesúrã:

Cainũmũa jácacu yũ ji jabocure ji jipocai. Û cubi ji yebai. Que baru arevũ cãrijovari bũojabenama yũre. ²⁶⁻²⁷ Mũ, Jũmenijicu, dajocabecubu mu ji ñmene ina yayivũ básavũ ne curõĩ. Pojeicõjemecubu mu ji

bajure, ji meacu baju boje, aru ji memecaiye boje mure. Que baru torojvuvu yu ji ũmei. Aru torojurĩ yávaivuvu yu. Caivu pōevape páyu, yu máre yaicúyumu. Ũbenita apucsu jabuóvaivuvu yu, ji coreiye boje mi mearo đacaquiyede yure. ²⁸Mu jáđovaiuvu yure ye đaiye jauřore cucuyure máque. Aru mi cve boje yáque cainumua, urarō torojvuvu yu mure, arĩ soyucarejaquemavu David bācu Jesús ũi soyuiye báquede Jūmenijicure.

²⁹Muja, jívuvu, jáve soyuiyuvu mujare majeñecu mácu David bācu borore. Ũ mácu yaidéjaquemavu. Aru jaruvarejaquemavu ũi baju bācarōre cūracobei. Maja cari curivubu joabeno dicobede. ³⁰Ũai David bācu apucsu cāreja, Jūmenijicui yávaiyede soyucaipōecu barejaquémavu. Majidejaquemavu Jūmenijicu jáve đacuyure yópe ũi aiye báquepedeca úre. Jūmenijicu soyurejaquemavu David bācure, “Yópe jáve đacuyumu” arĩ: “Mu, David, yópe mearo đacacuyumu yu mure. Cūinācu mipāramenacacure jaboteicōjecuyumu yu, yópe ji jaboteicōjeyepedeca mure”, arejaquemavu Jūmenijicu David bācure. ³¹David bācu Jūmenijicui yávaiyede soyucaipōecu barejaquémavu. Que baru majidejaquemavu Jūmenijicui đaquiyede. Die majiéque soyurejaquemavu ũai Cristoi borore, yópe arĩ: “Jūmenijicu đajocabecube úre yaivuvu bācavu ne curōi. Ũi bajure máre pojeicōjemecube úre”, arĩ soyucarejaquemavu Jūmenijicui yávaiyede David bācu. ³²Ũaineca Jesúre Jūmenijicui nacovaquemavu yainore jaruvarĩ. Aru caivu ũija úre jácarā apucsure cojedeca ũi yainĩburu yóbore. ³³Jūmenijicu nacovari Jesúre epequemavu úre ũi meapūravui. Ũai meapūravui cucu paruéde cāvabi. Aru jípacu Jūmenijicui daroquemavu úre ũai Espiritu Santore, yópe ũi aiye báquepedeca. “Darocuyumu mure ũai Espiritu Santore”, jipocamia aquemavu Jūmenijicu Jesúre. Aru Jūmenijicu

Jesúre daroicōjeimi ũai Espiritu Santore ũujare máre. Que baru Jesús đaiubi caiye iye muje jáiyede, muje jápaiyede máre cari jāravure. ³⁴Ũbenita David bācu muri numenejaquemavu cāreja cavarō mearo Jūmenijicui curōi yópe Jesús ũi muíye báquepe. Que baru David bācu arejaquemavu yópe:

Jūmenijicu aquemavu ji jabocure: “Dobajacu ji meapūravui mi cūvave boje paruéde yupedeca. ³⁵Aru yu epecuyumu mi mauvare mi cuboba cāchino. Que teni mure vainĩ jaruvare đacuyumu yu náre, mi jabotequiyepere ayu náre”, arejaquemavu David bācu Cristorā.

³⁶Caivu muja Israecavu jáve majijarā iyede: Ũai Jesúvacaribe muje jocusujaravena pēvaicōjeimu mácu, ji soyuimu mujare. Ũbenita Jūmenijicu epeibi ũai Jesúre maje jabocuva. Ũrecabe Jūmenijicui daroimu mácu, arejameda Pedro ina pōevare.

³⁷Aru ina pōeva, ne jápaiyede caiye ũi soyuiyede náre, cārijinejaimađa. Que baru arejaimađa Pedrojāre:

—Muja, ũujevuvu, đaipe đarājidi ũija? arejaimađa na.

³⁸Pedro arejameda náre:

—Caivu muja jaruvajarā muje āmeina teiyede. Aru oatuvajarā muje đaiyede. Jáđovajara Jūmenijicure ocoque muje Jesúre ju aiye boje, Jūmenijicu ũi ārūmetequiyepere aivuvu muje āmeina teiyede, aru ũi daroquiyepere aivuvu mujare ũai Espiritu Santore. ³⁹Mujare, mujemarare, mujepāramenare máre, aru caivu ina joai curivure máre darocuyume cāreja Jūmenijicu ũai Espiritu Santore yópe ũi aiye báquepedeca. Caivu ũi cutuiyumarare meadacuyume ũi, arejameda Pedro.

⁴⁰Aru Pedro soyure nurejameda náre parurōreca, urarō ũi soyuiyede, ne ju arājiyepere ayu Jesúre.

—Ina āmeina teivu pare ũājinajarama. Jūmenijicu meadajacurĩ mujare, muje ũājimenajiyepere ayu ne ũājinajiyepere, arĩ soyurejameda Pedro.

⁴¹Que ayure jápiarí, obedivu ina pōevacavu ju arejaimada iye ùi coyuiyede. Aru Pedrojá jáđovarejaimada náre Jūmenijicure ocoque. Que teni, dijāravure cójijidejaimada apevu yóbecurimil paivu baju Jesúre ju aipōevaque. ⁴²Yópe dare cuivu barejáimada járavua coapa. Jesús ùi yávaiye méne beorí coyucōjeimara bueivu barejáimada náre. Cađateivu barejáimada ne bajumia. Ne cūvaede jívū barejáimada ne bajumia. Caivu áivu barejáimada cūináromia. Aru caivu jēniaivu barejáimada Jūmenijicūque máre cūináturu.

Jesúre ju aipōeva mamarumucavu ne đaino
(Hch 4.32-35)

⁴³Jesús ùi yávaiye méne beorí coyucōjeimara đare cuivu barejáimada ure pōeva ne jámene, ne đarí majibede máre. Aru iye ne jáđovaiyede jári, caivu cūcumarejaimada pare. ⁴⁴Caivu ina Jesúre ju aipōeva, cūináturu ne ũme, cađateivu barejáimada ne bajumia. Nácavu cūve cūvarivu jívū barejáimada apevu nácavure jauéde, cūbenajiyepe aivu cōmaje ārojarivu ne jēneboi. ⁴⁵Cūinácu nácacure jauŕu, apevu nácavu bojedarí ne cūvaede, jívarejaimada ñai cūvabecure jauéde. ⁴⁶Caijāravua cójijivarejaimada Jūmenijicui cūrami. Aru cójijivarejaimada ne cūramia coapa, ārajivu. Torojurí ávarejaimada na ne ũme méque. ⁴⁷Jívarejaimada mearore Jūmenijicure. Que baru caivu apevu pōeva me járejaimada náre. Pueđarejaimada náre, ina Jesúre ju aipōevare. Aru caijāravua Jūmenijicu cójijovarejaquemavu apevu ùi meadaimarare.

Pedro aru Juan ne meadaino cuiye majibecure

3 ¹Cūinájāravu, tres baji nainú, Pedro Jūamaque mūri nuivu barejáimada Jūmenijicui cūrami. Diora cūináora judíoiva ne Jūmenijicūque jēniaiora barejávūya. ²Cūinácube

Jūmenijicui cūrami jedevacobe yebai, Meacobe ámicurijedevacobe yebai, cūrejameđa cūinácu ũmu, cuiye majibecu. Ñai ũmu pōetedejameđa cuiye majibecu. Caijāravua apevu ũre nuvari epevarejaimada yo jedevacobe yebai, ùi jēniaquiyepe aivu táuturare ina Jūmenijicui cūrami ecoivure. ³Ū jáñu mácu Pedrore aru Jūare máre ecoivure, jēniaridurejameđa táuturare náre. ⁴Ūbenita ina pucarā pare járejaimada. Aru Pedro arejameđa ũre:

—Jájacu ñujare, arejameđa.

⁵Ūi que aiyede, ñai ũmu járejameđa náre, “Jínajivubu yure”, arí dápjaríduyu.

⁶Dinumu Pedro arejameđa ũre:

—Táuturare cūvabevu yu. Ūbenita jíquijivu mure ji majié cūvaede. Jesús Nazarecacu ùi ámiái, ùi paruéque, nacajarí cuicōjeivu mure, arejameđa Pedro.

⁷Que ayuva, ùi puru mearpūravure jēni, Pedro nacovarejameđa ũre. Cūiná ùi cuboba, ùi cubochiarua máre, tutudejavūya. ⁸Maumejiena biararí, nūri ùi cubobare, vaivarí búrejameđa ũ, cuiye majibecu bácu. Ecorejameđa Jūmenijicui cūrami náque. Vaiváyu barejameđa. Biaráyu barejameđa. Aru yópe arí, mearore jívū barejameđa Jūmenijicure: “Jūmenijicu meacu bajube”, ayu barejameđa ñai cuiye majibecu bácu. ⁹Obedivu pōeva járejaimada ũre vaiváyure. Aru jápiarejaimada ũre, “Jūmenijicu meacu bajube”, ayure. ¹⁰Ne coreóvayede ũre ñai táuturare jēniari dobacu bácu Jūmenijicui cūrami jedevacobe yebai, pare cūcumarejaimada na, ñai ũmu ùi meateiye boje.

Pedro ùi yávaino pōevare Salomón mácuí cuinoi

(Mt 22.32, 27.15-23; Mr 15.6-14; Lc 23.13-23; Jn 19.12-25; Hch 7.37; Gá 3.8; Fil 2.7-9)

¹¹Ñai ũmu jēiyede Pedrore aru Jūare máre, ina obedivu pōeva cūcumaivu cūyarejaimada ne yebai Jūmenijicui cūramiacuino, Salomón mácuí cuino

āmicurōi. ¹²Pedro jāññu mácu ina pōevare, arejameđa náre:

—Mujá, Israecavũ, ¿aipe teni cucumaivurũ mujá? ¿Aipe teni jáivurũ ñujare? ¿Dápiavurũ cure ðaivure ñai ũmure ñuje paruéque, o ñuje me boje Jūmenijicui jáinore?

¹³Abraham mácu, Isaac bácu, aru Jacob bácu máre, majeñecuva mácavu ne ju aimũ, Jūmenijicu, jáðovaimi ũre memecaipōecu Jesús ũi paruéde. Ñai Jesúrecabe mujé jēni jícaimũ mácu mujé jabovare, ne boarí jaruvarãjiyepe aivũ ũre. Aru ñai jabocu Pilato ũi jaetovaiyuede, ũbeteavũ mujavacari.

¹⁴Ñai Jesús cainũmũa memecayũ bateáme Jūmenijicure. Aru cainũmũa ðayũ bateáme mearore Jūmenijicui jáinore. Ũbenita mujá ũbeteavũ ũre. Quénora mujá jēniavũ Pilatore, ũi jaetovacaquiyepere aivũ mujare ñai boaipōecure, Jesúre jaruvarí. ¹⁵Que teni mujavacari boarí jaruvaicōjeavũ ñai jíyũre pōevare jāravũ cūiméjāravũ baquinóre. Ũbenita Jūmenijicucapūravũ nacovaquemavũ ũre yainore jaruvarí. Ñujavacari jácarã ũre apucure cojedeca, ũi yainĩburu yóbore. ¹⁶Jesúvacari, ũi paruéque, meadacube ñai cuiye majibecu bácu. Caride mujá jári majidivũbu caiye iye vaiyede ũre, ũi dápiaye boje, yópe arí: “Jesús meadayũ majibi”, arí dápiacube ũ. Aru ũi ju aipe boje Jesúre, meateibi ñai ũmũ mujé jáiyede.

¹⁷Mujá, jívu, majivu yũ. Mujé ðaiye báquede aru mujé jabova ne ðaiye báquede Jesúre boarí jaruvaivũ coreóvabeteavũ mujá diede. ¹⁸Javede caivũ ina Jūmenijicui yávaiyede coyũcaipōeva mácavu coyũrejaimađa ũra, pōeva ne coreóvarãjiyepe aivũ ũi ðaroimũ mácu Cristoi ũrãrõ ñájiquiyede. Aru nópe ne coyũiye báquepedeca vaiávũ Jesúre. ¹⁹Que baru chĩojara mujá mujé āmeina teiyede. Aru oatũvajarã mujé ðaiyede. Vojarã Jūmenijicure, ũi jaruvaquiyepere aivũ mujé āmeina teiyede, aru diede máre ũi ārũmetequiyepere aivũ. ²⁰Mujé yópe ðaru,

Jūmenijicu parũre ðacayũme mujare mujé ũmei. Aru ðarocayũme mujare Jesúre, ñai ũi beoimũ mácu, mujare meadacayũre. ²¹Jesús ũi mauteino jaũvũ cavarõ mearo Jūmenijicui curõ pũ dijāravũ baquinói, Jūmenijicui caiyede mamaene cuedaquijāravũita bedióva cojedeca. Javede Jūmenijicui yávaiyede coyũcaipōeva mácavu, Jūmenijicure cūinácura memecaivũ, coyũcarejaimađa Jūmenijicure, pōeva ne majinajiyepere aivũ diede. ²²Nopedeca, Moisés bácu arejaquemavũ: “Jūmenijicu, mujé jabocu, ðarocayũme mujare cūinácũ ũi yávaiyede coyũcaipōecure, yópe ũi ðaroiyepere yũre. Ũ macayũme cūinácũ mujacacu. Judío bacayũme ũ. Me járiajarã ũre. Ðajarã yópe ũi coyũiyepere. ²³Ácu pōecu ũi járiabedu ũre, Jūmenijicu coavacayũme ũre ũi pōevare jaruvarí”, arejaquemavũ Moisés bácu.

²⁴Samuel bácu aru ũi yóbocavũ bácavu, aru arevũ Jūmenijicui yávaiyede coyũcaipōeva mácavu máre coyũrejaquemavũ iye vaquiyede añijāravũa baquiyéde. ²⁵Jūmenijicu coyũicōjenejaquemavũ ũi yávaiyede coyũcaipōeva mácavũre, yópe arí: “Yũ, Jūmenijicu, mearo ðacacayũmu mujare”. Aru “mujare” ayũ Jūmenijicu, majeñecuva mácavũre aru majare máre ayũ barejaquemavũ. Jūmenijicu “Yũ mearo ðacacayũmu mujare” ũi aiyede apescu oatũvarí buojabebi diede. Aru Jūmenijicu baju oatũvabebi ũi que aiyede. Que baru mujavacari jáve jacopurãjaramu Jūmenijicui mearo ðacaquiyede. Mearo ðacacayũme mujare máre. Nopedeca arejaquemavũ ũ Abraham mácu: “Mipāramena mārãjivũre mearo ðacacayũmu yũ. Mure mearo ðacaiye báquepedeca ijāravũcavu arevũ caivũre máre mearo ðacacayũmu yũ”, arejaquemavũ Jūmenijicu. ²⁶Aru beorejaquemavũ Jesúre, ũre memecaipōecure. ũre nacovariburu yóboi, ðaroquemavũ maje yebai mamarũmure. Que ðarí Jūmenijicu mearo ðacaquemavũ majare, ũi jaruvaicōjeiye boje majare maje

ãmeina teiyede, arejameđa Pedro ina pöevare.

Pedro aru Jũamaque ne boroteino jabova yebai

(Mt 21.42; Mr 12.20-22; Lc 20.17; Jn 14.6; 1 P 2.7)

4 ¹Pedro aru Juan máre yópe yávaivedeca ina pöevare, apevu sacerdotevacavu, aru Jũmenijicui cũramine coreipöevai jabocu, aru saduceovacavu máre nurejaimada ne yebai. Saduceo ãmicuriyajubo judfovavavu barejáimada na. Dápiarejaimada nacajaino cubenore yainore jaruvarĩ. ²Jararejaimada Pedrojäre ne bueiye boje. Pedrojã arĩ buedejaimada:

—Jesús nacajaquemavu yainore jaruvarĩ. Aru maja máre nacajarajaramu yainore jaruvarĩ, arejaimada Pedrojã.

³Jaraivũ Pedrojäre, ina saduceovajã náre jëni, ãmeina teivũre jëni jacoiñami nuvaicöjenejaimada churaravare. Jave nainũ marejávũya. Que baru cõmiájãravũita jabova ne ãmeina teivũre jëniari jáiñami nuvarajivũ barejáimada náre. ⁴Ûbenita obedivũ pöeva, ne bueiye de jápiaivucavu bãcavu, ju arejaimada Jesũre. Ina pöeva mamarumũ ju aivũ Jesũre dijãravũre cũinãpũrũpe paimil paivũ baju ãmũva marejãimada na. Obedivũ nomiva máre ju arejaimada ũre.

⁵Cõmiájãravũ ina judiovai jabova, aru bucũva, aru Jũmenijicui yávaiyede bueipöeva máre cójijidejaimada Jerusalén ãmicuriĩmaroi. ⁶Apevu ina jabovacavu barejáimada sacerdotevare jaboteipöecu ũi ãmiá Anás, aru Caifás, Juan, Alejandro, aru apevu Anás jinacavu. ⁷Cójijivũ bãcavu, davaicöjenejaimada Pedrojäre ne yebai aru núicöjenejaimada náre ne coricai. Que teni cũinãcu nãcacu jëniari járejameđa Pedrojäre:

—¿Ñamei paruéque meadarãru muja ñai cuiye majibecu bãcũre? arejameđa náre.

⁸Dinumũ ñai Espĩritu Santo Pedore ñaicöjenejameđa ũre ũi ju aiyede náre.

⁹—Muja jabova, muja bucũva máre, caride muja jëniari jáivũ ñũjare ñũje meadacaino mácarõre ñai cuiye majibecu bãcũre. Muja majiyuvũ aipe ñarĩ meadaimũ mácũre. ¹⁰Que baru coyũyubu mujare, muje majinajiyepe ayũ, aru caivũ Israecavu máre, ne majinajiyepe ayũ. Jesús Nazarecacu ũi parué boje, ñai ũmũ númi yui muje jáinoi, meacu baju. Ñainecabe Jesús muje pëvari boarĩ jarũvaimũ mácu. Ûbenita Jũmenijicu toivaicöjenejaquemavu ũre yainore jaruvarĩ. ¹¹Aru Jũmenijicu toivaicöjenejaquemavu ũi yávaiyede yópe Jesúi borore: “Iva cũravare cũramine ñaipöeva ũbeni jarũvaquemavu. Caride iva cũrava caiva apeva pũeno parũrivabu”, arejaquemavu Jũmenijicu. Nopedeca Jesús, muje ũbemũ mácu, Jũmenijicui epeimũ. Apevu pũeno jabocu parũcũbe ñai Jesús. ¹²Que baru ũrecabe cũinãcu pöevare meadaipöecu. Ijãravũre apecũ cubebi. Quécũra Jesús, Jũmenijicui epeimũ, pöevare meadavũ buoiaibi, ne ñãjimenajiyepe ayũ ne ãmeina teiye boje, arejameđa Pedro cójijinocavũre.

¹³Ûre jápiaivũ bãcavu, ina cójijinocavu cücumarejaimada, ne jáiyede Pedrore aru Jũare máre yávavũre jidubevũva, ne coreõvaiye boje náre ũbeni cũrivũre aru buebevũ bãcavũre máre. Ûbenita majidejaimada Jesúi yóvaimara mácavũre. ¹⁴Jãrejaimada ñai ũmũ meadaimũ mácũre ne jëneboi Pedro aru Jũaque máre. Que baru coyũrĩ majibeni, bi arejaimada na. ¹⁵Dinumũ etaicöjenejaimada Pedrojäre ne cójijitucubũre jocarĩ. Ne etarĩburu yóboi, ina jabova yávavũ barejáimada ne bajumia, yópe arĩ, jëniari járejaimada:

¹⁶—¿Aipe ñarãjidica maja náre?

Ñarãma na urarõ pöeva ne ñarĩ majibede. Caivũ Jerusalécavu majima ne ñaiye báquede. Que baru maja ju abeni majibevũ. ¹⁷Ûbenita ne buebenajiyepe aivũ apevũre ne bueiye de, aru ne ñabenajiyepe aivũ pöeva ne ñarĩ majibede cojedeca, yávaicöjemenajarevu

cojedeca Jesúí borore, arejaimada ina cójijinocavũ, ne bajumia yávaivũ.

¹⁸Ne yávarĩburu yóboi,

órejaicōjenejaimada Pedrorre aru Jũare máre ne cójijitucubũ cojedeca. Aru parurōreca yávaicōjemenidurejaimada náre Jesúí borore.

—Bediōva cojedeca buebejarā mũja Jesúí borore, arĩdurejaimada na Pedrojāre.

¹⁹Ūbenita Pedrojācapũravũ arejaimada ina judĩovai jabovare:

—Dápiarĩ majijarā mũja. ĆJũmenijicui jáĩnoi, ju arājidi ñũja mũje ñaicōjeiyede o Jũmenijicui ñaicōjeiyede? ²⁰Jave dápiarĩ majivũ ñũja aipe ñaiye jaũrōre ñũjare. Ju aipe jaũvũ ñũjare Jũmenijicui ñaicōjeiyede. Que baru apenore ñaiye majibevũ ñũja. Quéñora ñaivũbu yópe iye ñũje jáiye báquepe, aru yópe ñũje jápiaiye báquepe máre, arejaimada.

²¹Ina cójijinocavũcapũravũ cojedeca yávaicōjemenidurejaimada náre parurōreca.

—Jesúí borore mũje buedu, ñájine ñarājivũbu mũjare, arejaimada Pedrojāre.

Ina pōevacapũravũ torojũrĩ mearore jĩdejaimada Jũmenijicure, Pedrojā ne ñaiye báque boje. Que baru ina cójijinocavũ, yávaicōjemeniduiivũ, jaetovarejaimada náre. ²²Aru ñai ĩmũ, ne meadaimũ mácu pōeva ne ñarĩ majibeno ñaiyeque, cuarenta paiũjua pũeno baju bucũcu barejámeđa ĩ.

**Jesúre ju aipōeva ne jēniaino paruéde
Jũmenijicũque**

(Mt 27.1-2; Mr 15.1; Lc 23.1,
7-11; Jn 18.28-29; Fil 2.7)

²³Maumejiena etarĩburu yóboi cójijinore jocarĩ, Pedro aru Jũamaque copainũrejaimada ne yóvaimara yebai. Aru coyũrejaimada náre caiye ina sacerdotevare jaboteipōeva aru ina judĩova bucũva máre ne coyũiye báquede náre. ²⁴Ina Jesúre ju aipōeva jápiaivũ bācavũ Pedrojāi borore, cūináturũ yópe arĩ, coyũrejaimada Jũmenijicure:

—Mũ, ñũje jabocũ, caivũ jabova pũeno meacũ, cuedarejaquemavũ mũ cavarōre, aru joborōre, aru jia uradare máre, aru caivũ nócvũre, aru noi cuede máre.

²⁵Mũ yávaicōjenejaquemavũ ñũjeñecu David bácu, mũre memecaipōecu bácu, mi Espĩritu Santo majiéque. Que teni David bácu arejaquemavũ:

Judĩova āmevũ jorojĩnajarama.

Pōeva dápiarājarama ũbenina

ne ñarājiyede. ²⁶Ijarāvũcavũ

jabova meadarājarama na ne

baju. Aru ina ĩmaroare cójeipōeva

cójjijnajarama, maucũvarājivũ

Jũmenijicure aru ĩi epeimũ

Cristore máre, arejaquemavũ

David bácu.

²⁷Yópe David bácu ĩi Jũmenijicui yávaiyede coyũcaie báquepe ñaiyede jávũ ñũja. Yo ĩmaroi ina jabova Herodes aru Poncio Pilato cójjijiquemavũ judĩova āmevũque aru apenũ Israecavũque máre, maucũvarājivũ Jesúre, mũre memecaipōecu meacũ bajure, ñai mi epeimũ Cristore. ²⁸Cójjijiquemavũ, ñarājivũ yópe “Ñarājarama”, mi aino mácarōpe, mi majiéque, nópe arĩ, yávorejaquemavũ mũ.

²⁹Aru mũ, ñũje jabocũ, cōmaje āroje jájacũ ñũjare, ne ñájine ñaiye boje ñũjare. Jidũbevũva yávere ñajacũ ñũjare Jesúí ĩi yávaie méne. ³⁰Ijimarare meadajacũ náre coapa. Parũre ñajacũ ñũjare ñũje ũmei, ñũje ñarājiiyepe ayũ pōeva ne jámene, ne ñarĩ majibede máre, mũre memecaipōecu Jesúí ĩi āmiái, ĩi paruéque, arĩ jēniarejaimada Jũmenijicure na, Jesúre ju aipōeva.

³¹Jēniari buojaiyede, ne curō cójidejavũya pare Jũmenijicui paruéque. Aru ñai Espĩritu Santo ñaicōjeñũ, yávaicōjenejaquemavũ náre. Que teni jidũbevũva coyũrejaimada Jũmenijicui yávaie méne.

Caivũ ne cũvae ne coavaino

(Hch 2.44-45)

³²Caivũ Jesúre ju aipōeva ne ũme aru ne dápiaie máre cūináturũ barejámeđa na. Nācacũ cubedejámeđa

“Yo jínomu” ayu. Quéнора caiye ne cуvaede “Majemu”, arejaimada na, Jesúre ju aipöeva. ³³Jesús üi yávaiye méne beorí соуиicöjeimara парүöreca соуүrejaimada aревүre: “Jácarā ñuja Jesúre nacajañure yainore jarүvari”, arejaimada. Aru Jүmenijicu mearo ðacarejameða náre pare. ³⁴⁻³⁵Nácacu cubedejameða jaumu üre apejje. Arevu ina joboröre сүvarivü, сүramiare сүvarivü máre, bojedavü barejáimada nénore. Aru ne bojedainore ñvari, jivü barejáimada Jesús üi yávaiye méne beorí соуиicöjeimarare, ne coavaräjijeye aivü ina apejje jaumarare náre jaurope. ³⁶Cüinácu nácacu yöpe ðarejameða, üi ámiá José. Ñai José levita ámicuriyajubocacu barejáimada. Aru pöetedejameða Chipre ámicurijavui. Jesús üi yávaiye méne beorí соуиicöjeimara ámidorejaimada üre Bernabé, “cadateipöecu” aivü. ³⁷Ü сүvacu bácu joboröare, aru cüináro üi joboröre bojedarejameða ü, Bernabé. Bojedariburu yöboi, bojedainore ñvari, jídejameða diede Jesús üi yávaiye méne beorí соуиicöjeimarare, ne coavaräjijeye ayu. Que ðarejameða Bernabé.

Ananías jímarepacomaque ne borocurö

5 ¹Arevu curejaimada, üi ámiá Ananías, aru jímarepaco máre, öi ámiá Safira. Ñai bojedarí jídejameða üi joboröre. ²Ne bojedainore ñni, apede ne bojedainoquede yaveni epedejameða nénova. Que teni apede ne bojedainoquede jídejameða Jesús üi yávaiye méne beorí соуиicöjeimarare. —Üju, yo caino ñuje joborö mácarö bojetamu, übenina arejameða Ananías Pedrojäre.

Jipocamia jímarepaco majidejacoða caiye iye üi ðaquiyede. ³Üi jíniburu yöboi, Pedro arejameða üre:

—Mü, Ananías, ¿aipe teni abujuvai jabocu dápiaicöjeni müre yöpe mi ðainore, mi jujovariduquiyeye ayu ñai Espíritu Santore mi yaveni epeiyede

apede yo bojedainoquede? ⁴Mi joboröre bojedarí jíquiyе jipocai, míno cütevü dijaborö. Aru bojedariburu yöboi, iye täutura máre míye batevü. Que baru, ¿aipe teni dápiacurü mü mi ümei iye ámeina teiyede? Borocubevü mü pöevare quévura. Quéнора borocüvü mü Jүmenijicure, arejameða Pedro üre.

⁵Cüiná Ananías jápiayu bácu iye Pedro üi соуиiyede, yaini turejameða joboröi. Aru caivü ina jápiaivü üi borore jidurejaimada pare. ⁶Dinumü arevu bojüvü earí, yaiyü bácu baju bácaröre cümarí, ñvari, jarүvarejaimada ü mácure cүracobei.

⁷Yöbecuriora yöboi, Ananías bácu márepaco nurejacoða Pedrojá yebai. Übenita majibedejacoða cáreja jímarepacu bácure jave yaiyüre. ⁸Pedro jëniari járejameða öre:

—Coyujaco yure. ¿Iyeba caiye täutura müje bojedaino joborö mácarö boje? arejameða Pedro.

Ö ju arejacoða üre:

—Jájju, quéнора bojecüvü, übenina arejacoða ö.

⁹Öi que aiyede, Pedro arejameða öre:

—¿Aipe teni borocuriduräru müja Jүmenijicui Espíritu Santore? Jájaco daivure ina mimarepacu bácure jaruvaivü bácvü, сүrivure jedevacobei caride. Müre máre ñvari, jarүvaräjivübu, arejameða Pedro.

¹⁰Aru cüiná ö máre yaini turejacoða joboröi Pedro üi cuboba yebai. Ina bojüvü ecorí, yaiyö bácore jári, ö mácore máre ñvari, jarүvarejaimada jímarepacu bácu yebai. ¹¹Que teni caivü ina Jesúre ju aipöeva aru arevü máre, ne jápiaiyede Ananías bácu aru Safira báco ne borore, pare jidurejaimada na.

Üre pöeva ne ðarí majibeno aru ne jámeno máre

¹²Jesús üi yávaiye méne beorí соуиicöjeimara ðare nüivü barejáimada üre pöeva ne jámene, ne ðarí majibede máre. Aru caivü ina Jesúre ju aipöeva cójjijide nüivü barejáimada Jүmenijicui cүrami jivüi, Salomón mácuí cuino

amicurōi. ¹³Caivū ina Jesúre ju abevu cójijibedejaimada ina ju aipōevaque, ne jidué boje. Ûbenita caivū ina ju abevu me jáivū aru me yávaivū barejáimada ina Jesúre ju aivūre, náre ne pueđaiye boje. ¹⁴Apevu obedivū pōeva, ũmūva aru nomiva máre, ju arí Jesús ũi yávaive méne, cójijide nuivū barejáimada Jesúre ju aipōevaque. ¹⁵Jesús ũi yávaive méne beorí coyucōjeimara, ne đaiye boje pōeva ne đarí majibede, obedivū pōeva nuvare nuivū barejáimada ijimarare ne parainoai, jūarajivū náre tãibuai, Pedro nore vaiyú, ũi decocūque ũi taoquiyepe aivū apevu ijimaracavūre, ne meatenajiyepere aivū. ¹⁶Aru apeno ĩmajinoacavū obedivū eare nuivū barejáimada Jerusalén amicuriĩmaroi. Na máre ijimarare, aru abujuva ne ĩmamarare máre, nuvare nuivū barejáimada. Aru caivū ne nuvaimara mácavū meadaimara marejáimada na.

Jabova ne ñápine đaino Pedrojárē

(Mt 27.25; Jn 11.25, 14.6; Ro 6.4)

¹⁷Dinūmū ñai sacerdotevare jaboteipōecu aru ũre cađateipōeva, caivū ina saduceo amicuriyajibocavū, pare jorojinejaimada Jesús ũi yávaive méne beorí coyucōjeimarare. Que baru ina saduceovacavū maucūvarí búrejaimada náre. ¹⁸Náre jēicōjeni, buorejaimada āmeina teivūre jēni jacoĩnami. ¹⁹Ûbenita diñamimiareca cūinácu Jūmenijicui daroimū, ángele earí ne yebai, voacarí náre diñami jedevacobede, jipocatedejameda náre nore jocarí. Que teni arejameda náre:

²⁰—Jūmenijicui cūrami ñujara mūja. Aru coyūjarā pōevare nore caiye iye yávaive méne járavū cūiméjaravū baquinóre, arejameda ñai ángele náre.

²¹Ûre ju arí, miadáe tuiyede Jūmenijicui cūrami ecorí, bueni búrejaimada.

Dinūmūmia ñai sacerdotevare jaboteipōecu ũre cađateipōevaque órejaicōjenejaimada caivū judíoiva bucūvare, ne cójijinajiyepere aivū caivūre. Que teniburū,

apevu ne coreipōevacavūre davaicōjenidurejaimada Jesús ũi yávaive méne beorí coyucōjeimarare āmeina teivūre jēni jacoĩnamine jocarí ne cójijinoita. ²²Ûbenita ina coreipōeva ne eaiyede āmeina teivūre jēni jacoĩnami, nore eabedejaimada ina Jesús ũi yávaive méne beorí coyucōjeimarare. Que teni cójijinoi copainūri, yópe arí, coyūrejaimada ina cójijinocavūre:

²³—Ñuje eaiyede āmeina teivūre jēni jacoĩnami, jedevacobe me bieicobede eavu ñuja. Aru churarava nūrivū jedevacobe yebai coreivūre máre eavu ñuja. Ûbenita jedevacobede ne voaiyede, eabetevu ina buoimara mácavūre, arejaimada ina coreipōeva.

²⁴Ne coyuiyede jápiaivū bācavū Jūmenijicui cūramine coreipōevai jabocu aru sacerdotevare jaboteipōeva máre pare cārijini, “¿Aipe tedica na cari?” arí dápiarejaimada. ²⁵Dinūmūmia cūinácu ũmū ecorí ne cójijitucubui arejameda:

—Jápijarā yūre. Ina mūje ēnoare buoimara mácavū caride Jūmenijicui cūrami jívui nūri bueivūbu pōevare noi, arejameda.

²⁶Aru coreóvarí ári curivūre, ñai jabocu nurejameda Jūmenijicui cūrami ina coreipōevaque, ne nuvarajiyepere ayu Jesús ũi yávaive méne beorí coyucōjeimarare cójijinoi. Ûbenita náre āmeno đabevūva nuvarejaimada, pōevare ne jidué boje. “Ñuje āmeno đaru náre, pōeva cūraboaque đūvarí boarájarama ñujare”, arí dápiarejaimada na. ²⁷Ne eaiyede ne cójijitucubui, núicōjenejaimada ne buoimarare ina cójijinocavū ne coricai. Sacerdotevare jaboteipōecu, yópe arí, jararejameda náre:

²⁸—Ñujavacari parūrōreca bueicōjemeniduvū mūjare añū ũmū ũi borore. iÛbenita mūja ju abevū ñujare! Bueivūbu mūja mūje bueiyede obedivūre, caino Jerusalécavūre. Náre coyuiyūvū mūja, “Sacerdoteva boarí jarūvaicōjema Jesúre”, aivūbu mūja, pōeva ne āmeina járajiyepere aivū ñujare, arejameda sacerdotevare jaboteipōecu.

²⁹Pedrocapūravu apevu Jesús ũi yávaiye méne beorí coyucójeimaraque arejaimada úre:

—Ju aiye javvu ñujare Jūmenijicu ũi ñaicójeiyede pōeva ne ñaicójeiye pñeno. ³⁰Mujavacari Jesúre pēvari boarí jaruvaicójeavu jocucujaravena. Ūbenita Jūmenijicucapūravu, majeñecuva mácavu ne jabocu, nacovaquemavu úre yainore jaruvarí. ³¹Aru nacovariburu yóboi, Jūmenijicu epequemavu úre ũi meapūravui. Ñai meapūravu cucu parúje cuvabi. Que baru Jesúrecabe maje jabocu aru majare meadaipōecu máre, Israecavu chíori ne ámeina teiyede, oatuvarí buojarájiyepa ayu ne ñaiyede, aru Jūmenijicu ũi árūmetequiyepe ayu ne ámeina teiyede. ³²Ñuje jáiye báque boje Jūmenijicu ũi ñaiye báquede Jesúre, coyuvubu mujare iyede. Ñai Espiritu Santo máre coyuyube Jūmenijicui ñaiye báquede. Aru Jūmenijicu daroyube ñai Espiritu Santore caivu ina ju aivure úre, arejaimada Pedrojá.

³³Ne coyuiyede jápiaivu ina cójijinocavu, pare jararejaimada Jesús ũi yávaiye méne beorí coyucójeimarare. Ne náre pare jaraiye boje, “Boarí jaruvaicójenajarevu náre”, arejaimada ina cójijinocavu ne bajumia. ³⁴Ūbenita cūinácu cójijinocacu, fariseovacacu, ũi ámiá Gamaliel, nacajari, coreipōevare nuvaicójenejamedá Pedrojáre cójijitucubare jocarí. Caivu pōeva me puedarejaimada úre, Gamalielde. ³⁵Pedrojá ne etaríburu yóboi, Gamaliel yópe arí, coyurejamedá apevu cójijinocavure:

—Muja, jívū, Israecavu, me dápijará muje ñaiyede ina ũmuvare. ³⁶Árujara muja áñu Teudas bácu ũi ñaino mácarōre obediñua jipocai. “Parucubu yu. Me jabotequijivu mujare”, arejamedá ũi mácu pōevare. Aru cuatrocientos paivu ũmūva baju nurejaimada úque. Ūbenita ne boarí jaruvaiyede ũi mácu, úque nuivu bácvu coateni nurejaimada na. Que teni ũi mácu ñaiye báque bíjarejaváya. ³⁷No yóboi, nopedecabu

apevu ũi ñaino mácarō, áñu Galileacacu bácu, ũi ámiá Judas. Jabocu toivaicójeinūmu pōevare ne ámiare, corevaiyucu náre, obedivu pōeva nurejaimada úque máre. Aru úre máre ne boarí jaruvaiyede, úque nuivu bácvu coateni nurejaimada na. ³⁸Nopedecabu caride ina ũmūvaque. Coyuyubu mujare: Dabejará ámeno náre. Cārijovamejara náre. Pōeva ne ñaicójenu iye ne ñaiyue aru ne bueiye máre, bíjaquiyebu die. ³⁹Ūbenita Jūmenijicu ũi ñaicójenu iye ne ñaiyue aru ne bueiye máre, bíjabequiyebu die. Muja maucuvarivu baru náre, maucuvajebu Jūmenijicure máre, arejamedá Gamaliel.

Aru ina cójijinocavu ju arejaimada ũi coyuiyede. ⁴⁰Que arí, ina coreipōevare davaicójenejaimada Jesús ũi yávaiye méne beorí coyucójeimarare cójijitucubui cojedeca. Ne eaiyede, ina coreipōevare jara popeicójenejaimada náre, Pedrojáre. Aru jara popeniburu yóboi, ina jabova yávaicójemenuidurejaimada Pedrojáre cojedeca Jesúi borore. Que teniburu yóboi, jaetovarejaimada náre. ⁴¹Aru Jesús ũi yávaiye méne beorí coyucójeimaracapūravu torojurivu baju etarejaimada cójijinore jocarí. Torojurejaimada ne cūyoje teni ñájiye boje, ne ju aiye boje Jesúre. ⁴²Aru caijāravua Jūmenijicui cūrami aru ne cūramiai máre buede nuivu barejáimada, aru coyure nuivu barejáimada na iye yávaiye méne Jesúrā, Jūmenijicui epeimū mácuará.

Siete paivu cadateipōevare ne beino

6 ¹No yóboi, apevu obedivu Jesúre ju aipōeva jararí jūjuvaivu barejáimada ne bajumia. Nácavu griego ámicuricamuare yávaivu aru apevu nácavu hebreo ámicuricamuare yávaivu jaraivu barejáimada ne baju. Ina judíova griegore yávaivu arejaimada:

—Ñujacavu nomiópeva jacorubema muje coavaiyede jaravua coapa. Que baru, “Muja coapavabevu”, chíoiyu arejaimada.

²Que baru ina doce paivu Jesús ùi yávaiye méne beorí coyucōjeimara órejarí caivu ina Jesúre ju aipōevare ne yebai arejaimada:

—Ñuje dajocarú Jūmenijicui yávaiye méne coyuiyede, jínajivu nomiōpevare aru apevu cōmaje ārojarivure máre náre jauéde, meamejebu no. ³Que baru mija, ñujevu, beojarā siete paivu mujacavure. Yópe bajarári na: Pōeva ne pueđaimara, Espiritu Santo ùi ðaicōjeimara, aru majiéde cuvarivu bajarári. Ñuja náre coapavaicōjenajivubu cōmaje ārojarivure. ⁴Que teni ñujacapūravu cūináturu ñuje ũme jēniarajivubu Jūmenijicūque aru coyurājivubu ùi yávaiye méne, arejaimada na, Pedrojá.

⁵Ne coyuiye cojurejavūya caivu ina Jesúre ju aipōevare. Que baru beorejaimada Estebāre. Ũ parurōreca ju ayu barejámeđa Jesúre. Aru ñai Espiritu Santo ðaicōjēnejameđa úre. Beorejaimada apevure máre: Felipe, Prócorore, Nicanore, Timóre, Parmenare, aru Nicoláre máre. Ñai Nicolás Antioquía āmicurīmarocacu barejámeđa. Ũ judío āmenejameđa. Ũbenita jipocamia ju arejameđa ina judío va ne buei yede. ⁶Náre beorí buojarí, nūvarejaimada náre Jesús ùi yávaiye méne coyucōjeimara yebai, ne jēnicarājiiyepē aivu náre Jūmenijicūque, tuorí puruáque ne jipoburā náre coapa yópe judío va ne ðarí cōmajiiyepē, jáđovarajivu ne memei no bui yede.

⁷Aru apevu pōeva obedivu Jūmenijicui yávaiye méne coyuiyede jápiarí, ju arejaimada diede. Caijāravua apevu ne ju aiyede pūeno baju obedivu ju aivu nūrejaimada Jerusalén āmicurīmaroi. Aru apevu ina sacerdoteva máre ju arejaimada Jesús ùi yávaiye méne.

Estebāre apevu ne jéino

⁸Esteban Jūmenijicui mearo ðacaimu marejámeđa. Jūmenijicū me járejaquemavu úre. Que baru parure ðarejaquemavu úre. Aru majide ðarejaquemavu úre máre. Esteban

ðare cuyu barejámeđa urarō pōeva ne jámene, ne ðarí majibede máre, pōeva jēneboi. ⁹Ũbenita apevu ũmūva maucūvarejaimada úre. Ina cūinádami judío vai cōjijiiñamicavu barejámeđa na. Ina Estebāi mauva marejámeđa Cirene aru Alejandría āmicurīmarocavu, aru apevu Cilicia aru Asia āmicurijoborōacavu máre. Caivu ina judío va barejámeđa na. Esteban yebai nūri, jaraivu yávarí búrejaimada na úque. ¹⁰Ũbenita Esteban yá v arejaimada urarō majiéde, ñai Espiritu Santoi paruéde ùi cūvae boje. Que baru ina ùi mauva ju arí majibedejaimada na úre. ¹¹Que baru Estebāi mauva bojedarejaimada apevu borocūrivure. Aru ina borocurivu arejaimada yópe:

—Esteban āmeina yávabi Moisés bācure aru Jūmenijicūre máre. Jápiavubu ñuja, ũbenina arejaimada.

¹²Yópe ðarí jorovarejaimada obedivu pōevare, judío va bucūvare aru Jūmenijicui yávaiyede coyui pōevare máre. Ina Esteban yebai nūri, úre jēni, jaruporejaimada judío vai cōjijiiñami.

¹³Dinumu davarejaimada apevu borocūrivure. Aru borocurí arejaimada na:

—Ñai ũmu cainumua āmeina ávaibi Jūmenijicui cūramine aru Jūmenijicui ðaicōjeiyede ùi coyuiye báquede Moisés bācure máre. ¹⁴Ñujavacari jápiavubu ũ ayure yópe añu Jesús Nazarecacui borore: “Jesús jarūvacūyume ðiñami Jūmenijicui cūramine aru oatūvacūyume caiye maje ðarí cōmajiiyede yópe Jūmenijicui ðaicōjeiyede ùi coyuiye báquepe Moisés bācure”. Que abi ñai Esteban, ina borocurivu arejaimada cōjijiiñocavure.

¹⁵Aru caivu nore curivu me cocorí Estebāre járejaimada ùi jivare yópe ángelei jivare ārojarore.

Esteban ùi yávaino úre ne boarājiiye jipocai

(Mt 22.32; Hch 3.22)

7 ¹Dinumu ñai sacerdotevare jaboteipōecu jēniari járejameđa Estebāre:

—¿Jāvēma yo ne coyuino mi borore? arejameða.

²Aru Esteban, yóre arí, coyñrejameða cójijinocavure:

—Mujá, jívũ aru jíbucũva máre, jápiajarā ji coyñiyede. Javede Jūmenijicu meacu baju cūetedejaquemavũ majeñecu Abraham mácu yebai ũi cūedeca cāreja Mesopotamia āmicurijoborōi, ũi nũquiye jipocamia Harán āmicurīimaroi. ³Jūmenijicu arejaquemavũ ũre: “Mũ, Abraham, mi curōre jocarí nujacu mũ. Aru mi curōcavure máre jocarí nujacu. Jáđovacuũmu yũ mare mi apeno curō, mi cuquinore”, arejaquemavũ Abraham mácure Jūmenijicu. ⁴Jũ arí Jūmenijicure, Abraham mácu etarejaquemavũ Caldea āmicurijoborōre jocarí, cūcũncũyũ Harán āmicurīimaroi. (Mesopotamia āmicurijoborōi cũvũ Caldea.) Abraham mácuĩ pacu bácu ũi yainíburu yóboi, Jūmenijicu nuicōjenejaquemavũ ũre yore, muje cari curōre.

⁵Dinũmu Abraham mácuĩ eaiyede yore, Jūmenijicu jíbedejaquemavũ joborōre ũ mácure. Ye joborō quíjimore máre cūinácũbobareca ũi epeino jacorũbedejaquemavũ Abraham mácu cāreja. Ũbenita, “Yo curō mi cuquinore jícũyũmu yũ mũre”, Jūmenijicu arejaquemavũ ũ mácure. “Yo joborōre jícũyũmu yũ mũre aru mipāramena mārājivũre máre. Yo joborō mũjeno maquiýebu”, arejaquemavũ Jūmenijicu ũ mácure. Aru Jūmenijicu ũi que aiyede, Abraham mácu juedocũvabecu barejaquemavũ cāreja. ⁶Yóre arí, coyñrejameða Jūmenijicu ũ mácure: “Mipāramena mārājivũ apejoborōi nũri, cuatrocientos paicũva baju nore curājarama na mārājivũ. Aru nore curí, mipāramena mārājivũre pare memecōjenajarama nócavũ, ne eaijoborōcavũ. Yebacavũpe memecarājarama mipāramena mārājivũ. Náre jara popeni, memecaicōjenajarama nócavũ. ⁷Ũbenita náre, dijoborōcavũre, nájine dacũyũmu yũ ne āmeina ðaiye báque boje mipāramena mārājivũre. No yóboi, yore copaidarājarama

mipāramena mārājivũ dijoborōre jocarí. Aru yũre mearore jínajarama yui”, arejaquemavũ Abraham mácure Jūmenijicu.

⁸No yóboi, bedióva Jūmenijicu “Yóre ðarājare”, arí yávarejaquemavũ Abraham mácure. “Mũ jũ aru ji coyñiyede báquede, yóre ðarí jáđovajara mujá. Mũ aru mívũ ũmũva aru mi yebacavũ ũmũvaque máre muje cajede burajarā mujá, ārũrivũ ji coyñiyede báquede mũjare”, arejaquemavũ Jūmenijicu. Abraham mácu jũ arejaquemavũ ũre. Que baru cajede burarejaquemavũ mamacu Isaac bácuire ocho paicũvavũ ũi pōeteniburu yóboi. Aru nopedeca ðarejaquemavũ Isaac bácu mamacu Jacob bácuire. Aru nopedeca ðarejaquemavũ Jacob bácu doce paivũ mamarare, majeñecuva mácavũre.

⁹Cairũcarũũre paivũ ina Jacob bácuĩ mára, majeñecuvacavũ bácvũ, pare jorojĩnejaquemavũ néyocũ bácuire, ũi āmiá José. Que baru bojedarejaquemavũ ũ mácure apevũre, ũ mácure nũvari bojedarājiyepa aivũ Egipto āmicurijoborōcacure yebacacure. Ũbenita Jūmenijicu cadatedejaquemavũ ũ mácure. ¹⁰Ũ mácuĩ cuede Egipto āmicurijoborōi apenũmu nájĩnũ marejaquemavũ ũ, José bácu. Ũbenita cainũmua Jūmenijicu cadatedejaquemavũ ũ mácure, ũi etaquiyepe meacu ayũ. Ũrarō majide ðarejaquemavũ ũ mácure. Que baru Egiptocavũ ne jabocũ bácu, Faraón ne aimũ, me járejaquemavũ José bácuire, ũi mearo ðaiye boje aru ũi majié boje máre. Jaboteicōjenejaquemavũ José bácuire caivũ ũi cūramicavũre aru caivũ Egiptocavũre máre. Aru coreicōjenejaquemavũ ũ mácure caiye ũi cũvaede.

¹¹Dinũmu āmeno baju vaidéjaquemavũ no āiye cũbenore caivũ Egipto āmicurijoborōcavũ aru Canaán āmicurijoborōcavũ máre. Que baru majeñecuva mácvũ, Canaán āmicurijoborōi curivũ, ye āiye cũvabedejaquemavũ na mácvũ. ¹²Jacob

bácu jápiayn “Áiye curore Egiptore”, darorejaquemavn capucapucare paivn mamarare, majeñecuva mácavne, mamarum̄ ne nurí ñajiyere ayñ ãiyede. ¹³Ne copaiyede nore bediõva cojedeca, José bácu “Yñ Josébu”, arejaquemavn jíburã mácavne. Faraón mácu José bácu jívure coreõvarejaquemavn. ¹⁴José bácu jarorejaquemavn jíburã mácavne aru ñmacu bácvre máre népacu Jacob bácu yebai, daicõjeñ caivn ñ jívure ñi yebai, Egipto ãmicurijoborõ. Aru setenta y cinco paivn baju barejaquémavn na mácavn. ¹⁵Jacob bácvã nurejaquemavn Egipto ãmicurijoborõ. Ñ mácu aru caivn mamara máre, majeñecuva mácavn, yaidéjaquemavn dijoborõ. ¹⁶Yõbore népãramena mácavn ñvarejaquemavn ne bajuá báquede, jarvvarãjivn cãracobei Siquem ãmicuríimaro. No ne yaivn bácvure jarvvarãjinore Abraham mácu bojedãrĩ ñejaquemavn jípcamia Hamor bácvu mårare. Na mácvure jídejaquemavn táuturare Abraham mácu.

¹⁷Aru ãnijãravn, Jñmenijicui Abraham mácvre, “Yõpe ñacacuyumu mure”, ñi añjãravn bácarõ joabede, obedivn majeñecuva mácavn currejaquemavn Egipto ãmicurijoborõ.

¹⁸Dinm̄ jaboteyu barejaquémavn Egiptocavne apescu jabocu bácu. Ñ mácu coreõvabedejaquemavn José bácvre. ¹⁹Ñ mácu borocurĩ ãmeina ñarejaquemavn majeñecuva mácavne. Ñãjine ñarejaquemavn na mácavne. Ñ mácu ñajocõjenejaquemavn némara quíjinaré jedevai, ne yainãjiyere ayñ.

²⁰Dinm̄m̄ia põetedejaquemavn majeñecu mácu, ñi ãmiã Moisés. Juedocu meacu baju barejaquémavn. Ñ mácvu bucva bácvu bucõvarejaquemavn ñ mácvre yõbecurã aviãva ne cãrami jívui. ²¹Ne ñajocaiyede ñ mácvre jedevai, Faraón mácvu máco báco Moisés bácvre earĩ, ñvvari õi cãrami, bucõvarejaquemavn mamacu bajupe. ²²Ína Egiptocavn bácvu majiéde buedejaquemavn Moisés bácvre. Que teni bucucu carĩ yãvarejaquemavn aru ñarejaquemavn ñarõ pãrueque.

²³Cuarenta paivña cãvacu Moisés bácu, jácunurejaquemavn apenv ñ jívure, Israecavne. ²⁴Jãrejaquemavn cõinãcu Egiptocacu bácvre jara boayãre cõinãcu Israecacu bácvre. Ñ jícu bácvre cadateiyucu, ññ Egiptocacu bácvre boarĩ jarvarejaquemavn Moisés bácu yavenina. ²⁵Ñ mácu yõpe arĩ ñãpiarĩdurejaquemavn: “Ína jívn majinajarama Jñmenijicu yure ñvvaicõjecuyure náre ne yebacateinore jocarĩ, arĩdurejaquemavn. Ñbenita majibedejaquemavn na mácavn.

²⁶Cõmiãjãravn Moisés bácu jãrejaquemavn pãcarã ñm̄va Israecavn bácvure ñdamateivure ne bajumia. Que teni cãrijovamene ñarĩdurejaquemavn ñ mácu na mácvure. Yõpe arejaquemavn: “M̄ja cõinãvntamu. Que baru, ñaipre teni ñmeina ñaivurũ m̄ja m̄je baju?” arejaquemavn Moisés bácu.

²⁷Ñbenita cõinãcu nácacu bácu jarvarejaquemavn Moisés bácvre. Aru jñnari jãrejaquemavn ñ mácvre:

“¿Name jaboteicõjени mure ñjare? ¿Ñame jñnari jãipõescupe epedi mure?”

²⁸¿Yure máre boarĩ jarvvaivucurũ, yõpe mi boavarepe ññ Egiptocacu bácvre ñoare?” arejaquemavn. ²⁹Ñ mácvu que aiyede jápiayn Moisés bácu, dupini nurejaquemavn Egipto ãmicurijoborõre jocarĩ. Apeno joborõ, Madián ãmicurijoborõ, earĩ currejaquemavn. Jímarepaco báco, dijoborõcaco, juedocuvarejaquemavn pãcarã ñm̄vare.

³⁰Aru Moisés bácu nore currejaquemavn cuarenta paivña. Dinm̄ cõinãcu Jñmenijicui ñaroim̄ mácu, ángele, cuetedejaquemavn ñ mácvre põescubenoj joabejĩnoi Sinaĩ ãmicuricũ cãracure. Ññ ángele cuetedejaquemavn cõinãcu jocujicu uruijicu jñneboi. ³¹⁻³²Moisés bácu cuecumañ ñi jáiyede, joabenoj nurejaquemavn, me jácuy. Que teni jápiarejaquemavn Jñmenijicui yãvainore, yõpe aiyede: “Yãtamu Jñmenijicu. Míñecuva Abraham, Isaac, aru Jacob ne ju aim̄mu yñ”, arejaquemavn Jñmenijicu. Diede

jápiarī, Moisés b́acu jiducu, bidini jáiyubedejaquemavu. ³³Cojedeca J́umenijicu arī yávarejaquemavu ũ mácure: “Mu núvu caride joborō mearo baji, ji cwe boje yui. Aru ýbu meacu baju caivu pueno. Que baru dujacu mu mi c̄raidoare, pueđac̄uȳ ūre. ³⁴Ȳu jáivu ji p̄eva urarō ñájivure no joborō Egiptoī. Ȳu jáiaivu ne oiye. Que baru daivu ȳu, meadac̄udaȳ náre. Nujacu cari. Jacopaiyovaquijiv̄u m̄re Egiptoita”, arejaquemavu J́umenijicu Moisés b́acure.

³⁵Áñ̄u Moisés b́acure Israecavu b́acavu ũbeni jaruvaiyuridurejaquemavu. Yópe arī, “¿Ñame jaboteicōjeni m̄re ñ̄jare? ¿Ñame j̄eniari jáip̄oc̄upe epedi m̄re?” j̄eniari járejaquemavu na mácavu. Ũbenita na mácavu ũ mácure jaruvaiyuriduīvureca, J́umenijicu jarorejaquemavu Moisés b́acure ne yebai, ũi jaboteni meadaquiyep̄e ayu na mácavure. Aru añ̄u ángele, ũi jáim̄u mácu joc̄uj̄icu uruij̄icui, cadateȳu barejaquemavu ũ mácure.

³⁶Moisés b́ac̄vacari núvarejaquemavu añina Israecavu b́acavure Egipto āmicur̄ijoborōre jocarī. Darejaquemavu p̄eva ne jámene aru ne đarī majibede máre ure Egipto āmicur̄ijoborōi, ne etarājiye jipocare, aru jia urada yebai, aru na mácav̄u cuede máre p̄oc̄ubenoī cuarenta paij̄ua baju.

³⁷Áñ̄u Moisés b́ac̄vacari arejaquemavu Israecavu b́acavure: “J́umenijicu daroc̄uȳme m̄jare ap̄ecu ũi yáviyede coyuc̄aip̄oc̄ure nopedeca ũi daroiyep̄e ȳre. M̄jacasu bac̄uȳme ũ. Ju ajarā ũre”, arejaquemavu ũ mácu. ³⁸Áñ̄u Moisés b́ac̄vacari c̄rejaquemavu Israecavu b́acav̄que, majeñec̄uva mácav̄que, ne c̄ojijiyede p̄oc̄ubenoī. Aru c̄rejaquemavu añ̄u ángele ũre yávyu b́ac̄que Sinaí āmicur̄icū c̄racūi. Áñ̄u Moisés b́ac̄vacari jac̄orejaquemavu J́umenijicui yáviyede, majide đac̄uȳu majare, maje majinajiyep̄e ayu aipe đaiye jaur̄ore, maje c̄varājiyep̄e ayu j̄arav̄u c̄im̄j̄arav̄u baquinóre.

³⁹Ũbenita majeñec̄uva mácavu ju abedejaquemavu Moisés b́acure.

Ũbedejaquemavu ũ mácure. Aru, “Egiptoī copaiyuriv̄ubu ñ̄ja”, aridurejaquemavu na mácavu. ⁴⁰Que teni yópe arī, j̄eniarejaquemavu Aarón mácu, Moisés b́ac̄u yócu b́acure: “Đacajacu ñ̄jare ap̄ev̄u p̄peimarare, maje nuvarajiyep̄e maje jipocai. Majibev̄u maja aipe vainore ñai Moiséde, majare davavacure Egiptore jocarī”, arejaquemavu na mácavu. ⁴¹Que arī, đarejaquemavu ne p̄peim̄re yópe oteiv̄ec̄uj̄icupe. Que đarī buojari, āimarare boarī, juarejaquemavu, ne p̄peim̄re j̄iv̄u. Aru torojurejaquemavu, mearore j̄iv̄u ne baju puruáque ne đaiye báquede. ⁴²Que teni ne J́umenijicure jaruvaiye boje, J́umenijicu máre jaruvarejaquemavu na mácavure, mearore j̄ic̄oj̄eñ̄u abiac̄ovare. Nópe đarī, đarejaquemavu na mácavu yópe c̄uinác̄u J́umenijicui yáviyede coyuc̄aip̄oc̄evac̄u b́acu ũi toivaiye báqueredeca:

M̄ja, Israecavu, cain̄m̄ua no cuarenta paij̄ua m̄je cuede p̄oc̄ubenoī, ȳre āimarare boarī, juarī, j̄ibeteav̄u m̄ja. Aru ape j̄iyede máre j̄ibeteav̄u m̄ja ȳre. ⁴³Ñai j́umenijicu, ũi āmiá Moloc, ũi c̄ramine, āimacajeaque đaiñamine, núvav̄u m̄ja. Aru ñai j́umenijicu, ũi āmiá Refán, ũi p̄peim̄re yópe abiac̄or̄upe ráyure máre núvav̄u m̄ja. Dinum̄re iye m̄je p̄peimarare đaiye báque boje, aru m̄je mearore j̄iye boje náre, m̄je mauvare núvaic̄oj̄ec̄uȳm̄u ȳu m̄jare m̄je joborōre jocarī pu Babilonia āmicur̄ō ānip̄urav̄uita, arejaquemavu J́umenijicu, arī toivarī, ũi yáviyede coyuc̄arejaquemavu.

⁴⁴Majeñec̄uva mácavu ne cuede p̄oc̄ubenoī c̄varejaquemavu náque ñ̄nami c̄rami ne āimacajeaque đaiñami mácarōre, iveá c̄ravea báqueque J́umenijicui đaic̄oj̄eiȳe ũi coyuiye báquede Moisés b́acure toivainoque c̄riñ̄ami mácarōre. Ñ̄nami mácarōre đarejaquemavu na mácavu

nópe Jūmenijicui jáđovaino mácarōpe jipocamia Moisés bácare ũi caede cūracūi. ⁴⁵Obediujua yóboi, Josué bácu jabotedejaquemavu majeñecuva mácavure, diñami mácarōre ðaipōeva mácavui pāramena mácavure. Jipocamia na mácavu jacopñrejaquemavu diñami mácarōre néñecuva mácavui jino mácarōre náre. Josué bácuque nuri, Jūmenijicui etavaiyede apevu judíova āmevure ijoborōre jocarí, majeñecuva mácavu ñejaquemavu yo joborōre. Na mácavu máre ñvarejaquemavu diñami mácarōre dinumunia. Aru népāramena mácavu máre jacopñvarejaquemavu diñamine, nébucuva bácvui jino mácarōre na mácavure pu David bácu jaboteiyeta.

⁴⁶Aru David bácu ðaiyurejaquemavu Jūmenijicui urōpe. Que baru Jūmenijicu me járejaquemavu ũi mácure. Aru David bácu ðacaiyurídurejaquemavu cūramine, pōeva ne jēniaiñamine Jūmenijicure. ⁴⁷Ūbenita David bácu mácu bácu, ũi āmiá Salomón, ðacarejaquemavu diñami mácarōre Jūmenijicure. ⁴⁸Ūbenita Jūmenijicu, parucu caivu apevu pñeno, cubebi pōeva ne ðaiñamia jívui. Que teni cūinácu Jūmenijicui yávaiyede coyucapōescu bácu yópe toivarejaquemavu Jūmenijicui yávaiyede:

⁴⁹Cavarō mearomu yópe ji dobarō mearo. Caiyede ðaicōjeivu yu nore dobacu. Aru ijāravubu yópe ji cuboba epeinope. Que baru ji cūramiva ðarí majibevu mija. Jūmenijicui curōre ji jabuóvaiñamine ðarí majibevu mija. ⁵⁰Yávacari caiyede cuedarejacacu yu, arejaquemavu Jūmenijicu.

⁵¹Yu coyuyubu mujare: iŪbenita járiaiyubevu mija! Dápiavubu mija yópe Jūmenijicure ju abevu ne dáriaiyepere. Járiaiyubevu mija Jūmenijicui yávaiyede. Mujeñecuva mácavure paivubu mija. Na mácavupedeca mujavacari máre cainumua járiabevu ñai Espiritu

Santore. ⁵²Mujeñecuva mácavu ñájine ðarejaquemavu caivu ānina Jūmenijicui yávaiyede coyucapōeva mácavure. Mujeñecuva mácavucapūravu boarí jaruvarejaquemavu Jūmenijicui daroimara mácavure, ũi yávaiyede coyucapōeva mácavure, ānina javede “Jūmenijicure memecapōescu meacu baju dacuyume”, arí coyuvu bácvure. Aru ũi daiyede mujacapūravu jēni jini ũre ũi mauvare, boarí jaruvaicōjeavu ũre. ⁵³Mujavacari jacopñrejaquemavu Jūmenijicui ðaicōjeiyede ũi toivaicōjeiye báquede. Ū yávarejaquemavu ángelevare. Aru ina ángeleva yávarejaquemavu Moisés bácare. Aru ũi mácu toivarejaquemavu diede, muje majinajiyepere ayu. Ūbenita mujacapūravu ye ju abevu iye Jūmenijicui ðaicōjeiyede ũi toivaicōjeiye báquede, arejameða Esteban cōjjinocavure.

Estebāre cūraboaque ne boaino

(Lc 23.34, 46)

⁵⁴Esteban ũi coyuyedeca jápiaivu ina cōjjinocavu, pare jararejaimaða ũre. Que baru cūrejaimaða ne cōpiāre, pare ne jaraiye boje. ⁵⁵Ūbenita ñai Espiritu Santo ðaicōjeñu marejameða Estebāre. Que teni Esteban, cavarōre cocorí járejameða Jūmenijicui mearo miadārore, aru Jesúre máre nūcure Jūmenijicui meapūravui paruéque.

⁵⁶Aru Esteban arejameða:

—Jájara. No cavarō voainore jáivu yu. Aru ñai Jūmenijicui daroimu mácure ũmure máre, nūcure Jūmenijicui meapūravu yebai jáivu yu, arejameða.

⁵⁷Ūi que aiyede, coðoboborí bidejaimaða na ne cá mucobeare ne pñuáque. Cūináturu nacajari, cúyarí nuri ũi yebai, ũre jēni, ñvarejaimaða nore jocarí. ⁵⁸Jabuborí jaetovarejaimaða ũre ímarore jocarí. Aru cūraboaque ðvarí búrejaimaða na Estebāre. Ina ũre boro coyurí aðaivu bácvu barejaimaða cūraboaque ðvarí buivū. Ne ðvarājiye jipocamia, epedejaimaða ne pñenocajeare cūinácu ũmū yebai, ũi āmiá Saulo. ⁵⁹Ne ðureiyedeca

cūraboaque, Estebācapūravū jēniañū marejāmeda Jesúre.

—Му, ji jabocu, Jesús, caride ijacu ji ūmene, arejameda Esteban.

⁶⁰Que arī, ñuatutarī joborōi, codoboborejameda:

—Му, ji jabocu, ārumetejacu iye ne āmeina teiyede, arejameda.

Nópe ayū bācu, Esteban mácu yaidéjameda.

8 ¹Aru ñai Saulo torojurejameda ne boarī jaruvaiyede Esteban mácure.

Saulo ūi ñájine ñaino Jesúre ju aipōevare

(Hch 2.2, 4-5, 26.9-11)

Dijāravumareca Jesúre ju aipōeva Jerusalén āmicurīmaroi curivū ñájini búreajaimada pare, náre apevū ne āmeina ñaiye boje. Caivū ina Jesúre ju aipōevare dupini nure ñarejaimada caino Judea āmicurījoborōi, aru caino Samaria āmicurījoborōi máre. Ūbenita Jesús ūi yávaiye méne beorī coyucōjeimara dupini numenejaimada. ²Apevū ūmūva, Jūmenijicure ūrivū, nuvarejaimada Esteban mácuī baju bācarōre, jaruvārājivū ū mácure cūracobei. Ūrarō chioivū codoboborī bujiéque orejaimada ū mácure. ³Ūbenita Saulocapūravū bíjaroiyurejameda caivū Jesúre ju aipōevare. Que baru nuñū cūramia coapa, ina ju aipōevare jēni jabuborī buoicōjeñū marejāmeda āmeina teivure jēni jacoiñami jívui. Ūmūvare aru nomivare máre ñájine ñarejameda ñai Saulo.

Felipe Samariai ūi coyūino Jesús ūi yávaiye méne

⁴Ina Jesúre ju aipōeva dupini nuivū Jerusalén āmicurīmarore jocarī, Jesús ūi yávaiye méne coyurānurejaimada caino joborōi. ⁵Cūinācu nācacū, Felipe āmicucū, nurejameda Samaria āmicurīmaroi. Aru coyuyū barejāmeda Jesús ūi yávaiye méne nōcavure. ⁶Obedivū pōeva ūi coyuiyede jápiaivū aru ūi ñaiyede pōeva ne ñarī majibede jáivū, me jápiarejaimada ūre. ⁷Felipe

etaicōjenejameda abujvare obedivū pōevare jocarī. Codoboborī etarejaimada na. Aru meadarejameda obedivū nacajaiye majibevure, cuiye majibevure máre. ⁸Que baru obedivū Samaria āmicurīmarocavū pare torojurivū barejāimada na.

⁹Ūbenita diimaroi cūinācu ūmū curejameda, ūi āmiá Simón. Joe baju cucū bācu noi, yaviéde ñayū barejāmeda ū. Caivū nōcavū cucumarejaimada ūi yaviéde. “Parucubū yu”, arejameda ū. ¹⁰Que baru caivū diimarocavū, jabova aru apevū máre, me jápiarejaimada ūi coyuiyede. “Ñai Simón parucube apevū pueno. Jūmenijicui parucube cuvabi ū. Ūrecabe Jūmenijicū baju”, arejaimada caivū.

¹¹Joe baju Simón pare cuvarejameda ina pōevare. Que baru me jápiarejaimada caiye ūi coyuiyede.

¹²Ūbenita ina pōeva ne ju aiye Felipe coyuiyede, jápiaivū bācavū iye yávaiye méne Jūmenijicui jaboteinore aru Jesúre, Jūmenijicui epeimū mácure máre, jáðovarejaimada Jūmenijicure ocoque, ūmūva aru nomiva máre.

¹³Simón máre ju arejameda Jesúre. Aru jáðovarejameda Jūmenijicure ocoque. Ūi jáðovariburu yóboi, Simón yóvarejameda Felipe. Ūvacari cucumarejameda ū jáñū mácu caiye iye Felipe ūi ñaiyede pōeva ne jámene aru ne ñarī majibede.

¹⁴Aru Jesús ūi yávaiye méne beorī coyucōjeimara Jerusalén āmicurīmaroi curivū, jápiarejaimada ina Samariacavure ne ju aiye Jūmenijicui yávaiye méne. Que baru jarorejaimada Pedroro aru Jūare máre Samaria āmicurīmaroi. ¹⁵Nore Pedrojā earī, jēniacarejaimada Jūmenijicure, ūi daroquiyepe aivū Espiritu Santore ina pōeva mamarumū ju aivure Jesúre dijāravūare. ¹⁶Jave jáðovarejaimada Jūmenijicure ocoque Jesúi āmiái. Ūbenita ñai Espiritu Santore cuvabedejaimada na cāreja. ¹⁷Ne jēniariburu yóboi, Pedro aru Juan máre tuorejaimada ne puruáque náre

coapa ne jipoburā. Que teni caivu ina cuvarejaimada ñai Espiritu Santore.

¹⁸ Aru Simón járejamedá Pedrojá ne tuoiyede Jūmenijicu daroyure Espiritu Santo pōevare. Que baru jíyurejamedá tātuturare Pedrojáre, cuvaiyucu Jūmenijicui majiéde nápe.

¹⁹ —Jíjarā yure máre iye Jūmenijicui majiéde. Yu máre jíyuvu Espiritu Santore ina ji tuoimarare ji puruáque, Simón arejamedá Pedrojáre.

²⁰ Ubenita Pedrocapuravu jarayū arejamedá úre:

—Yu uvu Jūmenijicui ñájine daquiyepe mure mi tātuturare toabo cūiméboi, mi dápiaye boje bojedainore úre iye majiéde Espiritu Santo jíyede pōevare.

²¹ Mu Jūmenijicui jáinore amecu bajutamu mu mi úme. Que baru mu jáve ñujacacu ámevu. Ñuje memeinore dabevu mu. ²² Caride chíonū oatuvajacu mu mi daiyede. Dajocajacu mi ámeina dápiainore. Aru jēniyacacu Jūmenijicūque, ũi árumetequiyepe mi nópe dápiainore.

²³ Jáivu yu mure pare jorojíñure. Aru buoimure páyubu mu, mi ámeina teiye boje, arejamedá Pedro úre.

²⁴ Nópe ayure, Simón ju arejamedá:

—Jēniaivu mujare. Jēniacajarā yure Jūmenijicūque, vaibéquiyepe yópe mi coyuiyepere, arí jēniarejamedá Simón.

²⁵ No yóboi Pedro aru Juan, Jesúre coreóvaivu, coyurejaimada caivu ina pōevare Jūmenijicui yávaiye méne. Coyurí buojarí, etarejaimada díimare jocarí, copainurajivu Jerusalén ámicuríimaroí. Aru mái nuri coyurejaimada Jūmenijicui yávaiye méne obedivu ímaroacavure Samaria ámicurijoboróí.

Felipe ũi bueino Etiopíacacure

²⁶ Dinumu Jūmenijicui daroimu, cūinácu ángele, nuicōjenezamedá Felipede.

—Caride aviá daino cācopūravu ñujacu, Jerusalén ámicuríimaro yebai ñuimai ñujacu, Gaza ámicuríimaroí ñuimai, arejamedá.

Caride pōeva cubema dimare. ²⁷ Ju arí, Felipe nurejamedá. Dinumu

dimai cūinácu ũmu eunuco, Etiopía ámicurijoborócasu, copainuñu marejamedá Jerusalén ámicuríimare jocarí ũi joboróí. Ñai ũmu jabocu parucu barejamedá. ũi joboró jabocoi tātuturare coreipóecu barejamedá. Aru ico jabocore pōeva arejaimada Candace. Ñai ũmu copainuñu marejamedá ũ, torojuede jíyu bácu Jūmenijicure Jerusalén ámicuríimaroí. ²⁸ Jāturuicūi dobacu nuñu caballovaque, aru ũi nuíyede Jūmenijicui yávaiyede jári boroteyu barejamedá. Ñai Jūmenijicui yávaiyede coyucaipóecu bácu, ũi ámiá Isaías, ũi toivaiye báque barejávūya ũi jáiye. ²⁹ Aru Felipei jáiyede ñai ũmure, Espiritu Santo arejamedá úre:

—Jāturuicū yebai ñujacu mu.

Mautejacu mu ñai ũmuque, arejamedá.

³⁰ Ju arí, cúyarí, ũi yebai earí, Felipe jápiarejamedá ũi jári boroteiyede Isaías bácu toivaiye báquede. Que teni Felipe jēniari járejamedá úre:

—¿Dápiarí eayurū mu aipe aiyuróre yo mi jári boroteinore? arejamedá Felipe.

³¹ Aru ñai Etiopíacacu arejamedá Felipede:

—Bi, dápiarí eabevu yu yo ji jári boroteinore. Pōecu majicu jaubi yure, majiacacuyū aipe aiyuróre yo ji jári boroteinore. Jatujacu. Dobajacu ji yebai. Majicajacu yure yore, arejamedá ñai ũmu Felipede.

³² Iye toivaiye báquede jári boroteyu barejamedá yópe:

Nuvarajarama úre boarí

jaruvarajivu, yópe ne nuvaiyepere

ovejare boarí jaruvainoi. Aru

bi acuyume ũ, yópe ovejajicu

obepe ũi pođare buraiyedeca.

Abecuyume ũ. ³³ Cuyoye tede

darājarama úre. Aru yávarí

cadateipóecu cubecuyume.

Que baru ámeno darājarama

úre. Cūiquíyebu ijāravure ũi

cūrō. Que baru ũi pāramena

majurórivu cubenajarama. Aru na

majurórivure coyubenajarama ne

borore, jári borotedejamedá ñai

Etiopíacacu.

³⁴ Aru jēniari járejameđa Felipede:
—Coyuǵacu yure. ¿Ñamene
Jūmenijicui yávaiyede
coyucarejaquemari iyede?
¿Coyurejaquemari ũi baju o apesure?
arejameđa.

³⁵ Ju arī ũre, iye toivaiye báqueque
būrī, Felipe coyurejameđa ũre caiye iye
Jesús ũi yávaiye méne. ³⁶ Ne nuiyedeca
mái earejaimađa oco curijitabure. Aru
ñai jabocu arejameđa Felipede:

—Jáǵacu. Yuibu oco curijitabu. ¿Ji
jáđovaiyuede Jūmenijicure ocoque,
apesu jáđovaicōjemecu buojaidi yure?
arejameđa.

³⁷ Felipe arejameđa ũre:
—Mu ju ayu baru Jesúre, jáđovari
buojaivu mu Jūmenijicure ocoque,
arejameđa.

Ñai jabocu, yópe arī, ju arejameđa
ũre:

—Yu ju ayubu Jesúre. Majivu yu
ũre Jūmenijicui mácure, Jūmenijicui
daroimú mácure, arejameđa ñai jabocu.

³⁸ Que arī, nuicōjemenejameđa
caballovare, icú jäturuicú mautequiyepu
ayu. Aru ina pucarā, Felipe ũmaque,
etarī dicüre jocarī, ĕmeni oco
curijitabui, Felipe jáđovarejameđa
ũre Jūmenijicucue noi. ³⁹ Aru ne
maiyeđe oco curijitabure jocarī, cūiná
Jūmenijicui Espírítu nūvarejameđa
Felipede. Ñai jabocu jámenejameđa
ũre cojedeca. Ũbenita torojucu mái
nūrejameđa bedióva. ⁴⁰ Felipecapūravu
járorejameđa Azoto āmicurīimaroī. Etarī
nore jocarī, mái nūre nuñu Cesarea
āmicurīimaroī coyurejameđa iye Jesús
ũi yávaiye méne cainoa imaroai dimai
pu eayuta Cesarea āmicurīimaroī.

Saulo Jesucristore jári ũi ju aino
(Hch 22.6-16, 26.12-28)

9 ¹ Que teiyedeca, Saulo cainumua
ñájine đayū barejameđa Jesúre ju
aipōevare, náre yópe arī:

—Boaquijivu mujare muje Jesúre ju
aiye boje, jarayu arejameđa Saulo.

² Aru ñai sacerdotevare jaboteipōevare
jēniacūnurejameđa papyayocare Saulo,

ũi jáđovaquiyepu ayu diyocare judío vai
cójjiñamia coreipōevare Damasco
āmicurīimaroī, ne majinajiyepu ayu
ñamene ũ Saulo aru ye paruéde
cūvacure ũ, ne cōjeimū mácu. Damasco
āmicurīimaroī nucuyū barejameđa
Saulo, vocunñu Jesúre ju aipōevare.
Náre eayu baru, buojebu náre, ũmuvare
aru nomivare máre, nūvacuyū náre
Jerusalén āmicurīimaroī.

³ Diyocare ĩni, Saulo nūrejameđa
mái. Damasco āmicurīimaro joabenoī
eaiyede, maumejena cavarōre jocarī
pōorejavūya yópe yaroinope ũi yebai,
aru urarō miadárejavūya noi. ⁴ Que baru
cucumañu, mori tūrejameđa joborōī.
Aru jápiarejameđa Jesús ũi yávainore,
yópe ainore:

—Mu, Saulo, ¿aipe teni maucūvacurū
mu yure? arejameđa.

⁵ Saulo jēniari járejameđa:

—Mu, ji jabocu, ¿ñamenu mu? jēniari
járejameđa.

Aru Jesús arejameđa:

—Yūrecabu Jesús, mi maucūvamū
mácu. Mi maucūvarō yure āmedaivu
mure, arejameđa.

⁶ Saulo, jiducu, bidini jēniari
járejameđa Jesúre:

—Mu, ji jabocu, ¿yéde ji đainore ucūrū
mu? arejameđa Saulo.

Aru Jesús arejameđa ũre:

—Nacajajacu. Ecojacu diimaroī. Noi
apesu majicacuyume mure aipe mi
đaquinore, arejameđa Jesús ũre.

⁷ Iye pēoiyede, ina ũmūva, nuivu
bácavu Sauloque, dajocarejaimađa.
Aru bi arejaimađa na. Iye yávainore
jápiarejaimađa na. Ũbenita ñai yávayure
ye jámenejaimađa na. ⁸ Ju arī Jesús ũi
cōjeiyede, Saulo nacajarejameđa. Ũbenita
ũi yacorua voaiyede, ye jámenejameđa ũ.
Jári eabecu barejameđa ũ, Saulo. Que baru
ũque nuivu ũi puruáre jēni, nūvarejaimađa
ũre pu Damasco āmicurīimaroita.

⁹ Yóbecurijāravūare Saulo jári
eabedejameđa. Āinore ye āmenejameđa.
Aru ũcuinore máre ũcumenejameđa ũ.

¹⁰ Noi, Damasco āmicurīimaroī,
curejameđa cūinácu Jesúre ju

aipõevacacu, ñi ãmiá Ananías. Ñ arucu járejamedá Jesúre decoboainope. Aru Jesús arejamedá úre:

—Mu, Ananías, ¿cucurú mu? arejamedá. Aru Ananías arejamedá:

—Mu, ji jabocu, cuvü yu, arejamedá.

¹¹ Jesús arejamedá úre:

—Nujacu Nurinima ãmicurimai. Noi, Judai cãrami nuri, vojacu cüinácu ñmure, Tarso ãmicuríimarocacure, ñi ãmiá Saulo. Jipacu Jümenijicure jëniáimi ñ. ¹² Jári eabebi ñ caride. Arucu ñ decoboainope jáimi mure tuoýure mi puruáque, járe dacuyure úre cojedeca, arejamedá Jesús Ananiáre.

¹³ Nópe ayure jápiarí, Ananías arejamedá:

—Mu, ji jabocu, ñ mínare mearare Jerusalécavure ãmeno ñabiya ñ. Obedivü pøeva yávaðama yure. ¹⁴ Que baru yo Damascure caivü ina mure ju aivure buocudayutame ñ, sacerdotevai jabova ne cójeimü mácu, arejamedá Ananías Jesúre.

¹⁵ Ñbenita Jesús arejamedá úre:

—Nujacu. Beoivü yu ñai ñmure, ñi coyüquiyepe ayu ji yávaie méne apejoborõacavure, nócvü ne jabovare máre, aru Israecavure máre. ¹⁶ Yu jáðovaquijivü úre ñájiyede yure boje, arejamedá Jesús.

¹⁷ Dinümü Ananías nurejamedá cãrami, Sauloi curiñami. Ecoyü bácu, tuorí ñi puruáre Saulorã, arejamedá:

—Mu, jícu, Saulo, Jesúvacari ñai mi jáimü mácu mái dayu, daroibi yure, mi jáquiyepe ayu cojedeca aru Espiritu Santo ñi ñaicõjequiyepe ayu mure, arejamedá Ananías Saulore.

¹⁸ Nópe ñi aiyeda, turejavüya ñi yacorüare jocarí moatüchiapa paiyede, aru me járejamedá cojedeca. Dinümüre nacajañure jáðovarejamedá Jümenijicure ocoque. ¹⁹ No yóboi ñri, parucu nurejamedá cojedeca. Aru mautedejamedá obebejáravua Jesúre ju aipõevaque, Damasco ãmicuríimaroi curivüque.

**Saulo Damascoi ñi coyüino
Jesús ñi yávaie méne**

²⁰ Maumejiena Saulo coyüri búrejamedá judíovai cójijiñamiai,

“Jesúre jáveneca Jümenijicui mácube” ayu. ²¹ Caivü úre jápiaivü bácvü cuecumaivü arejaimada ne baju:

—Ñai Jesúre ju aivure ãmeno ñayube ñ. Que baru náre jëni jícvü dacube yui, ina sacerdotevai jabova ne buorãjiyepe ayu náre, arejaimada na.

²² Ñbenita Saulocapüravü coyurejamedá Jesús ñi yávaie méne, paruéque jáðovañu jáveneca Jümenijicui mácube. Ñbenita jápiarí coreóvare ñabedejamedá ina judíova curivure Damasco ãmicuríimaroi.

**Saulo ñi dupino judíovare jocarí
(2 Co 11.32-33)**

²³ Obedijaravua yóboi, judíovacavü cójijidejaimada, boarí jarüvarãjivü Saulore. ²⁴ Ñbenita ñ majidejamedá. Jãravure aru ñãmíne máre coreivü baríidurejaimada ñmaro jedevacobeai, boarí jarüvarãjivü úre, ñi etaru nore. ²⁵ Ñbenita Jesúre ju aipõeva epedejaimada Saulore pue urapue jívüi. Aru no biaido tarabü jáicobede ñmeóvarejaimada úre ñmaro biaido apepüravüi pu joborõita ñami. Yópe ñari, Saulo dupini nurejamedá ñi mauvare jocarí.

Saulo Jerusaléi ñi curõ

²⁶ Saulo eayü bácu Jerusalén ãmicuríimaroi, cójijiyuríidurejamedá Jesúre ju aipõevaque. Ñbenita caivü jidurejaimada, ne dápaiye boje ju abecure Jesús ñi yávaie méne. ²⁷ Ñbenita Bernabécapüravü nvari yóvare ñarejamedá Jesús ñi yávaie méne beorí coyüicõjeimaraque. Coyurejamedá aipe teni Saulo ñi jáino mácarõre Jesúre, ñi nuiyede Damasco ãmicuríimaroi, aru aipe Jesús ñi yávaino mácarõre úre. Aru Bernabé coyurejamedá aipe Saulo ñi yávaino mácarõre máre, Damasco ãmicuríimaroi, coyüyu jidübecüva caivü pøevare Jesús ñi yávaie méne.

²⁸ Yópe aríburu yóboi, Saulo mautedejamedá Jerusalén ãmicuríimaroi, cuyü Jesús ñi yávaie

méne beorí coyucōjeimaraque.
²⁹ Coyure cuyu barejámeđa jidubecuva pōevare Jesús ũi yávaiye méne, boroteni coyuvarejameđa pare ina judíova griego āmicuricamuare yávaivure. Ũbenita boarí jaruvaiyure curídivu barejámada na. ³⁰ Jesúsre ju aipōevare majidivú boarí jaruvaiyurivure, nūvarejaimada Saulore Cesarea āmicuríimaroí. Aru nore jocarí, jarorejaimada ũre Tarso āmicuríimaroíta. ³¹ Yópe teni, Jesúsre ju aipōeva caivu Judea, aru Galilea, aru Samaria āmicuríōcavú nájimenejaimada. Pueno baju majidivú barejámada na Jūmenijicure aru ũi yávaiyede máre, ñai Espírítu Santo ũi bueiyede náre. Cūrejaimada pueďarí Jūmenijicure Espírítu Santo ũi cadateinoque. Aru pueno baju obedivú tedejaimada Jesús ũi yávaiye méne ju aipōeva.

Pedro ũi meadaino Eneas

³² Dinumú Pedro coyure cuyu barejámeđa cainoa ímaroacavure. Que teni cūinájāravú jácunūrejameđa ina pōevare, Jūmenijicure mearore jívure, Lida āmicuríimaroacavure. ³³ Nore cūinácú ũmú cūrejameđa, ũi āmiá Eneas. Nacajaiye majibecu barejámeđa ũ. Ocho paivúja joe nacajamenejameđa ũi parainore jocarí. ³⁴ Aru Pedro ũi yebai nuri, arejameđa ũre:

—Mú, Eneas, caride Jesúsvacari meadaibi mure. Nacajajacu. Aru meadajacu mi parainore, arejameđa Pedro Eneas.

Maumejiena Eneas nacajarejameđa. ³⁵ Que teni caivu ina pōeva Lida āmicuríimaroacavú aru Sarón āmicuridarōcavú máre járejaimada Eneas meateyure. Que baru ju arejaimada Jesúsre.

Pedro ũi nacovaino Dorcas yaiyó bácore Jesúsí paruéque

³⁶ Dinumú Jope āmicuríimaroí cūinácú nomió cūrejacođa, ũi āmiá Tabita. Ico Tabita Jesúsre ju aipōeco barejacođa ũ. Ői āmiá griego āmicuricamua yávaicamuaque

Dorcas barejávūya, yo aiyurō ñamaco. Cainumua mearo ďari cōmajiyó báco apévure aru cadatedo báco cōmaje ārojarivure máre. ³⁷ Dijāravuai ijeteri, yaidéjacođa ũ, Tabita báco. Ői baju bácarōre joaríburu yóboi, epedejaimada puenocaticubui. ³⁸ Jope āmicuríimaro aru Lida āmicuríimaro joabeno marejávūya. Que baru ina Jesúsre ju aipōeva Jope āmicuríimaroacavú jápiaivú Pedro cūcure Lida āmicuríimaroí, yo borore jarorejaimada ũre pucarā ũmūvaque:

—Maume dajacu ñūje curōi, arí daicōjenejaimada ũre.

³⁹ Ju arí, Pedro nūrejameđa náque. Ne eaiyede, nūvarejaimada ũre yaiyó bácoi curitucubú puenocaticubui. Ditucubui ecoyú, caivu ina nomiópeva oivu ũ mácore chītoivu ũre, jáďovaivú barejámada doicajeare, Dorcas báco ũi nareíye báquede apūco cāreja. ⁴⁰ Ũbenita Pedro etaicōjenejameđa caivu inare ditucubure jocarí. Que teniburu yóboi, ñuatutarí jēniarejameđa Jūmenijicūque. Ũi jēniariburu yóboi, copedini, ũi baju bácarōre jári, arejameđa:

—Mú, Tabita, nacajajaco, arejameđa.

Ői yacorūare voarí, Pedrore jári, nacajari dobarejacođa ũ, Tabita. ⁴¹ Ői purure jēni, Pedro nacovarejameđa ũre. Dinumúma ũrejarejameđa ina Jesúsre ju aipōevare aru ina nomiópevare máre, ne járajíyepere ayú ũre apūcore cojedeca. ⁴² Aru ũi borore jápiarejaimada caivu Jope āmicuríimaroacavú. Que baru obedivú pōeva ju arejaimada Jesúsre nore. ⁴³ No yóboi, Pedro mautedejameđa díimaroí obedijārvua. Cūrejameđa apescu Simóque, āimacajeare memeipōescuque, ũi cūrami.

Pedro ũi coyūino Corneliore Jesús ũi yávaiye méne (Hch 11.4-18)

10 ¹ Cūinácú ũmú cūrejameđa Cesarea āmicuríimaroí, ũi āmiá Cornelio. Ñai Cornelio cien paivú churaravai jabocu barejámeđa ũ. Roma āmicuró jaboteino churaravai

yajubo italiano āmicuriyajubocacu barejámeđa ũ. ²Jāve mearore jīni Jūmenijicure, ũ jīvu máre mearore jīvarejaimada ũre. Cadatede cuyu barejámeđa ina judíovacavũ cōmaje ārojarivure. Aru jēniavarejameđa Jūmenijicucue. ³Cūinájāravũ tres baji nainú, ñai Cornelio apucu járejameđa cūinācu Jūmenijicui daroimũ, ángelede, decoboainope. Ñai ángele ecorĩ, Cornelio yebai nuri, arejameđa ũre:

—Mu, Cornelio, arejameđa.

⁴Cornelio, jiducu, ñai ángelede cocorĩ, jēniari járejameđa ũre:

—Mu, ji jabocu, ¿yéde ucucũ mu? arejameđa Cornelio.

Ñai ángele ju arĩ, arejameđa ũre:

—Jūmenijicu jápiaibi mi jēniaiyede ũre. Aru me jáimi mi cadateiyede cōmaje ārojarivure máre. Que baru Jūmenijicu ārumi mure. ⁵Caride jarojacu apevu ũmuvare Jope āmicuriĩmaroi, ne vorĩ earājiyepere ayũ cūinācu ũmure, ũi amíá Simón Pedro. ⁶Apecu Simón, āimacajepere memepōecu, ũi cūrami cuvabi jia urađa ēcarui. Aru Simón Pedro cucube ũi cūrami. ũre ne eaiyede, davajarāri mi yebai, arejameđa ñai ángele Corneliore.

⁷Que arĩ, ñai ángele nurejameđa Corneliore jocarĩ. Dinũmu Cornelio órejarejameđa pucarā ũi yebacavure aru cūinācu churaravacacure. Ñai máre mearore jíyu barejámeđa Jūmenijicure. Corneliói me dápiaimũ marejámeđa, ũre ũi mearo cadateiye boje. ⁸Ina yóbecurā ne eaiyede ũi yebai, Cornelio coyurejameđa náre caiye iye ñai ángele ũi coyuiye báquede. Aru nuicōjenejameđa náre Jope āmicuriĩmaroi.

⁹Cōmiáijāravũ ne mái nuiyedeca, Jope āmicuriĩmaro joabenoí, Pedro muri nurejameđa cūrami puenora, jēniacuyũ Jūmenijicucue. Jāravũ corica barejávũya. ¹⁰Ũi jēniaiyedeca, āvué ijidejavũya ũre. Ũbenita āiyede jatuoóbedejaimada cāreja. Ne jatuoíyedeca, Pedro apucu járejameđa yópe decoboainope. ¹¹Járejameđa

no cavarō voainore aru apejīe yópe uracaje cuitótecajepe jōdarejavũya cavarōre jocarĩ. Jōdarejavũya yópe pōeva ne buorĩ yóvaicuvaitōbua ñarĩ ēmeóvaiyepere dicajede. Jōdarejavũya pu cūrami puenoita Pedro yebai.

¹²Dicaje jīvuĩ curejaimada obedivũ āimara yóvaicuvaiũ cubobaque cuivũ, aru obedivũ āđavape papeivũ, aru obedivũ āimara vuivũ máre. ¹³Pedro jápiarejameđa apeno yávainore. Aru yópe arejameđa Jūmenijicu ũre:

—Mu, Pedro, nacajajacu. Boajácu mi āquinova, arejameđa Jūmenijicu.

¹⁴Ũbenita Pedro arejameđa:

—Mu, ji jabocu, ique āmevu!

Cainũmua āmevu yũ caiye iye Moisés bácuĩ āicōjemene ñujare, judíovare. Que baru āiyubevũ yũ diede, arejameđa Pedrocapijavũ.

¹⁵Ũbenita Jūmenijicucapūravũ arĩ yávjarejameđa Pedrore cojedeca.

—“Áiyubevũ yũ”, abejacu mu iyede ji āicōjeiyede mure, arejameđa Jūmenijicu.

¹⁶Yóbecue vaidéjavũya Pedrore yópe paino. Aru no yóboi, dicaje uracaje muri copainurejavũya pu cavarōita cojedeca.

¹⁷Pedrocapijavũ pare arĩ dápiayũ barejámeđa. “¿Yéde majicaiyucuba Jūmenijicu yure yo ji jáino mácarōque?” arĩ dápiarejameđa ũ. Que dápiayedeca, ina Corneliói jaroimara mácavũ Simói cūramine vorĩ, earĩ, núrejaimada jedevacobei. ¹⁸Aru jēniari járejaimada:

—¿Aru, Simón Pedro curi yui? arejaimada.

¹⁹Pedrocapijavũ coreóvabecu cāreja aipe aiyurō ũi jáino mácarōre dápiayũ barĩdurejameđa. Que teiyedeca, ñai Espiritu Santo arejameđa Pedrore:

—Jápiajacu. Yóbecurā ũmũva vodama mure. ²⁰Que baru nacajajacu, jōđajacu, aru nujacu náque. “Nuiyubevũ yũ náque. Jīvu āmema na”, arĩ dápiabejacu mu. Yurecabu daroyũ náre yui, arejameđa ñai Espiritu Santo Pedrore.

²¹Ju arĩ, nacajari, jōđari ne yebai, jacyourĩ náre, Pedro arejameđa:

—Yurecabu muje voimũ. ¿Yéde urivurũ muja yúque? arejameđa.

²²Pedrore arejaimada na:

—Ñuje jabocu, ñi ãmiá Cornelio, cien paivu churaravai jabocu, darobi ñujare mi yebai. Meacube ñ, aru mearore jýyube Jümenijicure. Caivu judíoiva me jádama úre. Pueadama úre pare. Cüinácu Jümenijicui daroimü mácu, ángele, yópe abiya úre: “Cutujacu mü Pedrore mi cürami, ñi coyuyeyepe ayu müre Jümenijicui yávaiye méne”, abiya ñai ángele ñuje jabocure, arejaimada ina Pednore vorádaivu bácavu.

²³Ne borore jápiaiyede, Pedro yópe arí, mauteicójenajameđa náre úque:

—Ecojará müja. Cari ñami cüjará müja yui, arejameđa Pedro náre.

Cömiájáravu Pedro ñi cüvede meadarí, nurejameđa náque. Aru apevu ümüva, Jesúre ju aipóeva, Jope ámicuríimarcavu yóvarejaimada úre máre. ²⁴Earejaimada na Cesarea ámicuríimaro. Noi Cornelio coredejameđa Pednore. Úque curivu ñi cürami apevu ñ jivu aru ñi yóvaimara máre, ñi cutuimara mácu barejáimada na. ²⁵Pedro ñi eaiyede Cornelioi cürami, ñai jabocu úre jacoyurí, pueđaiyucu mori turejameđa Pednore ñi cuboba yebai. ²⁶Übenita Pedrocapuravu nacajaicójenajameđa úre.

—Nacajajacu mü. Yópe đabejacu mü. Yu máre müpe páyu pöescu yu, arejameđa Pedro Corneliore.

²⁷Ne baju yávaiyu ecorejaimada Cornelioi cürami. Pedro járejameđa caivu ina obedivu pöevare cójjivüve noi. ²⁸Aru arejameđa náre:

—Jave majivu müja, ñuja judíoiva curáñmevüve müja judíoiva ámevüque aru ñuja yóvabevüve máre müjare, ñujare Moisés bácu đaicójeiye boje. Übenita Jümenijicüvacari majicabi yure iye đaicójeiye jaubevu yure caride. Ámeina jáicójememi yure apevüve, judíoiva ámevüve. ²⁹Que baru yure mi órejaiye báquede jápiarí, cüiná ju arí, davu yu mi yebai. Que baru coyujacu yure. ¿Aipe teni daicójecurü mü yüre? arejameđa Pedro.

³⁰Aru Cornelio arejameđa úre:

—Yóvaicuvaijárovua jipocai yo óra baji, tres baji nainú, yu jéniaivu Jümenijicüque yui ji cürami. Ji jéniaiyedeca, maumena cüinácu ümü doicaje pëoicajeque númi ji jipocai.

³¹Aru ñ abi yure: “Mü, Cornelio, Jümenijicu jápiaibi mi jéniaiyede úre. Aru me jáimi mi cađateiyede cömaje árojarivüve máre. Que baru Jümenijicu árumi müre. ³²Caride jarojacu apevüve Jope ámicuríimaro, ne vorí earájiyepa ayu cüinácu ümüve, ñi ãmiá Simón Pedro. Apevu Simón, áimacajeare memepöescu, cuvabi ñi cürami jia urađa écarui. Aru Simón Pedro cucube diñami”. Que abi yure ñai ángele. ³³Que baru cüiná jarovu yu inare, ne davarájiyepa ayu müre ji yebai. Aru me daivu mü caride. Caivu ñuja cójjivübu yui caride, Jümenijicui jáinoi. Jápiaiyurivübu ñuja caiye iye mi coyuyeyede yópe Jümenijicui coyucaicójeiyede müre ñujare, arejameđa Cornelio Pednore.

Pedro ñi yávaino Cornelioi cürami

³⁴Pedro yávarí báyu, yópe arí, coyurejameđa náre:

—Yu coreóvaivu caride jáve Jümenijicu jáñure caivu pöevare cüinátrü. ³⁵Jümenijicu copü etayube caivu ina pueđavüve úre, ju aivüve úre, aru mearo đavüve máre. Caivu ina caiyajuboacavu yópe đavüve Jümenijicu copü etayube náre. ³⁶Müjavacari majivu iye Jümenijicui coyuiye báquede Israel bácu páramena mácvüve ñi daroquimü Cristorá. Jümenijicürecabe daroyu bácu Jesucristore, caivu pöeva ne jabocüva, ñi coyuyeyepa ayu náre ñi yávaiye méne, cárijimene đacacüvüve náre Jümenijicüque. ³⁷Aru müjavacari majivu no uraró teino mácaröre Juan Bautista bácu ñi coyurí buojarí jáđovaiye báquede pöevare Jümenijicure. Jesucristo buame ñi đaiyede uraró pöeva ne đarí majibede Galilea ámicurijoboró. Diede đare cuyu bateáme pu caino Judea ámicurijoboró. ³⁸Aru müjavacari majivu ñai Jesús Nazarecaci borore.

Jūmenijicu beorejaquemavu ūre javede. Que teni daroquemavu ūre ūi Espiritu Santore. Que baru Jūmenijicui paruéde cuvatequemavu ū, Jesús.

‘Caino ūi cuino Jesús cadateame pōevare. Meadame caivu ina pōevare abujuvai jabocui nājine đaimara mácavure, ūi cuvae boje Jūmenijicui paruéde. ³⁹Ņujavacari jácarā caiye iye ūi đaiye báquede Jerusalén āmicurīmaroi aru caino judíovai joborōi máre.

Ūbenita ūre pēvairi jocusujaravena, boarí jaruvaima ūi mauva. ⁴⁰Ūbenita yóbecurijāravua ūi yainíburu yóboi, Jūmenijicu nacovaquemavu ūre yainore jaruvarí. Aru jáđovame ūre űujare.

⁴¹Apevu jámetequemavu ūre. Quévura űujavacari, Jūmenijicui beoimara mácavu jipocama, jácarā ūre, apucure cojedeca. Ūi nacajariburu yóboi yainore jaruvarí, űuja ūque ācarā aru ūcucarā.

⁴²Ūque curivu űuja, coyucōjeame űujare ūi yávaiye méne apévure. Aru yópe aicōjeame űujare máre: “Jāve ijāravu cūiquiyede yávacari jarocuyumu caivure, apurivure aru yaivu bācavure máre, ne curājinoi. Apévure jarocuyumu cavarō mearo Jūmenijicui curōi. Aru apévure jarocuyumu toabo cūiméboi. Javede Jūmenijicu beorejaquemavu yure, yópe jarocuyure caivu pōevare”. Que aicōjeame űujare Jesús. ⁴³Aru Jestivacari űai caivu Jūmenijicui yávaiyede coyucaipōeva mácavui coyucimame ū. Na mácavu coyurejaimada ūi borore yópe: “Caivu pōeva ne ju aru Jūmenijicui daroquimure, Jūmenijicu ārumetecuyume ne āmeina teiyede”, arí coyucarejaimada na mácavu, arí coyurejaimada Pedro Corneliojāre.

Judíova āmevu ne copu etaino Espiritu Santore

⁴⁴Pedro ūi coyuyedeca, űai Espiritu Santo náre earí đaicōjenezaimada caivu ina jápiaivure iye yávaiye méne.

⁴⁵Que baru ina judíova, Jesucristore ju aivu, Pedroi yóvaimara mácavu, cucumarejaimada ne jáiyede

Jūmenijicu daroyure űai Espiritu Santore ina judíova āmevure. ⁴⁶Ina judíova jápiaivu ina judíova āmevure yávaiyure apecamua yávaicamua ne majibecamuaque, majidejaimada űai Espiritu Santore đaicōjeñure náre. Ina pōeva mamarumu ju aivu Jesúre dijāravure mearore jídejaimada Jūmenijicure, ūi urarō majié boje, ūi urarō parué boje máre. ⁴⁷Dinumu Pedro arejaimada:

—Ina pōeva, űujape paivu, copu etadama űai Espiritu Santore. Que baru pōecu cubebi náre jáđovaicōjemecu Jūmenijicure ocoque, arejaimada Pedro.

⁴⁸Que arí, náre jáđovaicōjenezaimada Jūmenijicure ocoque, ne Jesucristore ju aiyé boje. Dinumu jēniarejaimada Pedrorre, ūi mautequiyere aivu náque apejāravua.

Pedro ūi coyucino Jerusalécavu Jesúre ju aipōevare
(Hch 1.5, 10.1-48)

11 ¹Dinumu Jesús ūi yávaiye méne beorí coyucōjeimara aru Jesúre ju aipōeva caino Judea āmicurijoborōcavu máre jápiarejaimada ne borore, apavu judíova āmevure ju aivure máre Jūmenijicui yávaiye méne. ²Que baru Pedro muri űuñu mácu Jerusalén āmicurīmaroi, apavu judíovacavu jararí yávarejaimada ūre. Ina judíova dāpiarejaimada caivu ūmuvare Jesúre ju aivure ne cajede buraicōjeiye jaurōre náre, yópe Jūmenijicui đaicōjeiyere ūi coyuyiye báquede Moisés bācure. Que baru ina judíova jaraivu Pedrorre, jēniari járejaimada ūre:

³—¿Aipe teni ecocurū mu judíova āmevui cūrami? ¿Aipe teni náque dobarí ācurū mu? arejaimada na Pedrorre.

⁴Ne que aiyé boje, Pedro coyurejaimada náre caiye iye vaiye báquede ūre mamabũino mácarōre pu dijāravuita. ⁵Yópe arí, coyurejaimada náre:

—Yúvacari jēniñu maticácu Jūmenijicure Simói cūrami, Jope

amicuriiमारो. Ji jēnaiyedeca, yu apucu jácacu yópe decoboainope apejiene yópe uracaje cuitótecajepe yóvaicuvaitóbuaque buoinope jōdaicajede cavarōre jocarī. Ēmeni darī pu ji yebai mauteavū dicaje. ⁶Que teni me cocorī dicaje jívui jácacu obedivū āimarare yóvaicuvaiyu cubobaque cuivure, apevu oteiāimarare aru apevu macarōcavu jijecurivure máre; aru obedivū papeivure; aru obedivū āimara vuivure máre. ⁷Dinumu jápiacacu Jūmenijicure yópe ayure yure: “Mū, Pedro, nacajajacu. Boajácu mi āquinova”, áme yure. ⁸Ūbenita acacu yu ūre: “Mū, ji jabocu, ique āmevu! Cainumua āmevu yu caiye iye Moisés bācui āicōjemene űjare, judíovare. Que baru āiyubevu yu diede”, acacu yu. ⁹Ūbenita Jūmenijicucapūravu, yópe arī, yávame yure cojedeca cavarō mearo űi curōre jocarī: “Āiyubevu yu, abejacu mū, iyede ji āicōjeiyede mure”, áme yure Jūmenijicu. ¹⁰Aru yóbecue vaiávū yure yópe paino. No yóboi, quénora muri copainuvu dicaje pu cavarōi cojedeca.

¹¹Dinumumareca yóbecurā űmūva edaima diñami ji curiñami. Cūinācu Cesarea āmicuriiमारocacu űi daroimara māvavu bateima na, yure vorāeaiyu.

¹²Aru űai Espiritu Santo yópe áme yure: “Jidūbejacu. Náque űjacu mū”, áme yure. Aru ina seis paivu űmūva, Jesúre ju aipōeva, yóvaima yure. Cesarea āmicuriiमारो nuri, yure órejayu bācui cūrami earī, noi ecocarā űja caivu.

¹³‘Que teni űai cūrami upacu, yópe arī, coyúame űjare: “Cūinācu ángele cuctebi yure. Jávu yu ūre núcure yui ji cūrami jívui. Ū abi yure: ‘Jarojacu apevure Jope āmicuriiमारो, ne vorī earājiyepe ayu cūinācu űmure, űi āmiá Simón Pedro. ¹⁴Ū coyucuyume mure yávaiye méne, mū aru caivu mi cūramicavu máre, mūje meatenajiyepe ayu, Jūmenijicui ārumetequiyepe ayu mūje āmeina teiyede’. Que abi űai ángele yure”, áme űai cūrami upacu yure.

¹⁵Aru ji yávarī buiyede, űai Espiritu Santo edaibi náre máre nopedeca

űi edaiyede űjare mamarumure.

¹⁶Dinumure ārutecacu yu Jesús űi coyuiye báquede: “Juan Bautista bácu jádovame mūjare Jūmenijicure ocoque. Ūbenita yu jádovacuyumu mūjare Jūmenijicure pueno mearo baju. Darocuyumu mūjare űai Espiritu Santore”. Que áme űjare Jesús.

¹⁷Jāvemū. űjā judíova űje ju aiyede Jesúre, Jūmenijicu daroáme űjare űai Espiritu Santore. Nopedeca đaibi ina judíova āmevu ne ju aiyede Jesúre. Jūmenijicu daroibi űai Espiritu Santore náre máre. Que baru, ¿aipe đaiye jauri yure? Jūmenijicure űi urōre đaicōjemecu buojabevu yu, arejamedā Pedro ina judíovare.

¹⁸Aru ina judíova jápiaivu bācavu Pedro űi coyuiyede, ne jararī yávaiyede ūre đajocarejaimada. Quénora mearore jídejaimada Jūmenijicure.

—Jūmenijicu meacu bajube ű. Ū űbi judíova āmevure máre, ne đaiyede oatvarī ne āmeina teiyede chíoiye boje, űi ārumetequiyepe ayu diede, aru űi cure đaquiyepe ayu náre jāravu cūiméjāravu baquinóre, arejaimada na.

Antioquíacavu ne ju aino Jesúre
(Hch 8.1-4, 21.10)

¹⁹Esteban māvure judíovai jabova ne boarī jarvarīburu yóboi, Jesúre ju aipōeva dupini nurejaimada Jerusalén āmicuriiमारore jocarī apejborōaita, judíovai jabova ne űājine đaiye boje náre. Apevu dupini nurejaimada joai, pu Fenicia āmicurijoborōita, aru Chipre āmicurijaviuta, aru Antioquía āmicuriiमारoita. Ne nuiyedeca coyurejaimada Jesús űi yávaiye méne apevu judíovare. Ūbenita coyubedejaimada cāreja diede judíova āmevure. ²⁰Ūbenita apevu űmūva, Jesúre ju aipōeva, Chipre āmicurijavucavu aru Cirene āmicuriiमारocavu máre, nurejaimada Antioquía āmicuriiमारो. Noi coyurejaimada judíova āmevure máre iye yávaiye méne. “Jesúrecabe caivu pōeva ne jabocu”, arī coyurejaimada

na. ²¹Jūmenijicu jídejameđa náre ũi parúede. Que teni cađatedejameđa náre, ne buenajiyepre ayu me. Aru obedivu pōeva ju aivv iye yávaiye méne, chíoivv ne ámeina teiyede, oatuvarejaimađa ne đaiyede, ju aráživv Jesúre.

²²Antioquía ámicuríimarcavv ne borore jápiaivv, ina Jerusalén ámicuríimarcavv Jesúre ju aipōeva jarorejaimađa Bernabéde ne yebai.

²³Ūi eaiyede Antioquía ámicuríimaroj, járejameđa Jūmenijicui urarō mearo đaiyede ina Jesúre ju aivvure. Que baru torojurejameđa ũ, Bernabé. Parurōreca yópe arí, coyurejameđa náre:

—Jesúre ju ajará cainumua.

Cūináumeque đajarā cainumua caiye iye ũi bueiye báquepe. Cainumua árumetebejarā diede, arejameđa náre.

²⁴Ńai Bernabé parurōreca ju ayu barejameđa Jesucristore. Aru űai Espírиту Santo đaicōjenejameđa ũre. Que baru mearo đayv barejameđa ũ. Aru obedivu nócovv, ũi bueiyede jápiaivv, ju arejaimađa Jesúre.

²⁵No yóboi, Bernabé nurejameđa Tarso ámicuríimaroj, vocũñ Saulore. ²⁶Ūre vorí earí, nuvarejameđa ũre Antioquía ámicuríimaroj. Noi ina pucarā curivv cūináju baju. Cójjivvavv barejaimađa ina Jesúre ju aivvure. Obedivu pōeva Jesúre ju aivvure buevavv barejaimađa na, Bernabé aru Saulo máre. Noi Antioquía ámicuríimaroj mamarumv pōeva ámidorejaimađa ina Jesúre ju aipōevare cristiano.

²⁷Dijárvavvui apevv Jūmenijicui yávaiyede coyucapōeva emenejaimađa Jerusalén ámicuríimarojre jocarí. Aru earejaimađa Antioquía ámicuríimaroj.

²⁸Cūinácv nácacv, ũi ámiá Agabo, yávacunacajarejameđa ũ. Nai Espírиту Santo yávaicōjenejameđa ũre. Aru Jūmenijicui yávaiyede coyucarejameđa ũ, yópe arí: “Cavv Judea ámicuríjborōcovv űájinavvubu urarō ávneña”, arejameđa ũ. Aru obebejvva yóboi, Claudio ũi jaboteinumvure, pōeva űájinajaimađa urarō ávneña, nópe ũi coyucaiye báquepedeca.

²⁹Iye Jūmenijicui yávaiyede coyucaiyede jápiaivv bácovv, ina Jesúre ju aipōeva “Cađatenajare náre, Judeacavv Jesúre ju aivvure”, arejaimađa ne baju. Que aivv, na coapa davaivv barejaimađa táuturare ne oainope, ne jínajiyepre. ³⁰Ne táuturare cójjivaríburu yóboi, Bernabé Saulomaque nuvarejaimađa diede, jínajivv Judea ámicuríjborōcovv Jesúre ju aivvure coreipōevare.

Jabova ne boarí jaruvvino Santiagoore aru ne buoino Pedrore

12 ¹Dijárvavvui űai jabocv Herodes űájinne đarí búrejameđa apevv Jesúre ju aipōevare. ²Boarí jaruvvaicōjenejameđa Santiagoore, Jūai mamícure, boaicaroveque. ³Ūi boarí jaruvvaiye báque Santiago bácvure coyurejavvya ina judíovai jabovare. Que baru buoicōjenejameđa Pedrore. Dinumv pávure bucvure đaiye cube áiye torojvure teinumv marejávvy. ⁴Pedrore ne jéniburu yóboi, nuvarejaimađa ũre ámeina teivvure jeni jacoĩnami. Noi yóvaicvvaivvujuboa churarava jári coreivv barejaimađa ũre. Yóvaicvvaivv churarava barejaimađa yajuboa coapa. Aru ina churarava jári coredejaimađa ũre ne yajuboa coapa. Herodes davaicōjecvvy barejameđa Pedrore pōeva ne jáinoi Pascua ámicuríjávavv yóboi, acvvy ũre “Yaicvvyumu mv”. ⁵Que teni ina churarava me coreivv barejaimađa Pedrore ámeina teivvure jeni jacoĩnami jívvi. Ūbenita ina Jesúre ju aipōeva parurōreca jéniaivv barejaimađa Jūmenijicvque ũre járvvure aru űamine máre.

Jūmenijicv ũi jaetovaino Pedrore ámeina teivvure jeni jacoĩnamine jocarí

⁶Cūináñami, Herodes davaicōjecvvy Pedrore cōmiájávavv jívocacañamine, Pedro cāñv marejameđa ámeina teivvure jeni jacoĩnami jívvi. Pucarā churarava coricai cāñv, pvcamea táumeaque buoimv mácv; cūinámeque buoimv

mácu cūinácu churarare ũi meapūravui aru apemeque buoimū mácu apeçu churarare ũi cācopūravui. Aru apeçu churarava máre coreivū barejáimada diñami jedevacobe yebai. ⁷Maumejiēna ñai Jūmenijicui daroimū, cūinácu ángele, cuetedejameđa noi Pedro yebai. Aru miadárejavūya diñami jívui. Ñai ángele jēni jáñu marejameđa ũre cūinápūravui, ũre coedavacuçu, aru arejameđa ũre:
—iMaume coedajacu mū! arejameđa Pedroe.

Aru cūiná dimeá táumea voarī turejavūya Pedroi ámuveare jocarī. ⁸Ñai ángele arejameđa ũre:

—Buojacu mi jāríoicāvare. Dojacu mi cūraidoare máre, arejameđa.

Ju arī, ũi đaicōjeiyepedeca đarejameđa Pedro. Aru ñai ángele arejameđa ũre:

—Dojacu mi puenocacajede. Aru dajacu yúque, arejameđa ũ.

⁹Pedro ũi yóboi nūri, etarejameđa diñami jacoĩnamine jocarī. Ūbenita Pedrocápūravū coreóvabedejameđa ũi đaiye jāvene. “¿Decoboaino márica yo?” arī dápíarejameđa Pedro. ¹⁰Nūre nūivū vaidéjaimada cūináyajubo churarava coreivūre. Aru vaidéjaimada apējajubore máre, churarava coreivūre. Quénora earejaimada na ũracobe jedevacobe parŕicobe táuque đaicobede, nūino ĩmaroi. Dicobe bajumareca vorejavūya, ne etarājīyepedecā diñami jacoĩnamine jocarī. Nūimai cuivū barejáimada na. Aru cūiná ñai ángele đajocarejameđa Pedroe cūinácura.

¹¹Dinumumia Pedro coreóvarejameđa iye ũre vaiye jāvene. Yópe arī dápíarejameđa: “Caride majivū yu caiye iye jāvene. Jūmenijicui darocube ũi ángelede, ũi jaetovaquiyepe ayu yūre Herodes ũi đaicōjeiyede jarŕvarī, ũi đabequiyepe ayu yūre yópe ina judíovai jabova ne ũrōpe”, arī dápíarejameđa Pedro ũi baju.

¹²Ū coreóvayū caiye iyede, nūrejameđa Maríai cūrami. Ico María Jūai paco barejácođa. Aru ñai Jūiavacari ámicurejameđa Marcos

máre. Obedivū pōeva cójijivū diñami jēniaivū barejáimada Jūmenijicūque, ũi meadaquiyepe aivū Pedroe. ¹³Ne jēniaiyedeca, Pedro eayū diñami jedevacobei, órejarejameđa. Aru cūináco ne yebacaco, ōi ámiá Rode, voaconuridurejacoda ō. ¹⁴Ūbenita Pedroe jápiarī, coreóvarī, pare torojurejacoda ō. Que baru cūyarī copainurejacoda pōevai curitucubui cojedeca, jedevacobede voabecova cāreja. Ina jēniaivūre torojuco arejacoda ō:

—Jedevacobei cubi Pedro, arejacoda ō. Ūbenita ju abevū óre, arejaimada na:

¹⁵—Ārūmecobu mū, arejaimada.

Ūbenita parŕōreca:

—Jāvetamu. Jápíajarā yūre.

Jedevacobei cubi Pedro, arejacoda ócapūravū.

Ina cójijivū arejaimada óre:

—Ūrecabe Pedro bácuī decocu, mi jápiaimū, arejaimada na.

¹⁶Aru ne nópe yāvaiyedeca, Pedrocápūravū dajocabecvā órejayū barejámeđa ũ cāreja. Quénora apeçu nācavū jedevacobede voaivū, Pedroe jáivū, cuēcumarejaimada na. ¹⁷Pedro cūrami ecorī, ũi pŕuque jáđovari, bi aicōjeni, coyurejameđa náre caiye iye Jūmenijicui đaiye báquede jaetovacuçu ũre ámeina teivūre jēni jacoĩnamine jocarī.

—Iye ji coyūiyede Santiago, Jesúi yócuere, máre coyūjarā mūja, aru caivū apeçu Jesúre ju aipōevare máre, arejameđa náre Pedro.

Náre yávarī buojarī, Pedro etarejameđa diñamine jocarī, nūcuçu apenoita.

¹⁸Cōmiáijāravū miadáe tuiyede ina ámeina teivūre jēni jacoĩnami churarava pare jidŕivū cārījinejaimada na. Jēniari jáivū barejáimada ne bajumia:

—¿Ári curi Pedro? ¿Aipe tedica ũ? arejaimada.

¹⁹Herodes churaravare voicōjenidurejameđa Pedroe. Ūbenita eabedejaimada ũre. Que baru Herodes jēniari járejameđa ina churaravare

ne majiéde Pedroi borore. Aru boarí jaruvaicōjenezameđa náre, Pedro ũi dupini nuiye boje náre jocarí.

No yóboi, Herodes ěmenezameđa Judea āmicurōre jocarí, cucusu Cesarea āmicuriimaroi.

Herodes ũi yaino

²⁰Ũi cuede noi, pare jararejameđa ñai Herodes Tiro aru Sidón āmicuriimaroacavure máre. Que baru apevu diimaroacavu cójijidejaimada, cārijimene ðaiyurājivu Herodede. Diimaroacavu ini bojeðavu barejámada ne ārajyede Herodei jaboteinoi. Que baru maucuvaiyubedejaimada ĩre. Mamarumure coyurānurejaimada Blastore, jēniarajivu ũi cadatequinore náre. Ñai Blasto Herodei cūramine coreipōecu barejámada. Ne coyuiyede jápiayū, ne jēniayede ju ayū, cadateiyurejameđa náre. Ũi cadateiyequē, cójijini, nurajivu barejámada Herodes yebai, jēniarajivu ũi cārijimene ðaiyurepe aivu náre. ²¹Que baru cūinájāravū, Herodes ũi beojāravui, ũi meacaje jabocui doicajede dorīburu yóboi, ne cójijinoi nurī, jabocui dobarōra dobarí, yávorejameđa náre joe ñai Herodes. ²²Aru yávarīburu yóboi, caivu ina cójijivu, yópe arí, codoboboivu barejámada:

—iJūmenijicui yávaiyepē yávaibi ũ! Yávabebi ũmure. iJūmenijicui yávaiyepē yávaibi ũ! codoboborí arejaimada na.

²³Maumejiena Jūmenijicui daroimū, cūinācu āngele, pare ijino jídejameđa Herodede, “Yu máre ũmurecabu. Jūmenijicu āmevu yu” ũi arí coyube boje ina pōevare. Que teni júva ne āimū yaidéjameđa ũ, Herodes bácu.

²⁴Ūbenita apevu pōeva obedivu Jūmenijicui yávaiye méne coyuiyede jápiarí, ju arejaimada diede. Caijāravua apevu ne ju aiyede pūeno baju obedivu ju aivu nurejaimada.

²⁵Bernabé aru Saulo ne jíniburu yóboi iye tāuturare ju aivure coreipōevare, copainurejaimada Jerusalén

āmicuriimarore jocarí. Aru Juan Marcore nuvarejaimada náque Antioquía āmicuriimaroi.

Bernabé aru Saulo ne bueni buino Jūmenijicui yávaiyede

13 ¹Antioquía āmicuriimaroacavu Jesúre ju aivu jēneboi curejaimada apevu Jūmenijicui yávaiyede coyūivu aru pōevare bueivu máre. Na marejámada Bernabé; aru Simón, āmidoimū mácu ñemicu; aru Lucio, Cirene āmicuriimaroacacu; aru Manaén, Herodei bucūovaimū mácu juedocu cāreja; aru Saulo máre. (Ñai Herodes Galileacavu ne jabocu barejaquémavu.) ²Cūinájāravū ina bueipōeva mearore jivu barejámada Jūmenijicure. Aru āmenezaimada āiyede, ne me jēniarajyepē aivu ĩre. Ne nópe ðaiyedeca, ñai Espiritu Santo arejameđa náre:

—Javede beocacu yu Bernabéde aru Saulore máre, ne memecarājyepē ayū yure. Que baru caride jarojarā náre yure memecarājivure, arejameđa ñai Espiritu Santo.

³Que teni cojedeca jēniarejaimada Jūmenijicure āmevua āiyede. Bernabéde aru Saulore máre ne jipoburā tuorīburu yóboi ne pūruáque, jáðovarajivu ne memeino buiyede, jarorejaimada náre.

Jesús ũi yávaiye méne beorí coyucōjeimara ne bueino Chiprecavure

⁴Ñai Espiritu Santo nuicōjenezameđa ina pucarāre Seleucia āmicuriimaroi. Noi jiaðocū ũracūi jaturí nurejaimada pu Chipre āmicurijavuita. ⁵Earejaimada Salamina āmicuriimaroi. Judíovai cójijiñamiai nuri, ecorí coyurejaimada Jūmenijicui yávaiye méne. Aru Juan Marcos náre yóvayū barejámada, cadatecuyū náre. ⁶Caino ne jivavure vainí, nurí earejaimada na Pafos āmicuriimaroi. Noi copurejaimada cūinācu judíore, ũi āmiá Barjesús.

Ñai Barjesús “Jūmenijicui yávaiyede coyucaipōecubu yu”, are cuyū

barejámeđa. Ñbenita borocucu barejámeđa. Quénora yaviéde ðayu barejámeđa ñ. ⁷Ëi yóvaimu marejámeđa no jiauvucavui jabocu, ñi ámiá Sergio Paulo. Ñai jabocu me majicu barejámeđa ñ. Jápaiyurejameđa Jümenijicui yávaiye méne. Que baru cuturejameđa Bernabéde aru Saulore máre ñi yebai, ne coyuräjyepere ayu diede ñre. ⁸Ñbenita ñai yavié ðaipöecu, ñi ámiá griego ámicuricamua yávaicamuaque Elimas, maucüvarejameđa náre. Ñbenidurejameđa ñai jabocure ñi ju aiyede Jümenijicui yávaiye méne. ⁹Dinũmure Saulo me járejameđa ñai yavié ðaipöecure. Saulovacari barejámeđa Pablo ñi ámiá. Ñai Espíritu Santo ðaicöjenejameđa Pablöre. Que baru ñai yavié ðaipöecure me jári arejameđa ñre:

¹⁰—iMu, abujuvai jabocupe ðare cuivu mu! Cainũmua maucüvacütamu mu ina mearo ðaivure. No mearore ubevu mu. Cainũmua ámecubu mu. Borocücutamu mu. Jujoivaivu apévure. Cainũmua meyuyarí ávaivu mu, “Jáve ámevu Jümenijicui yávaiye”. Yópe ávaivu mu pöevare, ne ju abenajiyepere ayu Jümenijicui yávaiyede. ¹¹Jájacu. Caride Jümenijicui ñájine ðaquiñibi mure mi ámeina teiye boje. Jári eabequijivu mu. Apejárovua aviá ñi miadáene jámequijivu mu, arejameđa Pablo.

Cüiná járe eabedejameđa Elimas. Que baru curidurí voyu barejámeđa apécure, ñre nuvacuyu ñi puruque. ¹²Aru ñai jabocu iyede jáñu, ju arejameđa Jesús ñi yávaiye méne. Que baru pare cuicumarejameđa iye ne bueiyeđe Jesurá.

Pablo aru Bernabé ne bueino Antioquía Pisidiacaröcavure

(Mt 3.11, 17, 10.14, 17.15, 27.22-23, 57-61; Mr 1.4, 7, 6.11, 9.7, 15.13-14, 42-47; Lc 3.3, 16, 22, 9.5, 35, 10.11, 23.21-23, 50-56; Jn 1.20, 27, 19.15, 38-42; Hch 1.3, 2.27; He 1.5, 5.5)

¹³No yóboi, Pablojá jiaðocü uracüi jaturí Pafos ámicurímarore jocarí

nurejaimađa Perge ámicurímaroi jia urađa apedüvei, Panfilia ámicurijoborói. Dinũmu Juan Marcos ðajocarejameđa náre, copainucuyu Jerusalén ámicurímaroi. ¹⁴Ñbenita Pablojá nurejaimađa Perge ámicurímarore jocarí. Earejaimađa Antioquía ámicurímaroi, Pisidia ámicurijoborói. Noi judíovai jabuónvairavũ sábadoi, judíovai cójijijnami nuri, ecorí, dobarejaimađa na, Pablojá. ¹⁵Apecu jári borotedejameđa Jümenijicui ðaicöjeiyede ñi coyuiye báquede Moisés bácore aru cüinácu Jümenijicui yávaiyede coyücaipöevacacu bácu ñi toivaiye báquede máre. Ëi jári boroteniburu yóboi, ina cójijijnamine coreipöeva ðarejaimađa apécure Pablojá yebai, ñi jëniari jáquiyepere aivu náre:

—Muja, jívu, çyávaiyuráru muja ina pöeva yore curivure, çaðatenajivu náre? Yávaiyurivu baru, coyujará caride, arejameđa ne ðaroimũ mácu Pablojáre.

¹⁶Que baru Pablo nacajari, ñi puruque jáðovari ne bi aräjyepere ayu, coyurí búrejameđa náre.

—Muja, jívu, Israecavu, aru judíova ámevu mearore jívu Jümenijicure máre, jápiajará ji coyuiyede. ¹⁷Ñai Jümenijicui, Israecavu maje mearore jívu, beorejaquemavu majeñecuva mácavure, judíovare. Obedicüpuruvarejaquemavu na mácavure ne cue báquede apévure apejaborói, Egipto ámicurijoborói. Ëi uraró paruéque nuvarejaquemavu na mácavure Egipto ámicurijoboróre jocarí. ¹⁸Napinejaquemavu na mácavure cuarenta paiñña baju ne cuede cáreja pöecubenoí. ¹⁹Bíjaroyu bácu siete paiyajuboare, Canaán ámicurijoboröcavure, jídejaquemavu no jaboróre ñi pöeva mácavure. ²⁰Que teni Jümenijicui jabotede ðarejaquemavu obedivu jabova ñi pöeva mácavure cuatrocientos cincuenta paiññaareca pu ñai ñi yávaiyede coyücaipöecu Samuel bácu ñi jaboteiyeta.

²¹'Aru Israecavu bácvu ne jëniayede Samuel bácore, “Epejacu jabocure

ñujare” ne aiyede, Jūmenijicu jabotede ðarejaquemavu Saúl bácure, Cis bácuí mácure, Benjamín mácuí yajubocacure, ñi jabotequiyepere ayu na mácavure. Aru Saúl bácu jabotedejaquemavu na mácavure cuarenta paiñjua baju. ²²Dinñmñmia Jūmenijicu jaboteicōjemenejaquemavu Saúl bácure. Quénora jabotede ðarejaquemavu David bácure. Yópe arejaquemavu Jūmenijicu: “Davique, Isaí mácuque, torojuvu yu. Ji ðaicōjeiyepedeca ðacuyume ñ”, arejaquemavu Jūmenijicu.

²³Aru cūinácu David bácuí pāramenacacure, Jesúre, daroquemavu Jūmenijicu, ñi meadaquiyepere ayu Israecavure. Que teni Jūmenijicu ðaquemavu yópe ñi jipocamia aiyede báquepedeca. ²⁴Ûbenita Jesús ñi ðaquiyepere jipocai, Juan Bautista bácu coyúámeda caivu Israecavure. “Chīori dápiajarā muja muje ñmeina teiyede. Oatuvajarā muje ðaiyede, Jūmenijicu ñi ñrumetequiyepere aivu diede. Aru jáðovajara muja Jūmenijicure ocoque”, ámeda Juan Bautista bácu. ²⁵Ûi memeinore buojare nuñu, Juan Bautista bácu ámeda pōevare: “Muja dápiaivubu yure muje coreimure, Ûbenita yu ñmevñ ñai muje coreimñ. Dacuyume ji yóboi cūinácu, ji pñeno parucu. Ûrecabe meacu baju caivu pñeno. Que baru ñre cadateni buojabevñ yu. Buojabevñ yu oarí nacachini ðuayñ ñi curaidoa buoimeare”, ámeda Juan Bautista bácu.

²⁶Muja, jívñ, Abraham mácuí pāramena, aru judíova ñmevñ mearore jívñ Jūmenijicure máre, majareca Jūmenijicu daroibi ñi yávaiye méne, maje meatenajiyepere ayu. ²⁷Ûbenita ina Jerusalén ñmicurímarocavu aru ne jabova máre coreóvabetequemavu ñai Jesúre náre meadairpōecure. Ne boaicōjeiyede ñre ðaquemavu yópe ina Jūmenijicu yávaiyede coyucaipōeva mácavu ne toivaiye báquepe, diede jári boroteivñvacari ne jabuóvairjavuñai sábadoda coapa. Ûbenita ne boarí jaruvaircōjeiyede Jesúre, vaiqué mavñ caiye yópe ina Jūmenijicu yávaiyede

coyucaipōeva mácavu ne toivaiye báquepedeca. ²⁸Jesús ñi ñmeina teiyede cubedeca, quénora Pilatore boarí jaruvaircōjeimada ñre. ²⁹Aru ñre ðaríburu yóboi yópe ina Jūmenijicu yávaiyede coyucaipōeva mácavu ne toivaiye báquepedeca ñi borore, apevu ñ mácure jocucujaravede jōðavari, ñni, cūracobei jaruvaimada na. ³⁰Ûbenita Jūmenijicu nacovaquemavu ñre yainore jaruvairí. ³¹Obedijaravure ina ñi yóvaimara mácavu jáimada ñre. Na mateima yóvavñ bácvñ ñre jipocamia ñi nuiyede Galilea ñmicurijoborōre jocarí pñ Jerusalén ñmicurímaroita. Aru caride ina jáivñ bácvñ coyuvñbu Israecavure ne majiéde Jesúre.

³²⁻³³Aru ñujacarpuravu coyurádivubu mujare iye Jūmenijicu yávaiye méne. Jūmenijicu “Mearo ðacacuyumu yu mujepāramena márajivure”, arejaquemavu judío va ñecuva mácavure. Aru Jūmenijicu nacovaññ mácu Jesúre yainore jaruvairí, ðacaquemavu majare, judío va bácvñ pāramenare aru judío va ñmevñ máre, yópe ñi aiyede báquepedeca. Yópe toivarejaquemavu apeno toivaino mácarō Salmo ñmicurōi Jūmenijicu coyuiyede báquede Jesúrā: “Jímacurecabu mñ. Caride caivñ ne jápaiyede yávacarí jaboteicōjeivñ mure”, arejaquemavu Jūmenijicu Jesúre. ³⁴Apeno toivaino mácarōi Jūmenijicu arí coyurejaquemavu ñi nacovaquiyede Jesúre yainore jaruvairí, ñi bajure pojebequiyepere ayu. “Jāve mearo ðacacuyumu yu mujareca yópe ji aiyede báquepedeca David bácure”, arejaquemavu Jūmenijicu. ³⁵Aru apeno toivaino mácarō máre, Salmo ñmicurōi, ññu toivairpōecu bácu arejaquemavu Jūmenijicure: “Pojeicōjemecubu mñ ji bajure, ji meacu baju boje, aru ji memecaiye boje mure”, arejaquemavu. ³⁶David bácvairpūravñ ðarejaquemavu Jūmenijicu ñrope ñi cue báquede ijárvñ. Que ðarí buojarí, yaidéjaquemavu. Aru jaruvarejaquemavu ñi baju bácarōre ñi

ñecuva mácavu yebai cūracobei, aru ñi baju bácarō pojedejaquemavu. ³⁷Ūbenita Jesúvacari, Jūmenijicui nacovaimu mácu yainore jaruvarī, pojebetequemavu ñ.

³⁸⁻³⁹’Muja, jívū, jāve majjarā muja ñuje coyuiyede mujare Jūmenijicui yávaiye méne, ñi arumetequiyepē aivu āmeina teiyede, Jesús ñi yayiye báque boje majare boje. Majjarā. “Mi āmeina teiye cubevū”, acuyume Jūmenijicui caivu ina ju aivure Jesúre. Ūbenita pōeva ne ñaiyuru Jūmenijicui ñaicōjeiyede ñi coyuiye báquede Moisés bácare, “Mi āmeina teiye cubevū”, abecuyume náre. ⁴⁰Que baru me ñajarā muja, vaibéquiyepē aivu mujare yópe Jūmenijicui toivaicōjeiye báquepe ñi yávaiyede coyucaipōeva mácavure:

⁴¹ Jájara muja, ju abeni yurivu ji yávaiyede. Yure jārī cōenínajaramu muja. Ji ñaquiye de jidujarā muja. Yainí bjarājaramu muja. Muje curijāravure pōeva ne ñarī majibede ñacuyumu yu. Ūbenita ju abejebu muja, apesu ñi coyuru mujare ji ñaiyede. Apesu ñi coyuiyedeca aipe aiyurōre ji ñaiyede, ju abejebu muja cāreja, arejaquemavu Jūmenijicui mujare, arejameña Pablo náre.

⁴² Arī buojarī, Pabljā ne etaiyede judfovai cōjjiñamine jocarī, judfova ānevucavu jēniarejaimađa náre ne copaidarājiyede apesumana judfovai jabuóvāijāravui, ne coyurājiyepē aivu pñeno baju iye yávaiye méne. ⁴³Obedivu pōeva, judfova aru judfova ānevū mearore jívū Jūmenijicure, ne etaiyede cōjjiñamine jocarī cujurejaimađa Pablōre aru Bernabéde máre ne ñuiyede. Que teni ina Jesús ñi yávaiye méne beorī coyucōjeimara coyuvu barejáimađa ina pōevare parurōreca, ne ñajocabenajiyepē aivu ne coreinore Jūmenijicui mearo bojecubeno ñi ñacaquiyede náre.

⁴⁴ Aru apesumana judfovai jabuóvāijāravu sábadoi, obedivu pōeva ñiimarocavu cōjjiñajaimađa, jápiarājivū Jūmenijicui yávaiye méne. ⁴⁵Ūbenita

apēvu judfovacapūravu, ne jāiyede caivu ina obedivu pōevare cōjjiñavure, pare jorojñejaimađa na. Que baru copu arejaimađa Pablo ñi coyuiyede. Aru āmēcororejaimađa ūre. ⁴⁶Ūbenita Pablo aru Bernabécapūravu jidubevūva pñeno baju parurōque arejaimađa:

—Mamarumure javu ñujare ñuje coyuiye Jūmenijicui yávaiye méne muja, judfovare. Ūbenita muja járiaiyubevū die. Que baru muje cuvaiyube boje jāravu cūiméjāravu baquinóre ñajocavuvu mujare. Caride coyurāñiuvu iye yávaiye méne ina judfova ānevure. ⁴⁷Que teni ñarājivuvu ñija yópe Jūmenijicui coyuiye báquepe, arejaimađa.

Yu jaroivu mure yópe pēoinope caivu ina pōeva judfova ānevure, ne ju arājiyepē ayu ji yávaiye méne, meadacuyu náre, arejaquemavu Jūmenijicui.

⁴⁸Ina judfova ānevū járiaiyū iyede, torojurivu “Jūmenijicui yávaiye me bajutamu”, arejaimađa. Nácavu, Jūmenijicui beoimara mácavu cuvurājivū jāravu cūiméjāravu baquinóre, ju arejaimađa na Jesúre. ⁴⁹Aru caino dijborōre apēvu pōeva obedivu Jūmenijicui yávaiye méne jápiarī, ju arejaimađa die. Que teni pñeno baju obedivu ju aivu ñurejaimađa. ⁵⁰Ūbenita nócavu judfova maucuvare ñarejaimađa ñiimarocavu, ñmūva parurivure aru nomiva judfova ānevū pōeva ne pueðainomivare máre, ne ñājine ñarājiyepē aivu Pablōre aru Bernabéde máre. Que baru ñaetovarejaimađa náre dijborōre jocarī.

⁵¹ Dinūmure Pabljā pupedejaimađa jobore náre jēiyede ne cuboba cāchinōi ne jāiyede, ina pōeva ne járiaiyube boje Jūmenijicui yávaiye méne. Que teni náre ñajocarī ñurejaimađa na Iconio āmicurīmaroi. ⁵²Ina Antioquía āmicurīmarocavu Jesúre ju aipōeva torojurejaimađa. Aru ñai Espiritu Santo ñaicōjñejameña náre coapa.

**Pablo aru Bernabé ne
bueino Iconiocavure**

14 ¹Iconio āmicurīmaroi Pablo Bernabémaque ecorejaimađa judfovai cōjjiñami, buenajivu nócavure.

Aru buedejaimada majiéque. Que baru obedivu pöeva ju arejaimada Jesúre, apevu judíoiva aru apevu judíoiva ámevu máre. ²Ûbenita nócvu judíoiva Jesúre ju abevu maucúvare ðarejaimada nócvu judíoiva ámevure, ne ámeina dápiarájiyepe aivu Pabljáre. ³Que baru Pabljá mautedejaimada noi obedijáravva. Náre Jesús ùi cadateiye boje, jidúbevva coyúivu barejáimada parúéque. Aru Jümenijicu parure ðarejaquemavu náre, ne ðarájiyepe ayu pöeva ne jámene aru ne ðarí majibede máre. Que baru Jümenijicu jáðovarejaquemavu jáve ne coyúiyede jíyede mearo bojecúbenore Jesúre ju aipöevare. ⁴Ûbenita cüináturu ne úme dápiabedejaimada na, diímarocavu. Apevu ju arejaimada ina judíoiva ne coyúiyede aru apevu ju arejaimada Jesús ùi yávaiye méne beorí coyúicójeimara ne coyúiyede. ⁵Dinumure ina judíoiva aru apevu judíoiva ámevu máre coyúrejaiamada jabovaque, yópe arí: “Nájine ðarájarevu Pabljáre”, arejaimada ne bajumia. Que arí, cûraboaque ðavarí boaiyurídurejaiamada náre. ⁶Pabljá coreóvaivu ne maucúvarí dápiayede náre, dupini nurejaiamada apejoróí. Cûrejaiamada Licaonia ámicurijoborócaímaroai, Listra aru Derbe ámicuríímaroai, aru no joabenoquei máre. ⁷Coyúivu barejáimada Jesús ùi yávaiye méne nócvure.

**Listracavu ne boaino Pablore
cûraboaque**
(Hch 4.24)

⁸Listra ámicuríímaroai dobarejameða cüinácu úmu cuiye majibecu. Ûi cuboba jiacubedejavýya. Pöetedejameða ñai úmu cuiye majibecu. Aru cainumua cubedejameða ù. ⁹Û jápiayú barejámeða Pabloi coyúiyede. Pablo me cocoyú úre, coreóvarejameða ñai úmu ju ayure Jesús parúcure, úre meadacuyure. ¹⁰Que baru Pablo me jáñu úre, arejameða parúróreca:

—Nacajajacu mi cubobaque nurié, arejameða Pablo.

Maumejiena biararí, nûri, vaivarí búrejameða ù, cuiye majibecu bácu. ¹¹Ina obedivu pöeva jáivu Pabloi ðaiye báquede, codoboborí búrejaimada ne yávaicamuaque, Licaonia ámicurijoborócvu ne yávaicamuaque. Yópe arí, codoboivu barejáimada na: —iJümenijina úmuvape árojarivu teni émeni ðarí edaðama maje yebai! arejaimada na.

¹²Que baru arejaimada Bernabéde, “Úrecabe ñai jümenijicu ùi ámiá Zeus”. Aru arejaimada Pablore, “Úrecabe ñai jümenijicu ùi ámiá Hermes”. Que arejaimada na Pablo ùi yávaiye boje Bernabé pueno. ¹³Cüinádami cûrami pöeva ne torojuede jíñami ñai Zeure cûrejavýya diímaro turuvai. Aru Zeui sacerdote davarejameða otevecúvare aru cóvure máre diñami jedevacobe yebai. Û diímarocavuque ina otevecúvare boarí juaiyurídurejaiamada na, mearore jínajivu Bernabéde aru Pablore máre. ¹⁴Ûbenita Bernabé aru Pablocapúravu jápiaivu pöeva ne ðaiyuede, ne baju doicajearé tatorí jadevarejaiamada, pöeva ne majinajiyeye aivu diede ubevure. Aru pöeva jéneboi cýyarí nuri, codoboborejaiamada na:

¹⁵—iYópe ðabejará mûja! iJümenijina ámevu ñûja! Ñûja máre mûjape paivu pöevatamu. Coyurádaivubu Jümenijicui yávaiye méne mûjare, mûje ðajocarájiyepe aivu mûje mearore jíyede jümenijina ámevure aru mûje majinajiyeye aivu ñai Jümenijicu arúcu cüinácvu. Ñai Jümenijicu cuedarejaquemavu cavaróre, joboróre, jia uraðare máre, aru caivu nócvure, noi cuede máre. ¹⁶Jipocai judíoiva ámevu ðaivu bácvureca ne baju uró coapa, Jümenijicu ðaicójeñu ámenejaquemavu náre. ¹⁷Ûbenita cainumua Jümenijicu jáðovaimi mûjare aipe árojacu ùi baju ùi ðacaiyede mearore mûjare. Que teni Jümenijicu ocare ðacaibi cavaróre jocarí mûjare. Aru bucure ðacaibi mûje oteiyede, mûje

cuvaräjipepe ayu äiyede. Yapide ðacaibi mujare äiyeque. Aru torojure ðacaibi muje ũmene, Pablo Bernabémaque arejaimada.

¹⁸Yópe arejaimada, náre ne torojuede oteivecuvare juarí jýue boje. Ëbenita maiyójarejavüya náre ne dajocaiyede.

¹⁹Dinũmure apevu judíova, Pisidia ämicurijoborõcaĩmaroa Antioquía aru Iconio ämicurĩmaroacavu earejaimada diĩmaroi. Obedivu diĩmarocavure maucuvare ðarejaimada na Pabljäre. Que teni Pablöre İni, cüraboaque ðuvarí ũre, “¿Yaiyú bárica?” arí jabuborí jaruvarejaimada ũi baju bácarõre diĩmarore jocarí. ²⁰Ëbenita no yóboi Jesúre ju aipõeva cójijini nũivu ũi yebai, Pablo nacajari, copainurejameda diĩmaroi. Cõmiáijaravure Bernabémaque nurejaimada Derbe ämicurĩmaroi.

²¹Pabljä coyurejaimada Jesús ũi yávaiye méne diĩmaroi. Aru obedivu põeva ju arejaimada diede. No yóboi, copainurejaimada Lистра, Iconio, aru Antioquía ämicurĩmaroi, Pisidia ämicurijoborõcarõai. ²²Diĩmaroa coapa caðatedejaimada Jesúre ju aipõevare, ne ju aräjipepe aivu pueno baju parurõ aru ne dajocabenajipepe aivu ne Jesúre ju aiye de máre. Arejaimada diĩmaroacavure:

—Caivu maja ju aivu Jesúre ñájinajivubu pare ijäravui, maje ecoräjipepe jipocai Jũmenijicui jaboteinore, arí buedejaimada na.

²³Diĩmaroa coapa apevu ũmũva Jesúre ju aivucavure beorejaimada Pablo aru Bernabé máre, ne corenajipepe aivu apevu Jesúre ju aipõevare, náque cójijivaivure. Que teni jẽniarejaimada Jũmenijicure ämevũva äiyede, ũi corequiyepe aivu ina ũre ju aipõevare, aru ũi caðatequiyepe aivu náre. Que ðarejaimada Pabljä diĩmaroa coapa.

**Pablo aru Bernabé ne copaino
Antioquía Sircarõi**

²⁴Dinũmu Pisidia ämicurijoborõre vainí, earejaimada Pabljä Panfilia ämicurijoborõi. ²⁵Noi Perge

ämicurĩmaroi coyurejaimada Jesús ũi yávaiye méne. Coyurí buojarí, ãmenejaimada Atalia ämicurĩmaroi. ²⁶Noi jiadocũ uracũ jaturí, earãnurejaimada Antioquía ämicurĩmaroi cojedeca, mamarũmu ne etaino mácarõi. Ne etaräjijäravu jipocamía, Jesúre ju aipõeva diĩmarocavu jẽniarejaimada Jũmenijicure, ũi corequiyepe aivu ina ũre memecaivure aru ũi caðatequiyepe aivu náre.

Que arejaimada, jẽniaivu Jũmenijicure ũi ðacaquiyepe aivu mearore Pabljäre. Aru ne copaiyede noi cojedeca jave buojarejaimada ne memeinore, Jũmenijicui coreni caðateye báque boje náre. ²⁷Que baru Pabljä eaivu Antioquía ämicurĩmaroi, cójijide ðarejaimada caivu Jesúre ju aipõevare, coyuräjivu náre caiye iye Jũmenijicui caðateye báquede náre aru ũi meadaicõjeiye báquede ina judíova ämevure, ju aräjivure Jesúre. ²⁸Aru Pabljä mautedejaimada Jesúre ju aipõeva que noi obedijäravua.

**Jesúre ju aipõeva jabova Jerusaléi ne
cójijino
(Hch 2.4, 10.1-44)**

15 ¹Dinũmure apevu ũmũva ãmenejaimada Judea ämicurijoborõre jocarí Antioquía ämicurĩmaroi. Yópe arí, bueni búrejaimada ina Jesúre ju aipõevare: —Mũja urivu baru Jũmenijicui meadaquiyepe aivu mujare, buraicõjeiye javvu muje cajede yópe Jũmenijicui ðaicõjeiyepe ũi coyuiye báquede Moisés bácare, arí buedejaimada.

²Pablo aru Bernabé máre ju abedejaimada iye ne bueiye de. Que baru coyuridurejaimada náre jãve ämene. Ëbenita ina Judeacavu jaraivu jápiaiyubedejaimada Pabljäre. Que baru Jesúre ju aipõeva beorejaimada Pablöre aru Bernabéde, aru apevu Jesúre ju aivure máre, ne muri nurajipepe aivu Jerusalén ämicurĩmaroi, jẽniari jãrajivu diede Jesús ũi yávaiye

méne beorí coyucójeimarare aru ju aivure coreipöevare máre. ³Que baru ina Jesúre ju aivu jarorejaimada náre. Vainí nuri Fenicia aru Samaria ámicurijoboröare, coyure cuivu barejáimada nócavure ímaroa coapa apevu judíova ámevu ne ju aiyede Jesúre. Iye borore jápiaivu bávavu nócavu Jesúre ju aipöeva urarö torojurejaimada na.

⁴Pablojá ne eaiyede Jerusalén ámicuríimaroí, ina Jesúre ju aipöeva aru náre coreipöeva, aru Jesús úi yávaiye méne beorí coyucójeimara máre jacoyurejaimada náre. Dinumtu Pabljá coyurejaimada náre caiye Jümenijicui ðaiye báquede ne bueiye báquede úi yávaiye méne. ⁵Dinumure apevu Jesúre ju aivu, fariseo ámicuriyajubocavu, nacajari arejaimada Pabljäre:

—Ina judíova ámevu úmuvare ne cajeáre buraicójeiye javvu aru ðaiye javvu náre caiye yópe Jümenijicui ðaicójeiyepe úi coyuiye báquede Moisés bácvre, arejaimada ina fariseova.

⁶Ne que aríburu yóboi, ina Jesús úi yávaiye méne beorí coyucójeimara aru ina Jesúre ju aivure coreipöeva máre cójijidejaimada, majinajivu diede. ⁷Ne urarö coyuríburu yóboi, Pedro nacajari arejameða náre:

—Muja, jívu, majivu muja javede Jümenijicu beoyu bácvre yure muje jéneboi, ji coyucuiyepere ayu úi yávaiye méne, judíova ámevure, ne jápiarí ju arájipe ayu. ⁸Aru Jümenijicu, ñai majicu caivu ne dápiayede, jáðovaquemavu náre úi copu etaimara mácvure úi daroiyede náre ñai Espíritu Santore nopedeca majare úi daroiye báquepe úre. ⁹Que baru Jümenijicu copu etaibi caivure cüináturu. Jáimi náre, judíova ámevure, nópe úi jáiypedeca majare, judíovare. Que baru Jümenijicu árumeteibi ne ámeina teiyede ne ju aiyede Jesúre. ¹⁰¿Aipe teni úbevurú muja Jümenijicui ðaiye báquede? Muja ðaicójeiyurivubu Jümenijicui jave ðaicójeime máquede. Muja ðaicójeiyurivubu Jesúre ju

aipöeva judíova ámevure püeno baju. Majeñecuva mácvavu nópe ðarí buojabedejaquemavu caiye iyede. Aru maja máre ðarí buojabevu maja caiye iyede. ¹¹Nópe ðabejará. Maja coreóvaivu Jümenijicu meadayure majare, Jesús úi mearo ðacaiye báque boje majare. Aru cüináturu Jümenijicu meadayube judíova ámevure máre, arejameða Pedro.

¹²Caivu ina cójijivu bi arejaimada na. Dinumtu Bernabé aru Pablo máre coyurejaimada aipe pöeva ne jámene aru ne ðarí majibede máre Jümenijicui ðare ðaiye báquede náre judíova ámevu jéneboi. Aru caivu ina cójijivu me jápiarejaimada ne coyuiyede.

¹³Coyuríburu yóboi, Santiago, Jesús yócu, yópe arí, yávarejameða:

—Muja, jívu, jápiarjá ji coyucuiyede.

¹⁴Simón Pedro coyui bi mujare aipe ðarí Jümenijicu mearo ðacarí buino mácaröre judíova ámevure, aru aipe ðarí beoino mácaröre apevu nácvure ú jina márajivure. ¹⁵Aru cüináturu iye Pedro úi coyuiyepere toivarejaquemavu ina Jümenijicui yávaiyede coyucaipöeva mácvavu. Yópe Jümenijicu toivaicójenejaquemavu cüinácu úi yávaiyede coyucaipöecu bácvre úi yávaiyede:

¹⁶Yu Jümenijicutamu. No yóboi, copaidacuyumu yu. Pöevare yure mearore jíde ðacuyumu yu, yópe ne mearore jíye báquepe yure David bácvui jaboteinumu mácaröre. David bácvui páramena mácvavu ne jaboteino cüinotamu, nopedeca cüináðami cürami tuñnamipe. Úbenita parure ðacuyumu yu cojedeca cüinácvure népáramenacacu bacuyúre, úi jabotequiyepe ayu bedíova yópe pöeva mamaðami cüramine ne ðaiyepere tuñnami mácaröquede. ¹⁷Yópe ðacuyumu yu judíova ámevure, ne vorájipe ayu yure, ne jabocvure. ¹⁸Que teni caivu ji beoimara mácvavu jína márajivutamu, arejaquemavu Jümenijicu.

¹⁹Que baru yu dápiaivü yópe. Cãrijojamenajarevü maja ina judíova ãmevü ju aivüre Jümenijicüre.

²⁰Quénora toivarãjarevü paperayocare, ðaicõjenajivü náre ne ãmenajiyepe aivü caiye ãiyede pẽpeimarare jíye báquede, ne ðabenajiyepe aivü ãmeina ðaiyede némarebucüva ãmevüque, ne ãmenajiyepe aivü ãmajiarua jive cuede, aru ne ãmenajiyepe aivü jivede máre. ²¹Yópe ðaiye javüvü majare. Joe baju cainoa ímaroai caisumana coapa jabüvõvãjaravuai, judíovai cójjiñãmiamia nuri, põeva jári borotedama Jümenijicui ðaicõjeiyede ñi coyuiye báquede Moisés bácure aru buedama diede. Que baru ina jápiaivü bécavü jave majima na diede, arejamedã Santiago.

Paperayocare ne toivaino judíova ãmevüre

²²Caivü ina Jesús ñi yávaiye méne beorí coyucõjeimara, ina Jesúre ju aivüre coreipõeva, aru caivü ina Jesúre ju aipõeva máre ju arejaimada Santiago ñi coyuiyede. Que baru beorejaimada ne jẽneboi apevü ñmüvare, jarorãjivü náre Pablo aru Bernabéque Antioquíã ãmicuríimaroí, ne nüvarajiyepe aivü diyoca paperayocare. Que baru beorejaimada pucarã nácavü jabovare. Cüinácü ñi ãmiã Judas, évacari Barsabás ãmicurejamedã. Aru apecü Silas ãmicurejamedã. ²³Ne jaroiyocaque yópe arejaimada:

“Ñuja, Jesús ñi yávaiye méne beorí coyucõjeimara aru Jesúre ju aivüre coreipõeva máre meaicõjeivübu mujare, ñujevüre, judíova ãmevü Jesúre ju aipõeva Antioquíãcavüre, Siriacavüre, aru Ciliciacavüre. ²⁴Jápiavübu ñuja apevü ñuje cójjiñocavüre nuivüre mujë yebai, ne buenajiyepe aivü mujare mujë cajeãre buraicõjeiyë javürõre yópe Jümenijicui ðaicõjeiyepë ñi coyuiye báquede Moisés bácure. Ûbenita ñuja jarobetecarã náre. Que baru chíovübu ñuja ne cãrijojaviyede mujare ne bueiyequë. ²⁵Que baru cójjiñvübu ñuja cüináturu ñuje ñme,

beorãjivü apevü ññjacavüre, ne járanurajiyepë aivü mujare. Daðama ina ñuje jaroimara Bernabé aru Pabloque máre, maje umaraque. ²⁶⁻²⁷Põeva ne boaiyüríduimara ne Jesúre memecaiye boje, aru ñuje jaroimara, ne ãmiã Judas aru Silas máre, coyurãjarama mujare nópe ñuje toivaiyepedeca diyocare. ²⁸Jümenijicui Espíritu Santo ñujare toivaicõjeimi mujare. Aru me ju aivübu ñuja iye ñi cójeiyede, ðaicõjemenajivü urarõ maiyõjarõ ðaicõjeinore. Quénora yópe ðaicõjeivübu mujare: ²⁹Caiye ãiyede pẽpeimara mácavü ne jino mácarõre ãmejara. Aru jivede ãmejara. ãmajiarua jive cuede máre ãmejara. Aru ðabejarã ãmeina ðaiyede apevüque mujemarebucüva ãmevüque. Nópe ðaivü baru, mearo ðarãjaramu mña. Quénoramü”, arí toivarejaimada na.

³⁰Ina ne jaroimara mácavü ãmenejaimada Antioquíã ãmicuríimaroí. Na eavü noi, cójjiñvarejaimada caivü ina Jesúre ju aipõevare. Aru jídejaimada náre diyoca paperayocare. ³¹Ne jári boroteiyede diyocare, iye toivaiye báque pare cadatedejavüya náre. Que baru torojurejaimada na. ³²Judas aru Silas máre Jümenijicui yávaiyede coyupõeva marejáimada na. Que baru ina pucarã pare buedejaimada nócavüre, náre cadatenajivü, aru pueno baju parüre ðarãjivü náre ne ñmei. ³³Obedijãravüã mautedejaimada ina pucarã nore. Aru bueniburu yóboi, nócavü Jesúre ju aivü jacopaiyovarí jarorejaimada ina coyupõevare ne daino mácarõí. “Me ñujara mña cãrijimevüva”, arejaimada náre. ³⁴Ûbenita Silas mautedejamedã noi, Antioquíã ãmicuríimaroí. ³⁵Pablo Bernabémaque máre mautedejaimada obedijãravüã nore. Bueivü barejáimada aru Jesús ñi yávaiye méne coyüivü barejáimada na apevü obedivüque.

Pablo ñi jácunüino cojedeca, coyucüvü Jümenijicui yávaiyede (Hch 13.13)

³⁶Obedijãravüã yóboi, Pablo arejamedã Bernabéde:

—Járica, járanurevü cojedeca maje bueimare ïmaroa coapa, maje bueino mácarõ Jesús ñi yávaiye méne, jámuri aipe ne cuede Jesúque, arejameða Pablo.

³⁷Bernabé nvaivurejameða Juan Marcore máre. ³⁸Ûbenita Pablocapüravü ju abedejameða úre. Jipocamia Juan Marcos dajocarejameða náre Panfilia ámicurijoborõi. Que teni yóvabedejameða náre pu ne memeinore buojaiyeta. ³⁹Que baru cüináuru ne úme cubedejaimada na, Pablo Bernabémaque. Que baru coatedejaimada ne baju. Bernabé Juan Marcomaque nurejaimada jiaðocü uracüque Chipre ámicurijavüi. ⁴⁰Ûbenita Pablo beorejameða Silare, nucyü úque. Jesúre ju aipõeva “Jümenijicu coreni caðatejacurí mujare” ne aríburu yóboi, nurejaimada Pablo Silamaque. ⁴¹Aru vaidéjaimada Siria aru Cilicia ámicurijoborõare. Buede cuivu barejáimada Jesúre ju aipõevare, püeno baju parare ðaräjivu náre ne úmei.

**Timoteo ñi yóvaino
Pablore, Silare máre**

16 ¹Pablojá earejaimada Derbe aru Litra ámicuríimaroai. Nore curejameða cüinácu Jesúre ju aipõecu, ñi ámiá Timoteo. Jípacu, judíovacaco, Jesúre ju aipõeco barejácoða õ. Ûbenita jípacu judío ámenejameða ñ. ²Litra aru Iconio ámicuríimaroacavu Jesúre ju aipõeva me járejaimada Timoteore. ³Pablo nvaivurejameða úre náque. Ûbenita nóvacu judíova majidejaimada Timoteoi pacu judío ámeçure. Que baru Pablo buraicõjenezameða Timoteore ñi cajede, yópe judíovai ðaicõjeipe. ⁴Pablojá ne vaiyede ïmaroa coapa buede nurejaimada Jesúre ju aipõevare. Coyurejaimada náre Jesús ñi yávaiye méne beorí coyicõjeimara aru Jerusalén ámicuríimarcavu Jesúre ju aivure coreipõeva ne ðaicõjeiyede judíova ámevure, ne ðaräjipe aivu yópe ne cõjeipe. ⁵Ne nópe teiyede Jesúre ju aipõeva majidejaimada Jesús ñi yávaiyede püeno baju. Aru caijävava

apevu ne ju aiyede püeno baju obedivü ju aivu nurejaimada na.

**Pablo ñi jáino decoboayure
Macedoniacacure**

⁶Ñai Espiritu Santo Pabljäre coyicõjemenezameða Jesús ñi yávaiye méne Asia ámicurijoborõi. Que baru vaidéjaimada na Frigia aru Galacia ámicurijoborõare. ⁷Misia ámicurijoborõ turavai ne eaiyede, nuiyuridurejaimada Bitinia ámicurijoborõi. Ûbenita ñai Espiritu Santo nuicõjemenezameða náre nore. ⁸Que teni Misia ámicurijoborõi vainí, émeni, earejaimada Troas ámicuríimaroí. ⁹Diñamimareca Pablo járejameða decoboainope cüinácu ñmu Macedonia ámicurijoborõcacure, núcure, jëniáñre úre, “Dajacu Macedoniai, caðatejacu ñujare”, ayure Pablore. ¹⁰(Lucas copurejaquemavu Pabljäre Troas ámicuríimaroí.) Que teni coreóvarejarcá Jümenijicu jarocuyure ñujare, coyuräjivu Macedonia ámicurijoborõcavure Jesús ñi yávaiye méne. Que baru no decoboinore járiburu yóboi, cüiná meaðarejarcá ñuja, nurajivu ne joborõi.

**Pablo Silamaque ne
bueino Filipocavure**

¹¹Etarejarcá jiaðocü uracüque Troas ámicuríimaroore jocarí. Jatarejarcá nurié pu Samotracia ámicurijavüita. Cõmiájävavü jatarejarcá pu Neápolis ámicuríimaroí. ¹²Nore jocarí, mái nurejarcá pu Filipos ámicuríimaroí. Javede Roma ámicurõ jaborõcavu barejáimada mamarumu ðaivu diimaroore. Aru põeva nore curivu Roma ámicuríimarcavure paivu barejáimada na. Cüinárocarõ joborõcarõ Macedonia ámicurijoborõcarõ aviá daino turvacarõ marejävüya no ïmaro urarõ. Obebejävava curejarcá noi.

¹³Aru judíovai jabuóvaujävavu sábadoi, nurejarcá ïmarore jocarí tuipävai. Judíova cõjijini cõmajidejaimada, jëniarajivu Jümenijicuque noi. Que baru voránurejarcá cüináro ne jëniainore.

Apevu nomiva cójživu barejáima tuipávai. Náque dobari, coyurejaca náre Jesús ñi yávaiye méne. ¹⁴Cüináco nácaco ñuje coyuyede jápiado, òi ámiá Lidia, Tiatira ámicuriimarocaco barejácoða. Meacajea ñemijuaricajea cuitótecajeare bojedaipóeco barejácoða ò. Mearore jívarejacoda Jümenijicure. Que baru Jümenijicu jápiarí adare ðarejaquemavu óre. ¹⁵Que teni ò aru òi cüramicavu máre jádovarejaima Jümenijicure ocoque. Dinumu yópe arí, cuturejaco ñujare òi cürami:

—Muja dápiavu baru yure jáve ju adore Jesúsre, cáradajará ji cürami, arejaco ò.

Aru pare jecurejaco ñujare. Que baru mautedejacará ñuja òi cürami.

¹⁶Apejávavu ñuje nuivede bediöva no jëniainoi, copurejaco ñujare cüináco yebacaco, abujucu ñi ímamo. Aru ò cãcoé namuódo marejaco ñai abujucu cue boje óre. Que teni òi jabova ívu barejáimada urarò táuturave, òi cãcoé namuóiyee boje pöevare aipe vaiquíyede náre. ¹⁷Ico yebacaco, yópe arí, coðoboborí are cuyo barejaco ñujara:

—Ina ñmuvarecabu memecaivu Jümenijicure, caivu püeno parucu bajure. Coyurádivu mujare aipe ðarí Jümenijicu meadacuyure mujare, ado barejaco ò.

¹⁸Obedijávava nopedeca are cuyo barejaco. Ubenita pare cárijovado marejaco Pablöre. Que baru copedini, arejame ñai abujucure:

—Jesúí paruéque cójeivu mure, etajacu óre jocarí, arejame.

Aru cüiná etarejaquemavu óre jocarí. ¹⁹Que teni òi jabova coreóvaivu ne táutura ímenajinora òi cãcoé namuóiyeeque, jënejaima Pablöre aru Silare máre. Náre jabuborejaima Roma ámicurò jaborócavui jabova yebai táibui. ²⁰Náre davaivu arejaima ina jabovare:

—Ina ñmüva judiövabu. Cárijovadama maje ímarocavure. ²¹Bueivübu ne ðarí cõmajiyede. Ubenita maja, Romacavu, yópe ðarí buojabevu. Maje ðaicõjeiye ðaicõjemevu majare yópe ne bueiyepe, arejaima na.

²²Que arí, caivu pöeva táibui cüvüvü maucüvarí búrejaima Pabljäre. Aru ina Romacavui jabova jadevaicõjenezaima Pabljäre ne doicajeare. Aru jara popeicõjenezaima náre jaraðoque.

²³Urarò jara popeniburu yóboi, ina Romacavui jabova nüvaicõjenezaima náre ámeina teivure jëni jacoñiami. Parurõreca coreicõjenezaima ñai diñamine coreipõecure náre, ne dupini nümenajiyee aivu. ²⁴Ne cójeiyede jápiavu, ñai coreipõecu epedejameda náre jëni jacoñiami jívu baji. Aru ne cubobare táinõrejameda jocuveaque.

²⁵Ñami corica joabeno baji Pablo aru Silas máre jëniavu barejáimada Jümenijicure. Yürüavu, mearore jívu barejáimada úre. Aru apevu buoimara náre jápiavu barejáimada. ²⁶Cüiná, joborò cújidejavüya pare. Aru diñami ámeina teivure jëni jacoñiami máre cújidejavüya pare. Que teni cüiná, caicobea diñami jedevacobea bajumareca vorejavüya. Aru caivu ina buoimara ne buoimea táumea cojodorí turejavüya náre. ²⁷Ñai coreipõecu coedarí, jedevacobea voaicobearé jári, “Buoimara etarãma”, arí dápiarejameda ñi baju. Que baru ñi boaicarovede duarí ñi, boacúyu barejameda ñi bajumia. (Buoimu ñi etaru, úre coreyure ñájine ðaicõjenezajuemavu buoimu mácuí ñájinope.) ²⁸Ubenita Pablo coðoboborí bujiéque arejameda:

—Boabéjacu mi baju. Jájacu. Caivu ñuja cuvü yui, arejameda Pablo.

²⁹Ñai coreipõecu davaicõjenu pëoinore, nore ñi, cúyarí, Pabljá yebai ecorí, bidini, morí turejameda ne cuboba yebai. ³⁰Nacajari, nüvarejameda Pablöre aru Silare máre nore jocarí. Aru jëniari járejameda náre:

—Muja, ji jabova, ¿aípe ðaji yu ji meatequinore? arejameda ü.

³¹Pabljá arejaimada úre:

—Jesucristore ju ajacu mü, mü aru mívu máre meadaimara marajiyépe ayu, arejaimada.

³²Que arí, coyurejaimada Jesús ñi yávaiye méne úre, aru caivu ñi

cūramicavure máre. ³³Dioramia, ñamimareca, ñai coreipöecu joarejameða ne churiáre. Aru cūina jáðovarejaimada úre aru caivu ñ jivure máre Jūmenijicure ocoque. ³⁴Pablore aru Silare máre ñvarejameða ñi cūrami. Jídeameða aiyede náre. Aru torojurejameða ñ jivūque, ñi ju aye boje Jesúre.

³⁵Cōmiájāravure javejīnara ina Romacavui jabova churaravare jaetovaicōjenejaimada Pabljāre. ³⁶Que teni ñai coreipöecu aridurejameða Pablore:

—Ji jabova yure jaetovaicōjema mujare. Que baru etajarā. Me ñujara muja cārijimevūva, aridurejameða.

³⁷Ūbenita Pablocapūravu arejameða ina churaravare:

—Iye Roma āmicurō jaboteino ðaicōjeiye ñājine ðaicōjemevu Romacavure ne āmeina teiyede jáðovaiyeta. Ñujavacari Romacavutamu ñuja. Ūbenita ñuje āmeina teiyede jáðovari buojabema ina jabova. Aru jáðovamevūva diede, jara popeicōjema ñujare caivu pōeva ne jáiyede. Aru buoma ñujare. Que teniburuta, jaetovaiyūma na ñujare yavenina. ¡Que āmevu! Nāvacarī darī jaetovajarāri ñujare yore jocarī, arejameða Pablo.

³⁸Ina churarava ne coyuiyede diede Romacavui jabovare, jidurejaimada ina jabova, ne coreóvayie boje Pabljā Romacavure. ³⁹Que baru āmeina teivure jēni jacoñami nuri, arejaimada Pabljāre:

—Chíoivubu ñuja, ñuje āmeina ðaiye báque boje mujare. Jēniaivubu mujare. Ārumetejarā diede, arejaimada.

Que arī, ñvarejaimada Pabljāre diñamine jocarī. Aru parūrōreca jēniaivu barejáimada náre, ne etarājīyepē aivu diīmarore jocarī.

⁴⁰Que teni Pablo aru Silas máre etarejaimada. Ñurejaimada Lidiai cūrami. Jāranuri Jesúre ju aipōevare, coyurejaimada, parure darājīvu náre ne ūmei. Aru coyūrīburu yóboi, etarejaimada na, Pablo aru Silas máre.

Tesalónicavū ne cārijini jorojīno Jesúre ju aipōevaque

17 ¹Pabljā vaidéjaimada Anfípolis āmicurīmarore aru Apolonia āmicurīmarore máre. Aru earejaimada Tesalónica āmicurīmaroi. Diīmaroi curejavūya cūinādami judío vai cójjijīñami. ²Noi Pablo ñurejameða yópe ñi ðarī cōmajīyepē yóbecurisumanareca jabuóvāijāravu sábadoi. Jūmenijicui yávaiyepē buedejameða nócavure. ³Coyurejameða náre Cristo ñi ñājīye báquede, aru ñi yayie báquede, aru ñi nacajīye báquede máre yainore jaruvārī. Caiye iye vaiye báque Cristore jaurejavūya, yópe Jūmenijicui yávaiyede coyuiye báquepe. Aru Pablo arejameða náre:

—Ñai Jesúvacari, ji coyuiñu, úrecabe Cristo, Jūmenijicui epeimū, arejameða ñ.

⁴Apevu nácavu judío va aru obedivu judío va āmevu mearore jīvu Jūmenijicure, aru apevu máre, obedivu nomiva jabova parurinomiva, ju arejaimada Jesús ñi yávaiye méne. Aru yóvarejaimada Pabljāre. ⁵Ūbenita apevu judío va jorojīnejaimada Pabljāre. Que baru cójjiovarejaimada obedivu ūmūva āmenare, tāibui nūrivure, mememevure, aru coðoboborī, bujini, cūyarī cārijovarejaimada caivu diīmarocavure, ne maucūvarājīyepē aivu Pabljāre. Ina judío va ne cójjiovaimaraque ñurejaimada cūinācu ūmū, ñi āmiá Jasón, ñi cūrami, Pabljā ne mauteiye boje úque. Voridurī Pabljāre, davaiyurejaimada náre jedevai. Cūramine tatorī voarī, ecorejaimada na. ⁶Aru náre eabeni, jabuborī Jasóre aru apevu Jesúre ju aipōevare máre, davarejaimada náre diīmarocavui jabova yebai. Yópe arī, coðoboborejaimada:

—Pabljā cārijovaðama pōevare caino jaborōi. Caride ðaðama maje īmaroi. ⁷Aru Jasón cuicōjeimi náre ñi cūrami. Caivu ina pueðabenama ñai Roma jaboteino jabocu ijāravūcacu pūeno baju parūcure. Ūi ðaicōjeiyepe ðabenama

na. Aru ađama, “Apecu jabocu jaboteibi ñujare, ũi amiá Jesúš”, arejaimađa ina obedivu pōeva ne jabovare.

⁸Apevu obedivu jápiaivu bácavu aru ina jabova máre, ne jápiaiyede diede, cārijini jorojinejaimađa na.

⁹Jícōjenejaimađa tātutare Jasójure. Aru tātutare ne jñiburu yóboi, jaetovarejaimađa náre.

**Pablo Silamaque ne
bueino Bereacavure**

¹⁰Maumejiena ñemié tuiyede nócavu Jesúre ju aipōeva jarorejaimađa Pablora aru Silare máre Berea āmicuriĩmaroi. Ne eaiyede nore, nurejaimađa judío vai cójjiñami. ¹¹Nócavu judío va Tesalónica āmicuriĩmarocavu judío va pñeno meara, jápiaiyurejaimađa Jesúš ũi yávaiye méne. Jārvava coapa bueivu barejáimada Jūmenijicu yávaiyede. “¿Jāve márica die?” arī majiyurejaimađa nócavu Pabljā ne bueiyede. ¹²Que baru obedivu nácavu ju arejaimađa Jesúš ũi yávaiye méne. Ne jēneboi curejaimađa judío va āmevu, nomiva parurinomiva aru ũmva parurivu máre. ¹³Ūbenita Tesalónica āmicuriĩmarocavu judío va jápiaivu bácavu Pablo ũi coyuiyede Jūmenijicu yávaiyede Berea āmicuriĩmarocavure, nurejaimađa noi, cārijini jorojñajivu obedivu pōeva nócavure. ¹⁴Maumejiena nócavu ju aipōeva jarorejaimađa Pabljāre jia ũrađa écarui. Ūbenita Silas Timoteomaque mautedejaimađa Berea āmicuriĩmaroi. ¹⁵Pabloi yóvaimara nurejaimađa ũque pu Atenas āmicuriĩmaroi. Aru ne copainurajiyē jipocai nore jocarī, Pablo náre coyucōjenejameđa Silare aru Timoteore máre, yópe arī: “Dajarāri ji yebai maumena”. No yóboi, copainurejaimađa Berea āmicuriĩmaroi.

**Pablo ũi bueino Atenacavure
(Hch 8.47)**

¹⁶Pablo ũi coreiyedeca Silare aru Timoteore máre ne earājiyede, pare chíorejameđa ũi jáiye boje obedivu

pēpeimarare diĩmaroi. ¹⁷Que baru yávale cuyu barejámeđa judío vai cójjiñami judío vaque aru judío va āmevu Jūmenijicure mearore jívunque, aru ina tāibui cójjiñunque. ¹⁸Apevu bueivu Epicúreo bácui yávaiye báquede, ne yajubo epicúreo āmicuriyajubo, aru apevu bueivu Zenón mácui yávaiye báquede, ne yajubo estoico āmicuriyajubo, yávarī búrejaimađa na Pabloque. Apevu nácavu arejaimađa ne bajumia:

—¿Aipe ayu barĩduidi ñai bueipōecu majibecu? arejaimađa.

Aru apevu arejaimađa:

—Bueyu bajubí apevu ne jūmenijinare, arejaimađa.

Yópe arejaimađa Pablo ũi bueiye boje Jesúš ũi yávaiye méne aru pōeva ne nacajiyede yainore jaruvarī.

¹⁹Que teni Pablora jēni nuvari ne cójjiñinoi Areópago āmicurō, arejaimađa ũre:

—Majiyuvu ñuja iye boro mamaene mi coyuiyede. ²⁰Mu bueyubu ñuje majibede cāreja. Que baru coreóvayuvu aipe aino mi bueinore, arejaimađa Pablora.

²¹Que baru caivu ina Atenas āmicuriĩmarocavu aru apenoacavu máre nore curivu cainmua cójjiñi barejáimada, borotenjivu apavure ape boro mamaene ne jápiaino mácarōre aru jápiarājivu apevu ne boro mamaene ne jápiabede cāreja. ²²Que teni Pablo núcu Areópago āmicurō cójjiñinoi, yópe arī, yávarejameđa ina cójjiñocavure:

—Muja, Atenacavu, jáivu yu mujare mearore jívure obedivu jūmenijinare.

²³Ji vaiyede muje jūmenijina curōi, jáivu yu cūináro jūmenijinare jícaiyede juainore, yópe toivaiye curōre nora: “Yo jícaiyede juainomu ñai jūmenijicu ñuje majibemure”, arī toivainomu. Ñai jūmenijicu muje mearore jímure coreóvabevureca, ũrecabe ji coyumu mujare caride. Jūmenijicutame ũ.

²⁴Ūvacari cuederejaquemavu ijārvure, caivu yócvure, aru yore cuede máre. Que baru ũvacari cavarō mearocavure jabocu aru ijārvucavure máre

jabocutame ũ. Que teni évacari cubebi cūramia pōeva ne ðaĩñamia jívui. ²⁵Aru pōeva caðateimu ãmemi Jūmenijicu, úre caiye jaube boje. Quénora évacari apure ðayube caivure, ũmene epeyube majare, aru caiye jauéde máre jýube majare.

²⁶Mamarumure Jūmenijicu cuedarejaquemavu cūinácu pōecure aru caivu pōeva ijāravucavu, caiyajuboacavu, ũi pāramenatamu. Aru cūma na caino joborōi. Jūmenijicui cuedaie baquiyé jipocai, majidejaquemavu ũ caiyajuboa pōeyajuboare ne curājínore, aru ne pōeteijāravure, aru ne yaijāravure máre. ²⁷Jūmenijicu cuedarejaquemavu pōevare, maje vorí, earí, ju arājiiyepe ayu úre. Que baru Jūmenijicu cubi joabejinoi maje yebai, majare coapa. ²⁸“Évacari apure ðayube majare, vaiváre ðayube majare, aru cure ðayube majare máre”, arejameða apecu. Aru yópe apevu mujacavu toivaipōeva mácavu arejaimaða: “Jāve caivu maja Jūmenijicui cuedaimaramu yópe ũi pāramenape”, arí toivarejaquemavu. ²⁹Que baru maja jāve Jūmenijicui pāramenape paivu baru, dápaiye buojabevu maja Jūmenijicure ārojacure yópe pēpeimū úruque aru plataque aru cūraboaque ðaimure, pōeva ne ðaimū mácure ne pūguáque aru ne majiéque. Jūmenijicu nópe ãmemi.

³⁰Javede Jūmenijicu ñájine ðabedejaquemavu pōevare, bojeðayū ne ãmeina teiyede, ne ðaie báquede cāreja majibe boje. Ubenita caride caivu pōevare caino joborōcavure ðajocaicōjeñume maje ãmeina teiyede, maje chīori oatūvarājiyepe ayu maje ðaiyede. ³¹Jūmenijicu beorejaquemavu pōeva ne ðarājiiyede yópe, ũi ñájiovaquijāravu baquinóre náre. Ānijāravu baquinói Jūmenijicu ñájine ðacuyume caivu pōevare, ne ãmeina teiye boje, ũ ārumetebecu baru cāreja ne ãmeina teiyede. Aru cūinácu ũmū, Jūmenijicui epeimū mácu, ðacacuyume diede Jūmenijicure. Aru Jūmenijicu jāve jáðovaquemavu ñai ũmure, ũi

epeimū mácure, caivu pōevare, maje majinajiiyepe ayu úre Jūmenijicui nacovaiye báquede yainore jarūvarí, arejameða Pablo náre.

³²Ne jápaiiyede úre coyuyure pōescui nacajiiyede yainore jarūvarí, apevu nácvu yuridejaimaða úre. Ubenita apevu arejaimaða:

—Ñuja jápaiiyuvu mi coyuyuyede diede bediova cojedeca apejāravure, arejaimaða.

³³Que baru Pablo nurejameða cójjjinore jocarí. ³⁴Apevu pōeva yóvarejaimaða úre. Aru ju arejaimaða Jesúre. Cūinácu náccacu, ũi ãmiá Dionisio, Areópago āmicurō cójjjinocacu barejameða ũ. Apeco máre, Dámaris āmicurejacoda. Aru apevu máre curejaimaða náque.

Pablo ũi bueino Corintocavure

18 ¹No yóboi, Pablo etarejameða Atenas āmicurímarore jocarí. Aru nurejameða Corinto āmicurímaroi. ²Noi copurejameða cūinácu judfore, ũi ãmiá Aquila. Roma āmicuríjaborōcavure jabocu ijāravucacu pueno baju parucu, ũi ãmiá Claudio, jipocamia nuicōjenejameða caivu judfóvare Roma āmicurímarore jocarí. Que baru Aquila etarejameða nore jocarí, Italia āmicuríjaborōre jocarí, jímarepacomaque, ōi ãmiá Priscila. Aquila Ponto āmicuríjaborōcacu barejameða ũ. Mamarumure earejaimaða na Corinto āmicurímaroi. Aru Pablo jácunurejameða náre ne yebai. ³Aquilajā āimara cajeáque cūramiare nareni, ðarí, bojeðarí memenejaimaða na. Aru Pablo máre nopedeca memenejameða ũ. Que baru náque curejameða. ⁴Caisumana coapa judfóvai jabuóvajāravu sábadoi, Pablo bueyu barejameða judfóvai cójjjiñami jívui. Jáðovaiyurejameða judfóvare aru judfóva ānevure máre ũi bueiyede jāve, ne ju arājiiyepe ayu diede.

⁵Aru Silas Timoteomaque ne eaiyede Pablo yebai, Macedonia āmicuríjaborōre jocarí, Pablo dajocarejameða ũi

memeinore. Quénora coyure cuyu barejámeđa iye yávaiye me matuiyeda, yópe arí judíovare:

—Jesúvacari Cristobe. Úrecabe Jūmenijicui daroimū mácu, arejameđa ũ.

⁶Na ũi yávaiyede ju abevu, aru úre maucūvarivū, aru āmeina ne yávaiye úre máre, ne nópe đaiye boje, Pablo pūpedejameđa ũi doicajede, ne majinajiyere ayu dajocacuyū náre. Aru arejameđa:

—Coyuyubu yu Jūmenijicui yávaiye méne mujare. Ūbenita mujavacari jápiabevu. Jūmenijicui daroimū mácure, meadaipōecure, ju abevu muja. Que baru Jūmenijicu ārumetebecuyume muje āmeina teiyede. Que baru mujavacari muje bajuma bíjauvū muja járavu cūiméjáravu baquinóre. Quénora nájinajaramu toabo cūiméboi. Yúcapūravu cadateni buojabevu mujare. Que baru dajocayubu mujare caride. Coyucūnquijivū iye yávaiye méne judíova ānevure, arejameđa Pablo ina judíovare.

⁷Que arí, dajocarejameđa náre. Diimaroi cūrejameđa cūinácu ũmu, judíova ānevucacu, ũi āmiá Tito Justo. Ju ayu barejámeđa Jūmenijicure. Ūi cūrami judíovai cójijiñami tucavai cūrejavūya. Aru Pablo cucūnurejameđa ũi cūrami. ⁸Apecu máre cūrejameđa, cūinácu judío, ũi āmiá Crispo. Judíovai cójijiñamine coreipōecu barejámeđa ũ. Nái ũmu ũ jivūque aru apevu obedivū Corinto āmicuríimarcavu Jesús ũi yávaiye méne jápiare cuivū, ju arí diede, jáđovarejaimada Jūmenijicure ocoque.

⁹Cūināñamine Jūmenijicu coyurejameđa Pablōre yópe decoboainope. Arejameđa úre:

—Jidubejacu ina ũmūvare. Bueni dajocabejacu ji yávaiye méne. Bi abejacu mu. ¹⁰Yúvacari cadateivū mure. Nāme āmeno đabenama mure, ji cuvae boje obedivū pōevare diimaroi, arejameđa Jūmenijicu Pablōre.

¹¹Que baru Pablo mautedejameđa noi cūinájū coricai, buede cuyu nócvare Jesús ũi yávaiye méne.

¹²Ūi bueiyedeca noi, Acaya āmicuríjjoboróre jabotedejameđa Galión. Aru caivū nócvu judíova maucūvarejaimada Pablōre. Que teni apevu nácavu úre jēni nūvarejaimada jabocu yebai. ¹³Aru arejaimada nái jabocure:

—Nái ũmu bueibi pōevare, ne mearore jínajiyede Jūmenijicure yópe đaicōjemepe, arejaimada.

¹⁴Pablo yávacuyū barejámeđa. Ūbenita Galión arejameđa ina judíovare:

—Muja, judíova, cārijovamejara yure. Nái ũmu jaboteino đaicōjeiyepere ũi đabedu o āmeina tedu, yu jápiajebu muje coyuiyede. ¹⁵Ūbenita muja jorojívubu nái ũmure, ũi bueiye boje aru ũi đabe boje muje đaicōjeiyede. Que baru mujavacari meadajarā diede. Yúcapūravu nájine đabecuyumu úre, arejameđa ina judíovare.

¹⁶Que arí, jaetovarejameđa náre nore jocarí. ¹⁷Que teni ina judíova ānevū jēnejaimada Sóstene, judíovai cójijiñamine coreipōecure. Jara popedejaimada úre nái jabocu ũi jáinoi. Ūbenita Galiócapūravu jámecupeda yéde đabedejameđa ũ.

Pablo ũi copaino Antioquíai aru ũi jácūnūino bedíova cojedeca, coyucuyū Jūmenijicui yávaiyede

¹⁸Obedijāravūa Pablo mautedejameđa Corinto āmicuríimaroí Jesúre ju aipōevaque. Ūi etaiyede nore jocarí, Priscila aru Aquila máre yóvarejaimada úre. Nūrejaimada Cencrea āmicuríimaroí. Nore Pablo buraicōjenejameđa ũi pođare, jáđovacuyū ũi jebeiyeđe “Yópe đacacuyumu yu” ũi aino mácaróre Jūmenijicure. No yóboi Pablo, Priscila, aru Aquila máre jiađocū uracūi jaturí, etarejaimada Cencrea āmicuríimaroí jocarí. Dicū nūquicū marejávūya pu Siria āmicuríjjoboróita. ¹⁹Ūbenita Pablōjā jatarejaimada pu Éfeso āmicuríimaroí. Ne eaiyede noi, Pablo dajocarí Priscilare aru Aquilare máre, cūinácvu nūri, ecorí judíovai cójijiñami, coyurejameđa

nócvav judíovare. ²⁰Aru nácavv jēniarejaimada úre, ũi mautequiyepe aivv náque obedijāravva. Ūbenita Pablo ju abedejameda náre. ²¹Quénona ũi etaiyede náre jocarī arejameda:

—Nūquijivv Jerusalén āmicurīimaroi torojuve teinmure. Ūbenita yure Jūmenijicv ũi daroru, copaidacuyv yv mūje yebai cojedeca, arejameda náre Pablo.

Que arī, jiadocū vracūi jaturī, nurejameda Éfeso āmicurīimaroe jocarī.

²²Jatarī pū Cesarea āmicurīimaroi, nore jocarī mái mari nurejameda pū Jerusalén āmicurīimaroi, jacyvuyv Jesúre ju aipōevare noi. Aru nore jocarī, ēmeni nurejameda pū Antioquía āmicurīimaroi cojedeca. ²³Apejārvuare svrejameda nore. Ū etayv bācv nore jocarī, vaidējameda caino Galacia aru Frigia āmicurījborōai. Īmaroa coapa vaidé nuri, Jesúre ju aipōevare coyure cuyv barejameda ũ, parure dacuyv náre ne ũmei.

Apolos ũi coyvino Éfesocavure

²⁴Cūinācv ũmū judíovacacv, Alejandría āmicurīimarocacv, ũi āmiá Apolos, earejameda Éfeso āmicurīimaroi. Me coyurejameda pōevare. Aru me majidejameda Jūmenijicvī yāvaiyede máre. ²⁵Ūtubecvva buedejameda me Jesús ũi yāvaiye méne. Ūbenita quénona Juan Bautista bācv ũi bueiyyede aru ũi jáđovaiyyede pōevare Jūmenijicvure ocoque majidejameda. ²⁶Jidubecv coyurī bārejameda parurōreca judíovai cōjijiñami jívvi. Priscila aru Aquila máre jápiaivv ũi coyuiyyede, nūvarejaimada úre pōevare jocarī, buenajivv úre caiye Jūmenijicvī yāvaiye méne. ²⁷⁻²⁸No yóboi, Apolos jatarī nuiyurejameda Acaya āmicurījborōi. Que baru ina Éfeso āmicurīimarocavv Jesúre ju aivv Apolore cadateiyurivv, nācavv toivarejameda paperayocare ina Acaya āmicurījborōcavv Jesúre ju aivvure, ne jacopurājiyyepe aivv Apolore ũi eaiyyede ne yebai. Aru ũi eaiyyede noi, caivv pōeva ne jáinoi

parurōreca coyurejameda judíovare. Jáve jáđovarejameda náre Jūmenijicvī yāvaiyyeque Jesúreca Cristore, Jūmenijicvī epeimv mácvre.

Pablo ũi bueino Éfesocavure

(Mt 3.11; Mr 1.4, 7-8; Lc 3.4, 16; Jn 1.26-27)

19 ¹Apolos ũi cvede Corinto āmicurīimaroi, Pablocapūravv mái nuri, cūracūare jatarī vainí, earejameda cojedeca Éfeso āmicurīimaroi. Noi copurejameda apevv Jesúre ju aipōevare. ²Náre yópe arī jēniari járejameda:

—¿Jesúre mamarv mūje ju aiyede, Espírиту Santore jacopurārv mūja? arejameda Pablo.

—Nūja ye jápiabev vñai Espírиту Santo cvcvre, arejaimada na.

³Ne que arīburu, Pablo jēniari járejameda náre:

—¿Ye batearī mūje jáđovaiye báque Jūmenijicvure ocoque? arejameda Pablo.

—Juan Bautista bācv ũi jáđovaiye báquepe jáđovaima Jūmenijicvure ñujare ocoque, arejaimada Pablöre.

⁴Aru Pablo arejameda náre:

—Juan Bautista bācv jáđovaquemavv ina pōeva chōivvure ne āmeina teiye boje ne đaiyyede oatvavvure. Aru náre coyquemavv, yópe arī: “Dacuyvme ji yóboi cūinācv, ji pveno parvcv, Jūmenijicvī daroquimv. Ju ajarā úre”, aquemavv Juan Bautista bācv. Aru Jesúreca batequémavv dacuyv ñai Juan Bautista bācv yóboi, arejameda Pablo náre.

⁵Diede jápiaivv bācavv, jáđovarejaimada Jūmenijicvure ocoque, ne Jesúre ju aiye boje, ũ jina márājivv.

⁶Dinumvma Pablo ũi tuoiyyede ũi pvrūáque náre coapa ne jipovurā, jacopurejaimada ñai Espírиту Santore. Que teni yāvarejaimada apacamua yāvāicamua ne majibecamuaque. Aru Jūmenijicvī yāvaiyyede coyvarejaimada na. ⁷Doce pavv ũmva marejaimada na.

⁸Yóbecurā aviáva baju Pablo návarejameda ne judíovai cōjijiñami.

Jidubecava coynyu barejámeđa parurõreca, ne majinajipepe ayu jãve ũi coyniyede Jũmenijicui jaboteino borore. ⁹Ūbenita apevu, ũi yãvaiyede jãpiayubevu aru ju aiyubevu, ãmeina yãvarejaimađa Jesúi bueciõjeiyede caivu ina judíova cójjivũ ne jáiyede. Que baru Pablo dajocarejameđa náre. Aru nuvarejameđa ina Jesúre ju aipõevare ũque. Caijãravua coynyu barejámeđa põevare apedãmi, Tirano ãmicucu ũi bueiñami. ¹⁰Nópe ðayũ barejámeđa pũcaũja baju. Que teni caivu põeva Asia ãmicurijoborõcavu, judíova aru judíova ãmevu máre, jápiarejaimađa Jũmenijicui yãvaiye méne.

¹¹Jũmenijicui Pablõre ðare ðarejameđa urarõ põeva ne ðarĩ majibede. ¹²Que baru ũi doicajeare nuvaivu barejámeđa ijimarare. Aru ne tuoiyede ðicajeare meatedejaimađa na. Abujuva máre etarejaimađa náre jocarĩ.

¹³Apevu judíova, yaviéde ðaivu, cuivu ïmaroa coapa jaetovaivu barejámeđa abujuvare põevare jocarĩ. Jaetovaiyuridurejaimađa abujuvare Jesúi paruéque máre. Que teni arejaimađa cũinãcu abujucure:

—Ðaicõjeivu mũre, Pablõ coynimũ Jesús ũi paruéque, etajacu mũ ñai ũmũre jocarĩ, arejaimađa.

¹⁴Ina yaviéde ðaivu siete paivu ũmũva, cũinãcu ũmũi mára marejámeđa na. Népacu cũinãcu judío vai sacerdotevare jaboteipõecu barejámeđa, ũi ãmiã Esceva. ¹⁵Ūbenita ñai abujucu arejameđa náre:

—Jesúre majivu yu. Aru Pablõre máre majivu yu. Ūbenita mũjare ye majibevu yu, arejameđa náre ñai abujucu.

¹⁶Que arĩ, ñai ũmũ, abujucu ũi ïmamũ, jiejecucu ne pũenoĩ biararĩ, jara popeni, ne cuitõtecajeare jaðevarĩ, jaetovarejameđa náre cũramine jocarĩ. Que teni cúvarejaimađa cũramine jocarĩ na coapa, churiã curivu aru cuitõtecajea cubevũva. ¹⁷Aru caivu Éfeso ãmicurĩmarocavu, judío va aru judío va ãmevu máre, jápiarejaimađa iye Escevai márai borore. Que baru pare

jidurejaimađa ina caivu. Aru pũeno baju mearore jídejaimađa Jesúre, ũi parué boje.

¹⁸Obedivu põeva, Jesúre ju aivu caride, caivu ne jáiyede coynrãearejaimađa ne ãmeina teiye báquede, Jesúre ne ju arãjiye jipocai.

¹⁹Obedivu nãcavu, yaviéde ðaivu bãcavu ne yaviéde bueitucuboare davarĩ, juarejaimađa caiye ditucuboare caivu põeva ne jáiyede. Aru ne corevaiyede aipino bojecurõ ditucubo na éitucuboa báquede, cincuenta mil paiturava tãuturatũrava me bojecuriturava bojecurõpe baju bojecurejavũya. (Cũinãturũbu quince paivu memei põeva ne memeiye boje caipũcarũrape paiũjuare.)

²⁰Yópe parurõque caijãravua ðarĩ jáðovaiyede apevu obedivu põeva jápiaivu Jũmenijicui yãvaiye méne, ne ju aiyede pũeno baju obedivu ju aivu nurejaimađa na.

²¹Que teniburu yóboi, Pablo arĩ dápiarejameđa: “Vainĩ nuquijivũ Macedoniare aru Acayare máre. Que teni nuquijivũ Jerusaléne. Aru no yóboi, nuiye jauvu yũre Romai”, arĩ dápiarejameđa Pablo. ²²Que baru jarorejameđa pũcarã ũi yóvaimarare, Timoteore aru Erastore máre, ne nurajipepe ayu ũi jipocai Macedonia ãmicurijoborõi, ũi mauteiyedeca apejãravũare Asia ãmicurijoborõi.

Éfescavu ne cãrijini jorojĩno Jesúre ju aipõevaque

²³Dinũmũreca obedivu Éfeso ãmicurĩmarocavu jararejaimađa Pablõre, ũi bueiye boje põeva ne ðarãjiyede yópe Jesúi urõpe. ²⁴Cũinãcu ũmũ, nócacu, ũi ãmiã Demetrio, tãure memei põecu barejámeđa ũ. Ðarejameđa tãuque quĩjĩnamia cũramiare yópe ico jũmenijico õi ãmiã Artemisa õi cũrami uraðãmipe paiñami, ðarĩ bojedacuyũ ðĩnamiare põevare. Urarõ tãuturare ïnejameđa ũ ðĩnamia boje. Aru apevu Demetrio memecaipõeva máre urarõ tãuturare ïnejaimađa

na, ne memeiye boje. ²⁵Que baru Demetrio cójijovarejameđa caivũ úre memecaivũre aru caivũ apevũ nócvũ máre ne memeiyepe paiyede đaiivũre. Cójijivũ caivũ, Demetrio arejameđa náre:

—Muja, ji yóvaimara, mujavacari majivũ maje me curõre maja coapa iyede maje memeiye boje. ²⁶Ñai Pablöre jári jápiaivũbu muja. Buede cuibi pöevare, yópe arí: “Pêpeimara pöeva ne đaimara jũmenijina âmema”, arí bueibi ù. Obedivũ pöeva yui, Éfesocavũ, aru caino Asiavũ máre, ju adama ùi bueiye. ²⁷Yópe ne ju aino jidojavũ majare. Maje memeiyo bĩjaquijichũvũ. Aru iñami jũmenijico Artemisai cũrami máre diñamine yávaino mácarõ, bĩjaquijichũvũ. Nópe vaidú, pueđarí đajocarãjarama õre, aru âmema járajarama õi paruéde caivũ Asiavũ aru caino joborõacavũ máre, arejameđa Demetrio.

²⁸Ëi yávaiyede jápiaivũ, ina obedivũ pöeva jaraiivũ codoboborí búrejaimađa: —Artemisa, ñuja Éfesocavũre jũmenijico meaco bajube õ, codoboborí arejaimađa na.

²⁹Que teni obedivũ pöeva, caivũ ïmarocavũ, cãrijini jorojinejaimađa. Cúyarí nurí, pũcarã Pablo ùi mái darí yóvaimara mácvũre, ne amiá Gayo aru Aristarco máre, Macedoniavũre, jëni jabuborí ecovarejaimađa ïmarocavũ cójijino urarõ curõi. ³⁰Pablocapũravũ coyucũnrĩdurejameđa no cójijinoi. Ëbenita nócvũ Jesúre ju aipöeva nuicõjemenejaimađa úre. ³¹Aru apevũ máre, Asia âmĩcurõ jabova, Pabloi yóvaimara, boro jarorejaimađa, jëniarajivũ úre ùi ñumequiyepere aivũ no cójijinoi. ³²Que teiyedeca, apevũ ina cójijinocavũ codobobovũ barejáimada. Cũináyajubo apei ne aiyeđe, apeyajubo máre apeita ávarejaimađa na. Que teni ina cójijivũ coreóvabevũ obedivũ jëniari járejaimađa ne baju, “¿Aipe teni dari maja yui?” arejaimađa na, majibevũ. ³³Ëbenita ina judío va coyurejaimađa Alejandrove aipe vaiyede. Aru núvarejaimađa úre caivũ ne jáinoi,

ùi coyũquiyepere aivũ náre, “Caiye iyede jacotũcũyumu judíovare”. Que teni Alejandro ùi pũrũque jádovarejameđa, ne bi arãjiyepere arĩduyũ. ³⁴Ëbenita na majidivũ ù máre judíore, pũcaora baju codobobovũ barejáimada na cojedeca:

—Artemisa, ñuja Éfesocavũre jũmenijico meaco bajube õ, codoboborí arejaimađa na.

³⁵Quénora Éfeso âmĩcurĩmarocavũre jabocu bi aicõjenejameđa ina pöevare. Aru arejameđa náre:

—Muja, Éfesocavũ, jápiajarã ji yávaquiyede. Maja, Éfesocavũ, jári coreivũbu ico jũmenijico Artemisa, meaco baju, õi cũramine aru õi cũraborre máre, cavarõre jocarí tuibo bácarõre, caivũ pöeva ne mearore jĩbore. Aru caivũ pöeva majima dieđe. ³⁶Pöecu cubebi buojarí ju abecu dieđe. Que baru mujacapuravũ bi ajarã muja. Đabejarã ãrũmevũre. ³⁷Muja davađavũ ina pũcarã ùmũvare yui. Ëbenita jũmenijina cũramia cuvede ñavamema na. Aru âmema yávabema maje jũmenijicore máre. ³⁸Que baru Demetriojã boro coyũrĩ adaiyũrivũ baru, boro coyũrĩ adarãñujarari na jabova ne âmema teivũre jëniari jáiñami. Noi âmema teivũre jëniari jáipöecu cubi ù. Ëi jáinoi boro coyũrĩ adajarãri na. ³⁹Muja apejĩene urivũ baru, coyũiye javũvũ noi, ïmarocavũ ne cójijinoi yópe maje đaicõjeiyepere. ⁴⁰Me đajarã. Jidojavũ majare ina Romacavũ jabova coyũrĩ adarí yávarãjivũre majare yópe maucũvarivũre, maje coyũrĩ majibe boje aipe teni buinore yo maje urarõ codoboboinore, arejameđa ñai jabocu ina pöevare.

⁴¹Que yávarĩburu yóboi, “Quénoramũ. Nujara muja muje cũramia coapa”, arejameđa náre.

**Pablo ùi nuino Macedoniai,
Greciai máre**

20 ¹No codoboboino mácarõ cũiyede, Pablo daicõjenejameđa ùi yebai ina Jesúre ju aipöevare, majicacũyũ náre. Aru “Nuñũmu”

arí, dajocarejameđa náre, нсчүи Macedonia ámicurijoborõi. ²Û vaiváyu no joborõre bueyu barejámeđa nócvare, cadatecyu náre. Que teyu, earejameđa Grecia ámicurijoborõi. ³Mautedejameđa noi yóbecurá aviáva baju. Jatacyu barejámeđa Siria ámicurijoborõi. Ûbenita coreóvarejameđa úre ùi nuquiyedeca jiadócu uracúque apevu judíova boarí jaravarájivure úre. Que baru jatubedejameđa dicúi. Quénora mái nuri, vaidéjameđa Macedonia ámicurijoborõi bedíova cojedeca. ⁴Aru apevu yóvarejaimada úre, ne ámiá Sópater, Pirroi mácu, Berea ámicuríimarcacu; Aristarco aru Segundo máre, Tesalónica ámicuríimarcavu; Gayo, Derbe ámicuríimarcacu; Timoteo; aru Tíquico, Trófimo máre, Asia ámicurijoborõcavu. ⁵Ina Jesúre ju aipõeva ñuje jipocai nuri, coredejaima ñujare Troas ámicuríimaroí. ⁶Páure bucure daiye cube áiye torojuve teinumu yóboi, ñuja jatuiavu jiadócu uracúi etarejacadá Filipos ámicuríimarcare jocarí aru cüinápurupe pajárvava yóboi tuijarejacadá Troas ámicuríimaroí. Aru curejacadá nore cüinásumana.

Pablo ùi jácunúino Troacavure

⁷Domingo járvavi Jesúre ju aipõeva cójijidejacadá, ári úcurajivu, árvurajivu Jesúi yaiye báquede. Aru etarájivu barejacadá cómiájárvavure. Que baru Pablo coyuyu barejáme náre joe ñami corica bajita. ⁸Cójijidejacadá puenocatucubu jívui aru ure pëoibua pëorejavú. ⁹Cüinácu bojuyo, ùi ámiá Eutico, dobarejame jáicobei. Pablo ùi urarõ coyuiyedeca, vno ijidejavú ñai Euticore. Cári nurejame ù. Aru cãñu, turejame jáicobede jocarí pu joborõita. Yóbecuriva curaivare vainí turejame ù. Apevu úre jënejaima, jave yaiyú bácuta. ¹⁰Ûbenita Pablo jõðari yaiyú bácuí baju bácarõre tucunuri, nariõñu arejame apevure:
—Cuecumamejara. Apucube cojedeca, arejame Pablo.

¹¹⁻¹²Dinumu Pablo copaini nuri nurejame puenocatucubui cojedeca. Ñai bojuyore nuvarejaima apucure. Aru torojurejaima, úre meadaíye boje. Pablojá páure cotuvári, árejacadá. Ári bujarí Pablo borotedejame náque joe baju miadáe tuiyeta, ñuje etaiyeta. Que teniburu yóboi, nurejacadá ñuja.

Pablo ùi nuino Miletoí, Troare jocarí

¹³Pablo nuicõjenejame ñujare jiadócu uracúque Aso ámicuríimaroí ùi jipocai. Ûcapúrvavu mái нсчүи barejáme, corucuyu ñujare noi. ¹⁴Que teni ñuje coruiyede Aso ámicuríimaroí, Pablo jatujame ñujaque. Aru nurejacadá Mitilene ámicuríimaroí. ¹⁵Cómiájárvavui Mitilene ímarore jocarí, jatarí nuri earejacadá Quío ámicurijivavu cóchinoi. Bedíova cómiájárvavui jatarí nuri, tuijarejacadá Samos ámicurijivavu tuipávai. Jatarí nuri Troguilio ámicuríimaroí, jabuóvarejacadá noi. Aru cómiájárvavui jatarí nuri, earejacadá Mileto ámicuríimaroí. ¹⁶Pablo eaiyurejame Jerusalén ámicuríimaroí Pentecostés torojuve teijárvavu jipocai. Que baru jatarí nuri, vaidéjacadá Éfeso ámicuríimarcare jocarí, Pablo ùi mauteiyube boje Asia ámicurijoborõi.

Pablo ùi yávaino Éfesocavu ju aivure coreipõevare (2 Ti 4.7)

¹⁷Ûi cuede Mileto ámicuríimaroí, Pablo boro jarorejame Jesúre ju aivure coreipõevare Éfeso ámicuríimarcavure, ne darájipeye ayu ùi yebai. ¹⁸Ne edaiyede ùi yebai, arejame náre:
—Mujavacari coreóvaivubu aipe cücure yu muje jëneboi mamarumure ji daiyede Asiai pu caride máre. ¹⁹Cainumua cátecacu yu muje jëneboi Jesúre memecayu, dápiabecu ji baju apevu pueno meacupe, aru oyu ji ñájiyede judíova ne ámedaiyue boje yure. ²⁰Jidabecu coyuyu batecácu mujare caiyede, cadatecyu mujare. Bueyu batecácu Jesús ùi yávaiye méne muje cójijíñamiai aru muje cüramia

coapa. ²¹ Parurōreca coyuyū batecácu judíovare aru judíova ãnevure máre: “Chíojara mŭje ãmeina teiyede. Oatuvajarã mŭje ðaiyede. Aru ju ajarã Jesús ũi yávaiye méne”, arí coyuyū batecácu yu. ²² Aru caride, ñai Espírítu Santo nuicōjeimi yure Jerusaléi. Majibevu yu aipe yure vaiquýyede noi. ²³ Quénora ñai Espírítu Santo majide ðaibi yure yópe: Cainoa ímaroai ji nuquinoai pōeva coreðama yure. Nájine ðarājarama yure. Aru apenũma buorājarama yure ãmeina teivure jēni jacoñiami. ²⁴ Ūbenita ye baquinó ãnevū yure cūcure ijāravure. Quénora ðaiyuvu mearo iye memeyede, Jesús ũi ðaicōjeiyede yure pu ji buojaiyeta diede. Coyūiyuvu caivure iye yávaiye méne Jūmenijicui urarō mearo ðacaiyede pōevare, ũi meadaquiyeye ayu náre.

²⁵ Jápíajarã. Coyucunucacu iye yávaiye méne Jūmenijicui jaboteinore mŭje jēneboi. Ūbenita coreóvaivu yu mŭja jámenajivure yure cojedeca ijāravure. ²⁶ Que baru coyūivu yu mŭjare caride yópe: Mŭjavacari mŭje bajuma bíjaru jāravu cūiméjāravu baquinóre, yúcapūravu cadateni buojabevu mŭjare. Jave ðacavu yu mŭjare caino ji oainope. ²⁷ Jidubecu bueni buojacacu yu mŭjare me caiye iye Jūmenijicui yávaiyede. Ye ãrumetebevū yu caiye diede. ²⁸ Me ðajarã mŭja. Ñai Espírítu Santo mŭjare járī corede ðaibi caivu Jesúre ju aipōevare. Que baru me corejarã náre yópe ovejavare coreipōecu ũi coreiyeye. Caivu Jesúre ju aipōeva Jūmenijicu jinatamu na, Jūmenijicui mácu, Jesús, ũi yaicáiyē báque boje náre. ²⁹ Coreóvaivu yu ji etarīburu yóboi mŭjare jocarī, apenvu ðarājivure mŭje jēneboi yópe ãimara macarōcavu jijecurivu ne daiyeye ovejava jēneboi. Borocurājarama mŭjare, mŭje dajocarājiyeye aivu mŭje ju aiyede Jesúre. ³⁰ Aru apenvu mŭjavacavvacari borocurivu buebenajarama jāvene. Quénora jujovarājarama Jesúre ju aipōevare, mŭje dajocarājiyeye aivu mŭje ju aiyede Jesúre aru mŭje

yóvarājiyeye aivu náre. ³¹ Que baru me jájara mŭja. Ārūjara iye yóbecurijua jāravure aru ñamine máre urarō ji orī majicavaquede caivu mŭjare.

³² Yu jēniañũmu Jūmenijicure, ũi járī corequiyeye ayu mŭjare. Aru yávaiye me urarō mearo ðacaiye cadatequiyebu mŭjare. Que baru parure ðaquiyebu mŭjare mŭje ũmei ũi yávaiye paruéque, mŭje ju arājiyeye Jesúre cainũma. Aru Jūmenijicu epecuyume mŭjare mŭje curājino caivu apenvuque, ina ũi meadaimaraque, ne Jesúre ju aiyē boje. ³³ Yu íyubevu jíyeva apecu ũi tātuturare aru ũi cuiótotecajeare máre. ³⁴ Mŭjavacari coreóvaivubu aipe memeyure yure, bojedarī ícuyū yure jauéde aru ina ji yóvaimarare jauéde máre. ³⁵ Cainũma yu jáðovaivu mŭjare yópe urarō memeyure jauróre mŭjare, mŭje cadatenajiyeye ayu ina cōmaje ārojarivure. Aru dápíajarã cainũma yópe Jesús ũi aiyē báquepe: “Ñai jíyū apecure torojucutame ñai jacoruyū pñeno”, arejame Pablo.

³⁶ Que arīburu yóboi, Pablo ñuatutari jēniarejame Jūmenijicure caivūque.

³⁷ Aru caivu orī narióri Pablōre, nuivū barejáima ũi jivare, yópe ne ðarī cōmajiyeye névū ne nurajiye jipocai.

³⁸ Ūrarō chíoiyvū barejáima, “Yure jámenajivubu mŭja cojedeca ijāravūi” ũi aiyē báque boje jipocamia. Aru ũre yóvarejaima mái, jia uraða ēcarui nuri jiaðocū uracū yebaita.

Pablo ũi nuino Jerusaléi

(Hch 6.5, 8.5, 11.28)

21 ¹ Ñŭje etaiyede náre jocarī, jaturejagarã jiaðocū uracūi. Jatarejagarã nurié pu Cos ãmicurijivūita. Cōmiájāravūi jatarejagarã nurié Rodas ãmicurijivūi aru Pátara ãmicurīimaroi máre. ² Noi vorī earejagarã apēcū uracūre, Fenicia ãmicurijoborōi nuquicūre. Que teni jaturī nurejagarã dijiávure jocarī. ³ Chipre ãmicurijivure vaidéjagarã dijiávū cācopūravūi. Aru nurejagarã pu Siria ãmicurijoborōi.

Tuijarejagarā Tiro āmicurīimaro ēcarui, dicūre memecaipōeva, ne mavarajiyepē dicū davaiyede. ⁴Que baru dicūre jocarī etarī, mari, īmaroi nuri, vorī copurejagarā diīmarocavū Jesūre ju aipōevare. Náque mautedejagarā cūinásumana. Nāi Espiritu Santo náre majide đarejaquemavū aipe vaiquíyede Pablōre Jerusalén āmicurīimaroī. Que baru “Numejacu Jerusaléi”, arejaima úre. ⁵Nūje etaijāravū eaiyede, mái nurejagarā, jatarājivū cojedeca. Caivū ina Jesūre ju aipōeva, yóvarebucūvaque, némaraque máre, yóvarejaima nūjare mái ne īmarore jocarī pu tuipāvai jia urada ēcarui. Noi nūatutari ēpacūi jēniarejagarā Jūmenijicuque. Aru jēniari buojari, “Nūivūbu” arejagarā náre. ⁶Que arī, dicū uracūi jatūrejagarā. Aru ina Jesūre ju aipōeva copainurejaima ne cūramiai na coapa.

⁷Etari Tiro āmicurīimaroē jocarī, earejagarā Tolemaida āmicurīimaroī. Jacoyurejagarā diīmarocavū Jesūre ju aipōevare. Aru mautedejagarā náque cūinājāravū. ⁸Cōmiájāravū etaiavū diīmarore jocarī, earejagarā Cesarea āmicurīimaroī. Aru nurejagarā Felipe cūrami. Felipe Jesús ūi yāvaiye méne coyūipōescu barejáme. Cūinācu ina siete paivū Jesús ūi yāvaiye méne beorī coyūicōjeimarare cađateipōevacacu barejámeđa ū. ⁹Yóvaicūvaivū ūi máromiva, ūmucūbevū, Jūmenijicūi yāvaiyede coyūcaivū barejāima na.

¹⁰Nūje mauteiyedeca náque apejāravūa, nāi Jūmenijicūi yāvaiyede coyūcaipōescu, ūi amiá Agabo, ēmenejaquemavū Judea āmicurijoborōre jocarī. ¹¹Darī nūje yebai, jēni Pabloi jārióicāvare, buorejame ūi baju ūi pūruáre aru ūi cūbobare máre dicāvaque. Aru arejame:

—Yópe aibi nāi Espiritu Santo:

“Jerusalécavū judíoiva buorājivūbu dicāva jārióicāva upacūre yópe. Aru jīnājivūbu úre judíoiva āmevūre”, arejame Agabo.

¹²Nūja jāpiaivū diede, nūja aru nócavū máre jēniavū barejacārā Pablōre parurōreca, ūi muri numequiyepē aivū Jerusalén āmicurīimaroī. ¹³Ūbenita Pablocapūravū arejame nūjare:

—¿Aipe teni oivurū mūja? Chiore đabejarā yūre. Yūvacari jūracūbevū Jerusalécavū yūre ne buoru, aru yūre ne boarī jarūvaru máre, ji coyūiye boje Jesús ūi yāvaiye méne, arejame Pablo.

¹⁴Nūja úre ju are đarī buojabedejagarā. Que baru jēniari dajocarejagarā úre. Quénora:

—Jūmenijicu đajacurī ūi urōpe, arejagarā nūja.

¹⁵No yóboi, meadarejagarā nūje cūvede. Aru muri nurejagarā Jerusalén āmicurīimaroī. ¹⁶Apevū Cesarea āmicurīimaroicavū Jesūre ju aipōeva yóvarejaima nūjare. Nūvarejaima nūjare Mnasóī cūrami. Nāi Mnasón Chipre āmicurijivūcacū barejámeđa. Aru javeita ju arejameđa Jesūre. Ūque curājivū barejacārā nūja.

Pablo ūi jācūnūino Santiagore

¹⁷Nūje eaiyede Jerusalén āmicurīimaroī, Jesūre ju aipōeva torojurī me jacoyurejaima nūjare.

¹⁸Cōmiájāravū nurejagarā Pablogue Santiago yebai, úre jāranūivū. Caivū ina Jesūre ju aivūre coreipōeva cōjijidejaima úque. ¹⁹Pablo náre jacoyurī buojari, coyūrejame caiye Jūmenijicūi đare đaiye báquede úre judíoiva āmevū jēneboi. ²⁰Ūi coyūiyede jāpiaivū bācavū, caivū mearore jidejaima Jūmenijicūre. Aru arejaima Pablōre:

—Mū, nūjecū, jārijide apa. Obedivū judíoicavū ju aivūbu Jesūre. ²¹Aru caivū ina đadama cainūmua yópe Jūmenijicūi đaicōjeiyede ūi coyūiye báquepe Moisés bācūre. Apevū borocūrivū, yópe arī, coyūimađa náre: “Pablo bueibi judíoivare judíoiva āmevū ne joborōai curivūre, ne đabenajiyepē ayu yópe Jūmenijicūi đaicōjeiyede ūi coyūiye báquepe Moisés bācūre”, aimaða na. Aru apenore, yópe arī, coyūimađa: “Pablo judíoivare buraicōjememi némarare ne cajede yópe Jūmenijicūi đaicōjeiyede ūi coyūiye báquepe Moisés bācūre. Aru đaicōjememi náre yópe majeñecūva mácavū ne đarī cōmajiye báquepe”, aimaða. ²²Ina judíoiva

Jesúre ju aipõeva jápiarājarama mi borore edayure. Que baru, çaipe ðarājidi maja? ²³ Ðajacu yópe ñuje ðaicõjeiyepe. Ññacavu yóvaicuvaiyu Jesúre ju aivu “Yópe ðacacuyumu yu” aima na Jūmenijicure. Ëbenita nópe ðarí buojabema na cãreja. ²⁴ Que baru nñvajacu náre múque. Náque ðajacu mu máre yópe Jūmenijicui ðaicõjeiye ñi coyuiye báquepe Moisés bácure, muje meara marajiyépe aivu Jūmenijicui jáinoi. Aru bojedacajacu mu náre coapa, caiye ne poðare ne yñvarājiyepe ayu yópe Jūmenijicui ðaicõjeiye ñi coyuiye báquepe Moisés bácure, ne bubarājiyepe ayu “Ðacacuyumu Jūmenijicure”, ne aive báquede. Mi yópe ðaru, caivu ina judíova majinajarama jáve ãmevu ne jápiaive báquede mi borore. Návacari járajarama mure ðayure yópe Jūmenijicui ðaicõjeiye ñi coyuiye báquepe Moisés bácure. ²⁵ Ëbenita ññjavacari toivacarā no paperayocare ina judíova ãmevu Jesúre ju aipõevare. Ne majinajiyepa aivu maje dāpiaiyede. Yópe arí, toivacarā náre: “Caiye ãiyede pēpeimara mácavu ne jino mácarõre ãmejara. Aru jivede ãmejara. Æimajiarua jive cuede máre ãmejara. Aru ðabejarā ãmeina ðaiyede apevuque mujemarebucava ãmevuque”, arí toivacarā ñña náre, arejaima Pablora Jesúre ju aivure coreipõeva.

**Churarava ne jēino Pablora
Jūmenijicui cūrami jívui**
(Hch 15.29, 20.4)

²⁶ Dinumu Pablo yóvarejameða ina yóvaicuvaiyu ñmuvare. Cõmiájāravui ðarejameða ñ yópe Jūmenijicui ðaicõjeiye ñi coyuiye báquepe Moisés bácure náque, ne meara marajiyépe ayu Jūmenijicui jáinoi. Ecorejameða Jūmenijicui cūrami, coyucuyu sacerdotevare ájāravu ne jebelijāravure, ne jínajiyepa ayu ne jícaiyede Jūmenijicure na coapa.

²⁷ Yópe Jūmenijicui ðaicõjeiye ñi coyuiye báquepe Moisés bácure ðarejaimaða siete pajāravua

baju. Dijāravua cūiquíye jipojicai, apevu judíova ðaivu bācavu Asia ãmicurijoborõre jocarí járejaimaða Pablora Jūmenijicui cūrami jívui. Obedivu põevare jarare ðarejaimaða Pablora. ²⁸ Ëre jēni, codoborí arejaimaða:

—iMujā, Israecavu, cadatejarā ññjare! Ñai ñmu, ñrecabe buecunñu caino jaborõcavure, ne jápiabenajiyepa ayu maja judiovare, ne ju abenajiyepa ayu Jūmenijicui ðaicõjeiye ñi coyuiye báquede Moisés bácure, aru ne pueðabenajiyepa ayu Jūmenijicui cūramine máre. Aru davacube judíova ãmevure Jūmenijicui cūrami jívui. Que teni ãmeno ðaibi yo curõ Jūmenijicu jinore, arejaimaða na.

²⁹ Jipocamia járejaimaða Pablo cuyure Jerusalén ãmicurimaroi judíova ãmevucacumaque, ñi ãmiá Trófimo, Éfeso ãmicurimarocacu. Que baru ina judíova “Pablo nñvacube judío ãmecure Jūmenijicui cūrami jívui”, arejaimaða na ñbenina. ³⁰ Dinumu caivu ðiimarocavu jorojivu cýarí, cõjjini, Pablora jēni, jabuborejaimaða Jūmenijicui cūramine jocarí. Cūiná bidejaimaða caicobea ðiñami jedevacobeare. ³¹ Ne boarí jarñvaríduiyedeca ñre, apevu põeva boro jarorejaimaða ñai churaravai jabocure. “Caivu Jerusalécavu cārijini jorojívubu”, arejaimaða ñre. ³² Maumejiena cõjjivarí churaravare aru apevu ne jabovare máre, cýarí jõðari earejaimaða ina obedivu põeva yebai. Aru ne jáiyede ñai jabocure aru ina churaravare máre, Pablora jara popeni ðajocarejaimaða na. ³³ Ne yebai ðayu ñai jabocu, buoicõjenajameða Pablora pñcama tãumeaque. Aru jēniari járejameða:

—¿Ñameña ñai? ¿Aipe tedi ñ?

³⁴ Apevu ina cõjjinocavu apeí arí codoboboyede, apevu máre apeita codoborí ávarejaimaða na. Ne pare bujé boje, ñai jabocu coreóvabedejameða aipe aivure. Que baru churaravare nñvaicõjenajameða

Pablöre churaravai cūrami jívui.
³⁵Nuvarejaimada úre quédata
 mūicadavaita. Ūbenita ina obedivū
 pōeva ne jorojīye boje, íyurídurejaimada
 Pablöre cojedeca churaravare jocarī.
 Que baru úre dururejaimada, pōeva ne
 ímenajīyepē aivū úre. ³⁶Que teni ina
 obedivū pōeva nurejaimada ūi yóboi
 aru:

—iBoarī jaruvajarā úre! iYaijácūrī ūi
 arī codoboborejaimada.

**Pablo “Ámeno dabevū yū” arī, ūi
 yávaino**

(Hch 5.34-39, 8.3, 26.9-11)

³⁷Ne nuvaiyede Pablöre buoimūpe
 churaravai cūrami, Pablo arejamedā
 griego āmicūricamua yávaicamuaque
 űnai churaravai jabocū pūeno parūcere:
 —Yū mure coyūiyuvū, arejamedā Pablo.
 Aru űnai churaravai jabocū arejamedā
 Pablöre:

—¿Mū griegovai yávaiyede majicūrū?
³⁸¿Dinūmū mū āmecūrū āñū Egiptocacu
 jabeteni pōevare nuvañū mácū
 yóvaicūvaimil paivū baju pōecubenoī,
 pōevare boarē đacūyū, me javejīene aru
 maucūvare đacūyū jabetēinore máre?
 arejamedā űnai churaravai jabocū pūeno
 parūcū Pablöre.

³⁹Aru Pablo arejamedā úre:
 —űnai ānevū yū. Yúvacari judíobu yū.
 Ciliciacaāimaro űrarō Tarsocacūbu yū.
 Jēniaivū mūre. Coyūicōjejacū yūre ina
 obedivū pōevare, arejamedā Pablo űnai
 jabocūre.

⁴⁰űnai churaravai jabocū pūeno parūcū
 coyūicōjenejamedā úre. Que baru
 Pablo nūri noi mūicadavai, ūi pūruque
 jáđovarejamedā, ne bi arājīyepē ayū. Ne
 bi aiyede, Pablo coyūrī búrejamedā ne
 yávaicamuaque, judíovai yávaicamuaque,
 yópe arī:

22 ¹—Mūja, jívū aru jíbcūva
 máre, jápijarā ji coyūiyede ji
 đaiye báquede, arejamedā Pablo.

²Ne jápiyaiyede ūi coyūiyede ne
 yávaicamuaque, pūeno baju bídeca
 jápiarejaimada na. Aru Pablo arī
 coyūrejamedā náre:

³—Yúvacari judíobu yū. Tarsoi
 pōetedejaquemavū yū. Que
 baru Ciliciacacūbu yū. Ūbenita
 bucūóvarejaima yūre yui Jerusalēi. Aru
 Gamaliel buedejame yūre me caiye iye
 Jūmenijicūi đaicōjeiyede ūi coyūiyē
 báquede Moisés bácūre, majeñecūva
 mácavū ne đarī cōmajīye báquede.
 Cainūmua memecaiyucacū Jūmenijicūre
 ūi űrōpe, nopedeca mūje đaiyepē caride.
⁴Que teni pare űājine đacacū yū Jesúre
 ju aipōevare. Náre cūjurī, jēni, buocacū
 yū, ūmūvare aru nomjare máre. Aru
 apevure boarī jaruvaicōjecacū. ⁵Maje
 sacerdotevare jabetēipōecū aru caivū
 maje cójijinocavū máre jáđovari
 buojadama ji coyūiyede jáve. Na jīma
 yūre paperayocare, ji buorī davaquiyepe
 aivū judíova Damascocavūre Jesúre
 ju aipōevare pū yui Jerusalēi, űājine
 đarājivū náre. Que baru etacacū yū,
 nucūyū Damascoi, arejamedā Pablo.

**Pablo ūi coyūino Jesús jicū teni buino
 mácarōre**

(Hch 9.1-19, 26.12-18)

⁶Pablo coyūre nurejamedā, yópe arī:
 —Mái nuīyede Damasco joabenoī
 eaiyede járavū corica bajī, maumejiena
 cavarōre jocarī pēoávū yūre űrarō
 miadáro ji nūroi. ⁷Que teni cūcumāñū
 mori tūcacū joborōi. Aru jápiacacū
 yávainore yópe ainore yūre: “Mū, Saulo,
 ¿aipe teni maucūvacūrū mū yūre?”
 jēniari jáme yūre. ⁸“Mū, ji jabocū,
 ¿ñamenū mū?” acacū yū. “Yūrecabu
 Jesús Nazarecacū, mi maucūvamū”,
 áme yūre. ⁹Aru ina ji yóvaimara no
 miadárore jáima. Ūbenita űnai yūre
 yávayū bácū ūi yávainore jápiabeteima
 na. ¹⁰Aru jēniari jácacū úre: “Mū, ji
 jabocū, ¿yēde ji đainore ucūrū mū?”
 acacū yū Jesúre. “Nacajari ecojacū
 Damascoi. Noi apecū majicacūyūme
 mūre aipe mi đaquinore yópe
 Jūmenijicūi űrōpe”, áme yūre Jesús.
¹¹No miadáro mácarō yacorū cobovaiye
 boje, jáñū mácū jári eabetecacū. Que
 baru apevū ji yóvaimara ji pūruáre jēni
 nuvaima yūre Damascoi.

¹²Noi cáteame cūinácu ũmu, ũi āmiá Ananías. Ũ mearore jiame Jūmenijicure jāve aru đayũ yópe Jūmenijicui đaicōjeiyede ũi coyuiye báquepe Moisés bácure. Aru caivũ pócavũ judíoiva ũre pueđarĩ me yávaquemavũ ũra. ¹³Ji yebai darĩ, nūri yure áme: “Mũ, jícu, Saulo, caride jáquijivũ mu cojedeca”, áme yure. Aru cūiná jári eacacu cojedeca. Jácasu ũre. ¹⁴Aru Ananías áme yure cojedeca: “Jūmenijicu, ñai majeñecuva mácavũ ne ju aimũ ũi beoimũmu mu, majicuyũ ũi uróre, jácuyũ Jūmenijicure, ñai mearore đayure, aru jápiacuyũ ũi yávainore máre. ¹⁵Que baru mu coyucuyũmu ũi yávaiyede caivũ pōevare mi jáiye báquede aru mi jápaiye báquede máre. ¹⁶¿Yéde coreyurũ mu caride? Nacajari Jesuí parúeque jarũvajacu mi ámeina teiyede. Aru jáđovajacu Jūmenijicure ocoque”. Que áme Ananías yure, arejameđa Pablo.

Pablo ũi coyũino judíoiva āmevũre ũi bueinore
(Hch 7.58)

¹⁷Yópe arĩ, Pablo coyũre nurejameđa: —Ji copaiyede Jerusaléi, nũcacu Jūmenijicui cūrami, jēniacuyũ Jūmenijicure. Aru ji jēniaiyede, yũ arũcu jácasu ji jabocure yópe decoboainope. ¹⁸Ũ áme yure: “Ina Jerusalécavũ ju abenajivũbu mi coyuiyede ji yávaiyede. Que baru maumejiēna nũjacu yore jocarĩ”, áme ji jabocu yure. ¹⁹Ũbenita acacu yũ: “Mũ, ji jabocu, návacari majima ji borore, buoicōjeñũ mácure aru jara popeicōjeñũ mácure máre ina mure ju aipōevare ne cójjiñamiamia coapa. ²⁰Aru apevũ ne boarĩ jarũvaiyede máre ñai Esteban mácure, mure coyũcayũ bácure apevure mi yávaiyede, yávacari nũcu, jáñũ, ju acacu yũ ne đaiye báquede. Aru ina ũi mácure boarĩ jarũvaiyvũ bécavũ pũenocacajea doicajearẽ jári corecacu yũ”, arĩ yávacacu yũ ji jabocure. ²¹Dinũmu ji jabocucapũravũ áme yure cojedeca: “Yávacari jaroquijivũ mure joarõi, mi coyũquiyepe ayũ ji yávaiye

méne judíoiva āmevũre. Que baru nũjacu mu”, áme yure ji jabocu, arejame Pablo ina obedivũ pōevare.

Pablo ũi yávaino churaravai jabocuque

²²Ũi nópe aiyeđe, quénora ye jápaiyubedejaimađa ina pōeva, ũi judíoiva āmevũre coyuiye boje. Yópe arĩ, cođoborejaimađa: —iBoarĩ jarũvajarã ũre! iYaijácũrĩ ũi! Jáiyubevũ cucure yore, arejaimađa na. ²³Cođoborĩ, jipocatedejaimađa na. Pare jorojivũ, ne baju doicajearẽ tatorĩ jađevaiyvũ aru jobobicore đũvaiyvũ barejaimađa na. ²⁴Diede jáñũ ñai churaravai jabocu pũeno parũcu nũvaicōjenejameđa Pablõre churaravai cūrami jivũi. Noi jara popeicōjenejameđa ũre āimacajeque đaimẽque. Ũre coyũre đaiyũrejameđa, majiyũcu aipe teni ina pōeva jorojivũre ũre. ²⁵Que baru ina churarava buorejaimađa Pablõre, međarĩ ũre ne jara popenajiyẽ jipocai. Ũbenita Pablo arejameđa apecu churaravai jabocure, apecu cāchino parũcure, nũcure ũi yebai: —Yúbu Roma jaboteinocacu. ¿Yure jara popeicōjeni mure ji ámeina đaiyede jáđovamecũva cãreja? arejameđa Pablo. ²⁶Diede jápiayũ ñai jabocu, nurejameđa ũi jabocu yebai, ñai Pablõre coyũicōjeimũ mácu. Aru arejameđa ñai churaravai jabocu pũeno parũcure: —Mũ, ji jabocu, me đajacu mu. Ñai ũmu Roma jaboteinocacũbe, arejameđa ũ. ²⁷Que baru ñai churaravai jabocu pũeno parũcu nurejameđa Pablo yebai. Aru arejameđa ũre: —Coyũjacu yure. ¿Jāveneca Roma jaboteinocacurũ mu? arejameđa. Pablo arejameđa ũre: —Jũju, ũrecabu yũ, arejameđa. ²⁸Ñai jabocu pũeno parũcu arejameđa: —Ũrarõ tãuturare jícasu yũ Roma jaboteino jabovare, ne epenajiyẽpe ayũ yure Roma jaboteinocacũva, arejameđa ũ.

Pablo arejameđa:

—Yurecabu Roma jaboteinocacu ji pōteinũmũmiareca aru jipacu máre ũi Roma jaboteinocacu bae boje, arejameđa.

²⁹Ina ũre jara popenajivu b́acavu que ayure jápiaivu, cūiná darúini nurejaimađa ũre jocarí. Aru ñai churaravai jabocu p̄eno parucu máre jidurejameđa, ũi b̄oiye báque boje Pablöre t̄aumeaque, yópe Roma āmicarō jaboteino đaicōjemenope.

Pablo ũi yávaino judíovai jabovaque

(Mt 22.23, 23.27; Mr 12.28; Lc 20.27; Hch 26.5; Fil 3.5)

³⁰Ñai churaravai jabocu p̄eno parucu majiyurejameđa aipe teni ina judíova pare jorojivure Pablöre. Que baru cōmiáij̄aravui cójjicōjenejameđa caivu ina sacerdotevare jaboteipōevare aru ina judíovai jabova cójjinocavure máre. Churaravare jodeicōjenejameđa Pablöre. Aru n̄varejameđa ũre ne cójjino yebai.

23 ¹Pablo me jári, ina cójjinocavure arejameđa:

—M̄uja, jívũ, ýavacari cainũmua c̄vũ yũ, “Boropatebevũ yũ”, arí d́apiarí J̄umenijicui jáinoi, arejameđa Pablo.

²Ũi que aiyeda, ñai sacerdotevare jaboteipōecu, ũi amíá Ananías, ina n̄rivure Pablo yebai, jara boaicōjenejameđa Pabloi j̄jecamure.

³Que teni Pablo arejameđa ũre:

—M̄ũ, j̄jovayũ, J̄umenijicu jara boac̄yũme mure. Yui m̄ũ dohavũ, đac̄yũ yópe đaicōjeiye ainope. ¿Aipe teni m̄v̄acari đaicōjemec̄upe đayurũ m̄ũ mi jara boaicōjeiyede yure? arejameđa Pablo.

⁴Apevu ũi yebai n̄rivũ arejaimađa Pablöre:

—M̄ũ āmeina yávaivu J̄umenijicui sacerdotevare jaboteipōecure, arejaimađa.

⁵Que aivure, Pablo arejameđa:

—M̄uja, jívũ, coreóvabetevũ yũ ũre J̄umenijicui sacerdotevare jaboteipōecure. Yũ majicu baru, nópe abejbu yũ, J̄umenijicui yávaiyede

toivaiye báque boje yópe: “Āmeina yávabejarā m̄uja ñai m̄ujare jaboteyure”, arejameđa Pablo.

⁶Aru Pablo coreóvarejameđa apevu ina cójjinocavure saduceovacavure aru apevu fariseovacavure. Que baru arí codoborejameđa:

—M̄uja, jívũ, fariseovacac̄vũ yũ. Aru fariseovai m̄ac̄vũ yũ. B̄uodama yure, ji bueiye boje maje coreiyede J̄umenijicui nacovaquiyede caivu yaivu b́acavure yainore jarũvarí, arejameđa Pablo.

⁷Ne jápiaiyede ũi coyuiyede, jararí búrejaimađa na. Ina saduceova ina fariseovaque cūináturu āmenejav̄yua ne ũme. ⁸Ina saduceova “Yainore jarũvarí nacajaino c̄bevũ, aru ángeleva, decova máre cubema”, ávadama. Ũbenita ina fariseova “Yainore jarũvarí nacajaino c̄vũ, aru ángeleva, decova máre c̄vũ”, ávadama. ⁹Ina cójjinocavũ pare jararí n̄vivũ, p̄eno baju codoboboivu barejáimađa na. Que teni apevu fariseovacavũ, J̄umenijicui yávaiyede coyuipōeva, nacajari, parũrōeca arejaimađa:

—Ñ̄uje járu, āmeina tebecu bajube ñai ũmũ. Cūinácu decocu o cūinácu ángele máre coyuch̄ubi ũre. Mauc̄vabenajarevũ maja J̄umenijicure, arejaimađa na.

¹⁰P̄eno baju jaraivu barejáimađa na. Ñai churaravai jabocu p̄eno parucu náre jáñũ, arí d́apiarí jid̄cũ, “Pablöre āmeina đar̄ajich̄uma” ayũ, churaravare ina n̄icōjenejameđa Pablöre cójjinocavure jocarí, ne n̄v̄arajiyere ayũ ũre churaravai c̄rami cojedeca.

¹¹Điñamimareca Jesús c̄ueteni n̄cu Pablo yebai arejameđa ũre:

—Jid̄ubejacu m̄ũ. Nópe mi coyuiyepedeca ji yávaiyede Jerusalécavure, coyũc̄yũmũ Romacavure máre, arejameđa Jesús Pablöre.

Pablöre judíova ne boarí jarũvayũrō

¹²Cōmiáij̄aravũ javej̄nara apevu judíovacavũ cójjivu yavenina, cūináturu ne ũme, “Yópe đacar̄ajaramu J̄umenijicure”, arejaimađa na.

—Ñuje boarí jaruvabedu Pablöre, Jümenijicu jaruvajacurí ñujare toabo cüiméboi. Amenajivutamu aru ücumenajivutamu, ñuje Pablöre boarí jaruvarājiye jipocai, parurōreca arejaimada na.

¹³Cuarenta paivü püeno baju boaipōeva marejaimada na.

¹⁴Nürejaimada na sacerdotevare jaboteipōeva aru judíoiva bucüva yebai. Aru arejaimada náre:

—Ñuja parurōreca avü “Yópe ñacarājaramu Jümenijicure”. Ñuje boarí jaruvabedu Pablöre, Jümenijicu jaruvajacurí ñujare toabo cüiméboi. Amenajivutamu aru ücumenajivutamu, ñuje Pablöre boarí jaruvarājiye jipocai.

¹⁵Que baru müjavacari boro jarojarā ñai churaravai jabcü püeno parücure, jēniarajivü üi daroquiyepa aivü Pablöre müje cójijinoi cojedeca. Ajarā üre: “Pablöre jēniari jápiaiyurivübu ñuja bedióva cojedeca”, ajarā. Aru ñujacapūravu yavenina coreni boarí jaruvarājiyevü üre üi edaquiyepa jipocai müje yebai, arejaimada na.

¹⁶Übenita Pabloi yücü iye borore ne ñarājiyede jápiarejaimada. Que baru churaravai cürami nuri, ecorí, coyurejaimada üi jápiaiyepa báquede Pablöre. ¹⁷Que teni Pablo órejärejaimada üi yebai cüinácü churaravai jabcü. Aru arejaimada üre:

—Nuvajacü ñai bojuyore mi jabcü püeno parücü yebai, üi coyüquiyepa ayü üre üi jápiaiyepa báquede, arejaimada Pablo.

¹⁸Que baru ñai jabcü nüvarejaimada üre ñai jabcü püeno parücü yebai. Aru arejaimada:

—Ñai buoimü üi amíá Pablo yure davaicōjeimi ñai bojuyore mi yebai, üi coyüquiyepa ayü müre ape borore, arejaimada ü.

¹⁹Ñai churaravai jabcü püeno parücü üi amüvede jēni, üre nüvari apévure jocarí, yavenina jēniari járejaimada ñai bojuyore:

—¿Yéde coyüiyücürü yure? arejaimada ü.

²⁰Aru ju arejaimada ñai bojuyore:

—Ina judíoiva jabova jēniarajivübu müre, mi jaroquiyepa aivü Pablöre ne yebai javenai, bedióva cojedeca üre jēniari jápiari übenina teiyurivü.

²¹Übenita apévü, cuarenta paivü, yavenina coreni, jaburājiyevü üre. Na “Áiyede amēnajare aru ücuyede máre ücumenajare”, arāma na Jümenijicüque ne boarí jaruvarājiye jipocai Pablöre. Caride coreivübu mi ju aiyede ne jēniaiyede. Que baru ju abejacü diede, arejaimada Pabloi yücü.

²²Aru ñai jabcü püeno parücü ñai bojuyore coyüicōjemenejaimada apévure iye üi coyüiyepa báquede üre.

—Coyübejacü apévure iye borore mi coreóvare ñaiyede yure, arejaimada ñai churaravai jabcü püeno parücü.

Que arí, copaicōjēnejaimada ñai bojuyore.

Ne jaroino Pablöre jabcü Félix yebai

²³Dinumuma ñai jabcü püeno parücü daicōjēnejaimada pücarā churara jabovare üi yebai, aru arejaimada náre:

—Meatejarā müja doscientos paivü churarava cuivüre, aru apévü setenta paivü caballovarā tubarivüre, aru apévü doscientos paivü täumüre nüvaivüre máre. Cari ñami nueve baji nüvajara müja Pablöre Cesareita. ²⁴Meadaajarā Pablöre máre üi caballovare. Me nüvajara üre pu ñai jabcü Félix yebai Cesareai, arejaimada ñai churaravai jabcü püeno parücü.

²⁵Aru ü, yópe arí, toivarejaimada paperayocare:

²⁶“Üü, Claudio Lisias, toivacavü müre, ji jabcü Félide. Me cüjacü mü. ²⁷Apévü judíoiva tatorí jēma ñai ümüre, üi amíá Pablo. Boarí jaruvarājivü batemá üre ji nüiyede ne yebai churaravaque, ji jápiaiyepa báque boje Pablo Roma jaboteinocacure. Üre ivü ñuja, ne boarí jaruvabenajiyepa aivü. ²⁸Aru coreóvayücacü yu aipe teni jaraivüre üre. Que baru nüvacarā üre ne cójijinoi.

²⁹Jarama üre judíoiva ne ñaicōjeiyepa boje. Übenita üi ñaiyepa báque boje üi yaiquino

jaubevu, úre buorājino máre. ³⁰Aru jí jápiaiyede apevu jári coreni, boarí jaruvaiyurivure úre yavenina, cūiná jaroivu úre mi yebai. Aru soyuicōjeivu úi mauvare mi jipocai, ne boro soyurí adarājiyepe aivu”, arí toivarejameđa nai churaravai jabocu pueno parucu.

³¹Dinumu ina churarava, ne jabocu đaicōjeiye báquepe, nuvarejaimađa Pablöre nāmi pu Antípatris āmicuriīmaroita. ³²Cōmiáijāravu ina cuivu copainurejaimađa churaravai cūrami. Ubenita ina caballovarā tubarivu yóvarejaimađa Pablöre cojedeca. ³³Ne eaiyede Cesarea āmicuriīmaroi, nai jabocu Félix yebai nuri, jídejaimađa úre diyoca paperayocare aru Pablöre máre.

³⁴Diyocare jári boroteniburu yóboi, nai jabocu jēniari járejameđa árocacure Pablöre. Aru úi coreóvayede Cilicia āmicurijorōcacure, arejameđa úre:

³⁵—Jápiacuijivu mi soyuiyede mi mauva ne edaiyede, arejameđa Félix Pablöre.

Que arí, Félix churaravare nuvaicōjenejameđa Pablöre Herodes bācui cūrami, jabovai cūrami, ne jári corenajiyepe ayu úre noi.

Pablo “Āmeno đabevu yu” arí, úi yāvaino Félide
(Hch 21.17-28, 23.6)

24 ¹Cūinápurupe pajāravua yóboi, nai sacerdotevare jaboteipōecu, Ananías, earejameđa Cesarea āmicuriīmaroi apevu judíova bucuvaque aru Roma jaboteino đaicōjeiyede bueipōecuque, úi āmiá Tértulo. Tértulo soyucacuyu barejámeđa ina judíovare. Que baru jabova ne āmeina teivure jēniari jáiñami nurejaimađa, boro soyurí adaridurājivu Pablöre nai jabocu Félix úi jivateinoi. ²Churarava ne davaiyede Pablöre noi, Tértulo yópe arí, boro soyurí adaridurejameđa:

—Mu, ñuje jabocu, meacubu mu, mi majié boje. Mi jaboteiyede obedijāravuai cārijimena cuvñ ñuja. Uarō mearore đacaivu mu caivu ñuje joborōcavure.

³Que baru caivu ñuje ĩmarocavu torojurí āruvu mure. ⁴Ubenita coreóvaivu cōmaje āroje jáñure mu ñujare. Que baru joe baju nūmequiyepe ayu maje boroteino, jēniavu mure mi jápiaquiyepe ayu ñuje boro quíjinore.

⁵Nai ũmu Pablo pare cārijovaimi ũ. Caino joborói maucuvare đabi judíovare ne baju, úi apede bueiye boje. Apeyajubo, nazareno āmicuriyajubo jabovacacube ũ. ⁶Aru āmedariduame ũ Jūmenijicui cūramine. Ubenita jēcarā ñuja úre. Aru nājine đarājivu batecārā úre ñuje đaicōjeiyepe. ⁷Ubenita nai jabocu Lisias darí churaravaque, ĩame úre ñujare jocarí parurōque. ⁸Aru boro soyurí adaicōjeame ñujare mi yebai. Mu jēniari jápiayu baru úre, majini buojacuyumu caiye ñuje soyuiyede úra jāvene, arejameđa Tértulo Félide.

⁹Aru ina judíova máre nopedeca boro soyurí adaridurejaimađa Pablöre, ju arí caiye iye Tértuloi yāvaiye báquede. ¹⁰Dinumu nai jabocu Félix jáđovarejameđa Pablöre, úi soyuquiyepe ayu ũi borore. Que baru arejameđa:

—Obediujua javede pu caride máre mu jápiaivu ñuje boro soyurí adaiyede ñuje joborōcavure. Que baru torojurí soyuyubu ji borore, mi majiquiyepe ayu diede. ¹¹Mu majini buojacuyumu jāve ji soyuiyede. Quénora doce pajāravua vaivu caride, ji eaiye báquede Jerusaléi. Nore nucacu yu, mearore jícuu Jūmenijicure. ¹²Yu jarabetecacu apecure. Aru cārijini jorojīmetecacu cójijivure. Jūmenijicui cūrami, aru judíovai cójijiñamiai, aru tãibui máre. Yópe ne boro soyurí adaiyere đabetecacu yu. ¹³Buojabema jáđovaivu jāve āmeno đayure yure yópe ne soyuiyepe. ¹⁴Ubenita jāvemu “Pablo ju aibi Jesús Nazarecacu úi bueiyede”, ne soyuiye yurā. Ju ayubu yu Jūmenijicure, ñujeñecuva mácavu ne mearore jímu. Mearore jíyubu yu Jūmenijicure yópe ina judíova “Apede bueibi”, ne aiyepedeca yurā. Ubenita ape bueiye ānevñ. Ju ayubu yu caiye iye Jūmenijicui đaicōjeiyede úi soyuiye

báquede Moisés bácore aru caiye iye Jūmenijicui yáviyede coyūcaipōeva mácvu ne toiviye báquede máre.

¹⁵Yū coreivu Jūmenijicu nacovacūyure caivu yaivu bácvure yainore jarūvarī, mearare aru āmenare máre, yópe judío va ne coyūiyepedeca. ¹⁶Que baru yávacari cainūmua daiyuvu yu, “Boropatebevu yu”, arī dāpiarī Jūmenijicui jáinoi aru pōeva ne jáiyede máre.

¹⁷Obediujua cútecacu arenoa joborōai. No yóboi, copainūcasu Jerusaléi cojedeca, táuturare jícvu judío va cōmaje ārojarivure aru ape jícaiyede jícvu Jūmenijicure máre.

¹⁸Ji Jūmenijicure jíquiye jipocai, đacacu yópe Jūmenijicui đaicōjeiyede ūi coyūiye báquepe Moisés bácore meacu bacuyú Jūmenijicui jáinoi. No yóboi, apevu judío va, Asiavū, jáima yure Jūmenijicui cūrami jívu, jíyure ji jícaiyede Jūmenijicure. Ūbenita cójijivu cubetema ji yebai. Jaraino máre cubeteavū. ¹⁹Que baru boro coyurī adarāđajarāri ina Asiavūvacari yui mi jipocai, na jáivu bácvu baru yure āmeina teyure. ²⁰Aru ne coyūbedu, coyūjarāri ina ūmūva yui curivu, aipe ji āmeina teiyede ne eaiye báquede ji cūe báquede judío vai jabova ne cójijinoi.

²¹Quénora arājichūma na: “Pablo cacu ñūje cójijinoi, yópe arī cođoboboame, ‘Buodāma yure, ji bueiye boje maje coreiyede Jūmenijicu nacovacūyure caivu yaivu bácvure yainore jarūvarī’”, arājichūma na ji borore, arejameđa Pablo Félide.

²²Aru Félix, Jesús ūi yáviye méne coreóvayū me, ūi jápiaiyede diede, đajocaicōjenezameđa ne coyūiyede apejārvauita, yópe arī:

—Ñai jabocu Lisias ūi daiyede, yu coyūcūyumu mi ñájinu, arejameđa Pablöre.

²³Que arī buojarī, Félix coyūrejameđa ñai churārvai jabocūre, Pablöre davayū bácore. Ūre nuvaicōjenezameđa Pablöre jabovai cūrami cojedeca, churāva ne jári corenajiyepe ayū ūre noi. Ūbenita

đaicōjenezameđa Pablöre yópe ūi urōpe aru járadacōjenezameđa ūre ūi yóvaimarare, ne cadatenajiyepe aivu ūre jauéde. ²⁴Apejārvaua yóboi, Félix copaidarejameđa cojedeca jímarepacomaque, judíovacaco, ōi āmiá Drusila. Ōrejaicōjenezameđa Pablöre ne yebai, ne jápiaiyue boje ūi coyūiyede aipe đarī pōeva ju aivure Jesúre. ²⁵Que teni Pablo náre coyūrejameđa pōevare ne mearo daiye jauéde apevure yópe Jūmenijicui đaicōjeiyepere, aru pōevare ne curī majié jauéde ne baju coapa, aru Jūmenijicui ñájine đaquiyede pōevare ne āmeina teiye boje máre. Aru iye coyūiyede jápiaiyū, Félix cuecumari arejameđa Pablöre:

—Quénoramū caride. Nujacu mū.

Apejārvaua ōrejaquijivu mūre cojedeca, arejameđa Pablöre.

²⁶Obedijārvauai Félix daicōjenezameđa Pablöre ūi yebai, borotecuyū ūque, ūi coreiye boje ūi jíquiyepe ayu táuturare. Táuturare ūi júdu, Félix jaetovajebu ūre. ²⁷Ūbenita pūcaujua yóboi Félix ūi jaboteino cūinējavūya. Ū torojure daiyurī judíovare, đajocarejameđa Pablöre buoimūpe. Aru apecu jaboteni búrejameđa, ūi āmiá Porcio Festo.

Pablo ūi yávaino jabocu Festoque

25 ¹Festo earejameđa dijaborōi aru yóbecurijārvaua yóboi mūri nūrejameđa Cesarea āmicurīmarore jocarī pū Jerusalén āmicurīmaroi. ²Noi ina sacerdotevare jaboteipōeva aru apevu judío vai jabova máre ūi yebai earī, āmeno boro coyurī adarīdurejaimađa Pablöre.

³Jipocamia ina jabova arejaimađa ne baju: “Boaipōevare coreni, jaburī boarī jarūvaicōjenajarevu Pablöre”, arejaimađa yavenina. Que baru parūrōque jēniariduvai vu barejaimađa ñai jabocūre, ūi ju aqūiyepere aivu náre yópe ne urōpe.

—Copaide đajacu mū Pablöre Jerusaléi, arī jēniaridurejaimađa na.

⁴Ūbenita Festo arejameđa náre:

—Pablo buoimū cubi Cesareai.

Maumena nuñūmu yu noi. ⁵Que baru

yóvararāri yure mije jabova Cesareai, ne boro coyurī adarājiyepe aivu Pablore noi, ũi āmeina tedu, arejameđa Festo.

⁶Pa ocho pajārvava ũi maute niburu yóboi nore, Festo ěmenejameđa Cesarea āmicurīmaroi. Aru cōmiájārvavu jabova ne āmeina teivure jēniari jáiñami nuri, dobarejameđa, jápiacuyu ne boro coyurī adarīduiyede. Aru davaicōjenejameđa Pablore. ⁷Ũi eaiyede, ina judíoiva Jerusalén āmicurīmarocavu daivu bācavu núrejameđa ũi yóboi. Urarō āmeno boro coyurī adarīduivu barejameđa ũi borore. Ũbenita ye buojabedejameđa jáđovaivu jāve ne borore. ⁸Pablocapūravu arejameđa:

—Judíoiva ne đaicōjeiyede, aru Jūmenijicui cūramine, aru ñai jabocu ijārvavacacu pueno baju parucure máre, āmeina đabevu yu, arejameđa Pablo.

⁹Ũbenita Festo judíovare torojure đaiyurī, yópe arīdurejameđa Pablore:

—¿Muri nuiyubecurū mu Jerusaléi? Noi yávacari jápiacuyumu cojedeca mi borore, “Āmeno đabetequemavu mu” acuyu o “Nájicuyumu mi āmeina teiye boje” acuyu, arejameđa Festo.

¹⁰Ũbenita Pablocapūravu arejameđa ũre:

—Núvu yu caride Roma jaboteino jabova ne āmeina teivure jēniari jáiñami. Yuita međaiye javvu yure, etacuyure o nájicuyure. Múvacari me coreóvaivu. Ye āmeno đabotecacu yu judíovare. ¹¹Ji āmeina đaiye boje, boarī jaruvaiye javrō maru yure, jidubejebu yu ji yaiquínore. Ũbenita ne boro coyuiye jāve āmenu, pōecu cubebi buojarī jíyu yure náre. Que baru jēniaivu mre jarocuyure yure ñai jabocu ijārvavacacu pueno baju parucu yebai, ũi baju međaquiyere ayu yure, arejameđa Pablo.

¹²Dinumu Festocapūravu borotedejameđa ũre cađateipōevaque. Aru boroteni buojarī arejameđa Pablore:

—Ñai jabocu ijārvavacacu pueno baju parucu yebai nuiyuvu mu. Que baru nucuyumu ũi yebai, arejameđa Festo.

Pablo ũi yávaino jabocu Agripa que

¹³Apejārvava yóboi, ñai jabocu Agripa, jíbucomaque, ői āmiá Berenice,

earejameđa Cesarea āmicurīmaroi. Jacoyurānurejameđa Festore. ¹⁴Aru obedijārvava maute de jameđa na. Cūinájārvavu Festo coyurejameđa náre Pabloi borore.

—Yui cubi cūinácu ũmu, Félix ũi buorī epeimū mácu. ¹⁵Ji cue báquede Jerusaléi, sacerdotevare jaboteipōeva aru judíoiva bucava máre āmeno boro coyurī adarādarīduima ũre ji yebai. Jēniariduima yure ji nájine đaquiyere aivu ũre. ¹⁶Ũbenita yu acacu náre: “Yópe đarī cōmajiyama Romacavui jabova. Mamarumure ina boro coyurī adavūque copu yávare đarī cōmajiyama ñai ne coyurī adaimūque, ũ máre ũi coputequiyere aivu náre. Nāja Romacavui jabova yópe đabevu baru mamarumure, jíbevū pōecure ina boro coyurī adavūre”, acacu yu náre. ¹⁷Que baru ne edaiyede yui, joe corebecava, cōmiájārvavure dobatecacu jabova ne āmeina teivure jēniari jáiñami jívu. Aru davaicōjecacu ñai ũmure. ¹⁸Dápiayu barīducacu ina judíoiva boro coyurī adarājiyure ũre urarō ũi āmeina teiye báquede. Ũbenita coyurī adavū ye yávabeteima urarō ũi āmeina teiye báquede yópe ji dápiarīduino mácarōpe.

¹⁹Quénora jorojíma ũre ne bueiyeđe jēvari Jūmenijicure aru cūinácu Jesús āmicacu yayú bācure. Ũbenita Pablocapūravu parurōreca coyuyube ñai Jesús apucure cojedeca. ²⁰Yúcapūravu ye majibotecacu caiye iye ne borore. Que baru jēniari jácacu Pablore: “¿Muri nuiyubecurū mu Jerusaléi? Noi yu jápiacuyumu cojedeca mi borore”, acacu ũre. ²¹Ũbenita ũcapūravu jēniáme: “Jarojacu yure ñai jabocu ijārvavacacu pueno baju parucu yebai, ũi jápiaquiyere ayu ji borore”, áme yure. Que baru churaravare coreicōjecacu ũre buoimure ji jaroiyeta ñai jabocu ijārvavacacu pueno baju parucu yebai, arejameđa Festo Agripare.

²²Aru Agripa arejameđa:

—Yávacari jápiaiyuvu ñai ũmure, arejameđa.

Que baru Festo ju arejameđa:

—Javena úre jápiacuymu m̄, arejamedá.

²³Cōmiájāravui Agripa Berenicemaque earī cōjjiñami uradāmi, ecorejaimada noi pōeva ne urarō pueđaiyede náre ne ecoiyede. Caivu ina churaravai jabova paruriv̄u, aru caino diimarocav̄u paruriv̄u máre ecorejaimada diñami náque. Aru Festo davaicōjenezamedá Pablöre. ²⁴Que teni Festo arejamedá:

—M̄, judíovai jaboc̄u, aru caivu muja ñujaque curiv̄u máre, jáivubu ñai ñmure. Caivu ina judíova Jerusalécav̄u aru yócv̄u máre āmeno boro coyurī ađarıduima űi borore. Cođoborī, “Úre boarī jaruvajacu”, p̄eno baju aima na. ²⁵Ūbenita yúcapurav̄u ye űi āmeina teiyede eabev̄u yu. Ji járu, űi đaiye báque boje boarī jaruvaiye jaubev̄u úre. Ñai Pablocari jēniāme ñai jaboc̄u ijārav̄ucacu p̄eno baju paruc̄u jápiacuym̄ űi borore. Que baru arī dāpiacacu: “Jaroc̄uym̄ úre ñai jaboc̄u ijārav̄ucacu p̄eno baju paruc̄u yebai”, acacu yu. ²⁶Ūbenita yúcapurav̄u majibev̄u yéde ji toivaquiyede űi borore ñai jaboc̄ure, űi majiquiyep̄e ayu Pabloi āmeno đaiye báquede. M̄, ji jaboc̄u Agripa, que baru daicōjeiv̄u úre yui m̄je yebai. Maje úre jēniari jápiarīburu yóboi, yu majiquijichuv̄u űi āmeno đaiye báquede, toivacuym̄ ñai jaboc̄u ijārav̄ucacu p̄eno baju paruc̄ure. ²⁷Buoimure jaroiye majibev̄u yu jaboc̄u yebai, coyubec̄uva aipe đarī űi āmeno đaiye báquede, arejamedá Festo náre.

26 ¹Din̄m̄ Agripa arejamedá Pablöre:

—Caride coyujacu mi borore, arejamedá.

Que aiyede, Pablo jabióvarī űi p̄ur̄e, yávarī búrejamedá, coyuc̄uym̄ űi borore:

²—M̄, ñuje jaboc̄u Agripa, caride torojuv̄u yu ji űme mi jápiaquiyep̄e ayu ji coyuiyede caiye iye ne āmeno boro coyurī adaiyede yure ina judíova.

³Múvacari coreóvaiv̄u me judíova ne đarī cōmajiyede aru ne bueiyeđe máre. Que baru jēniav̄u mi jápiaquiyep̄e ayu ji coyuiyede napiyeque, arejamedá Pablo.

Pablo űi coyuiño űi đaiye báquede Jesús jicu tequiyep̄e jipocai
(Hch 23.6; Fil 3.5)

⁴Pablo, yópe arī, coyure n̄rejamedá:

—Ina judíova coreóvadama aipe c̄uc̄ure yu ne jēneboi juedoc̄u c̄areja aru caride máre, mamarum̄re ji cuede ji imaroi aru no yóboi ji cuede Jerusaléi máre. ⁵Joe baju yurecavu c̄uináyajubo fariseo āmicurijajubocacu. Ñuja fariseova mearore jiv̄ubu Jūmenijic̄ure yópe űi đaicōjeiyede űi coyuiye báquepe Moisés bácvure caivu apevu judíova p̄eno baju. Ina judíova urivu baru, ju ajebu jáve iye ji coyuiyede. ⁶Caride núvu yu yui, ne boro coyurī adaim̄, ji coreiye boje Jūmenijic̄u mearo đacaquiyede ñujare yópe űi aye báquedep̄eca ñujeñec̄uva mácvure. ⁷Aru caivu ñuje doce paiyajubocavu Israecav̄u máre coređama yópe ji coreiyepe. Que baru mearore jiyama na Jūmenijic̄ure jārvure aru ñamine máre. Aru m̄, ñuje jaboc̄u Agripa, ina judíovavacari boro coyurī adav̄ubu yure, iye ji coreiye boje. ⁸¿Aipe teni “Jūmenijic̄u nacovañu buojabebi yaivu bácvure yainore jaruv̄arī”, arī dāpiaiv̄urū muja? arejamedá Pablo.

Pablo űi coyuiño űi ñájine đaiye báquede Jesúre ju aip̄ōevare

⁹Yópe arī, coyure n̄rejamedá Pablo:

—Javede yávacari yópe arī dāpiacacu: “Jesús Nazarecav̄ure ju aip̄ōevare mauc̄uv̄e jav̄u yure”, acacu yu. ¹⁰Yópe đacacu yu Jerusaléi: Obediv̄u ina Jesúre ju aip̄ōevare jēni, buorī, jarocacu yu náre āmeina teiv̄ure jēni jacoñamiai, yópe ina sacerdotevare jaboteip̄oeva ne đaicōjeiyede. Aru ne boarī jaruvaiyuede náre, yu máre ju acacu diede. ¹¹Obedijārvava yu nuc̄acu judíovai cōjjiñamiai, ñájine đac̄uym̄ ina Jesúre ju aip̄ōevare. Jesúre ju abede đarīducacu yu náre. Aru ji urarō baju jorojiye boje náre, yu cujucacu náre apeimaraoita, arejamedá Pablo.

Pablo űi coyuiño cojedeca Jesús jicu teni buino mácarōre
(Hch 9.1-19, 22.6-16)

¹²Yópe arī, coyure n̄rejamedá Pablo:

—Cūinājāravu Damasoi nūcasu yu ina sacerdotevare jaboteipōevai parūéque, đacuyu yópe ne đaicōjeiyepe. ¹³Aru mu, ñuje jabocu Agripa, ji nūiyede mái jāravu corica baji jácacu cavarōre jocarī urarō miadárore, aviá ũi pueno cojinore. Pēoávu ñuje yebai, yure aru yáque nuivure máre. ¹⁴Que baru cuccumaivu caivu mori tucarā joborōi. Aru jápiacacu apeno yávainore ñuja judíova ñuje yávaicamuaque, yópe ainore: “Mu, Saulo, ¿aipe teni maucuvacurū mu yure? Yópe đayū, mávacari ñájine đaivu mu mi bajuma, yópe cūinácu oteiáimacu uracu ũi ñájine đaiyepe ũi bajure tātāñu abodo juijóiyore”, áme yure. ¹⁵“Mu, ji jabocu, ¿ñamenu mu?” acasu yu. “Yurecabu Jesús, ñai mi maucuvamu. ¹⁶Caride nacajari nújacu. Yu jáđovaivu mure, ji baju mi memecaquiyeye ayu yure. Beoivu mure, mi coyūquiyeye ayu aprevure yópe mi jáinope yure caride. Aru mi jáquiyede yure bedíova coyūcuyumu diede máre. ¹⁷Que baru jaroquijivu mure, mi coyūquiyeye ayu ji yávaie méne judíovare, aru judíova ámevure máre. Aru yu jodecuyumu mure, ne ámeno đabenajiyeye ayu. ¹⁸Mi coyūquiyede judíova ámevure, yu jápiarī eare đacuyumu náre, ne dajocarājiyeye ayu ne ámeina teiyede yópe ñeminoi cuiyepe, aru ne ju arājiyeye ayu yure yópe miadároi cuiyepe. Yu jaetovacuyumu náre ñai abujuvai jabocu Satanás ũi jaboteinore jocarī. Aru ecovacuyumu náre Jūmenijicui jaboteinoi. Que teni yu árumetecuyumu ne ámeina teiyede, ne yure ju aie boje. Aru Jūmenijicui pōevaue curājarama na”, áme Jesús yure, arejameđa Pablo.

Pablo ũi coyūino ũi đaiyede Jesús đaicōjeinore ũre decoboainoque
(Hch 9.20, 28-29; 1 Co 15.20)

¹⁹Yópe arī, coyure nurejameđa Pablo: —Mu, ñuje jabocu Agripa, ñai cavarō mearo Jūmenijicui curōcacu ji jáimu mácure jáve ju acasu yu. ²⁰Que baru coyūcasu matarumure Damascocavure,

aru no yóboi Jerusalécavure, no yóboi caino Judeacavure, aru no yóboi judíova ámevure máre. Coyūcasu náre: “Chíojava muja muje ámeina teiyede. Aru jaruvajarā diede. Oatuvajarā muje đaiyede. Aru đajarā yópe Jūmenijicui urōpe, apenu pōeva ne majinajiyeye ayu jáve muja ju aivure Jūmenijicure”, arī coyūcasu náre. ²¹Ji nópe bueiye boje, ina judíova yure jēni boarī jaruvarīduima Jūmenijicui cūrami jívu. ²²Ūbenita javede aru caride máre Jūmenijicu cađateibi yure. Que baru yu yui núcu, coyūivu yávaieyede jávene caivure, paruvure aru parubevure máre. Quénora coyūivu yu yópe Jūmenijicui đaicōjeiyede ũi coyūie báquepe Moisés bácure aru ina Jūmenijicui yávaieyede coyūcaipōeva mácavu ne toivaiye báquepe ne coyūcaiyede, “Yópe vaiquíyebu. Que ayube Jūmenijicu”, ne aie báquepedeca. ²³Yópe arī, toivarejaquemavu na: “Cristore, Jūmenijicui daroquimure, javu ũi ñájiqiyeye, aru ũi yaiquíyeye, aru ũi nacajaquiyeye yainore jaruvarī caivu apenu jípcal. Que đarī yópe pēoino járe đaiyepe pōevare, nopedeca Cristo jáđovacuyume judíovare aru judíova ámevure máre Jūmenijicui meadaquiyede náre”, arejameđa Pablo.

Pablo “Ju ajacu Jesús” ũi aríduino jabocu Agripare

²⁴Pablo ũi coyūiyede, Festo codoboborejameđa ũre:

—Mu, Pablo, árumevu mu. Mi pare bueiye boje, árumevu mu, arejameđa ũre.

²⁵Ūbenita Pablo arejameđa ũre:

—Mu, ñuje jabocu Festo, árumecu ámevu yu. Quénora coyūivu yávaieyede jávene ji ũmei. Ūbenina ayu ámevu yu. ²⁶Ñai jabocu Agripa majibi caiye iye ji coyūiyede. Que baru yu jidubecuva coyūivu ũre. Yavenina ámeno đaiye ámevu iye. Que baru javede jápiaquemavu diede ñai jabocu Agripa, arejameđa Pablo.

²⁷Que ayu, Pablo arejameđa Agripare:
—Mu, ñuje jabocu Agripa, ina Jūmenijicui yávaiyede coyucaipōeva mácvu ne toivaiye báquede ju aivu mu. Majivu yu mu ju ayure, arejameđa úre.

²⁸Agripa arejameđa Pablöre:

—Mi coyūinoque quíjino baju yure ju are đarídivu mu Jesúre, arejameđa.

²⁹Aru Pablo ju arejameđa úre:

—Quíjino baju meajebu. Úrarō baju máre meajebu. Yu Jūmenijicue jēniacaivu caivu mujare, muje ju arājīyere ayu úre aru muje nurajīyere ayu yupe paivu, ubenita buoimeaque cubevva, arejameđa Pablo.

³⁰Dinumu ñai jabocu Agripa, ñai jabocu Festo, Berenice, aru náque dobarivu máre nacajari etarejaimada nore jocarī. ³¹Ne etarīburu yóboi, arejaimada ne bajumia:

—Ñai ūmu ūi đaiye boje yaiquino jaubevu úre, aru buoino máre. ³²Pablo ūi abedu “Jarojacu yure ñai jabocu ijāravucacu pueno baju parucu yebai, ūi jápiaquiyere ayu ji borore”, maja buojajebu etaicōjeivu úre. Úbenita ūi nōpe jēniaye boje, maja buojabevu etaicōjeivu úre, arejameđa Agripa Festore.

Pablöre ne jaroino Romai

27 ¹Ñai jabocu ijāravucacu pueno baju parucu surejameđa Italia āmicurijoborōi. Que baru Pablöre aru apenvu buoimarare máre Festo coreicōjenejameđa cūinacu churaravai jabocure, ūi āmiá Julio, ūi nuvaquiyere ayu náre Italia āmicurijoborōi jiađocū uracū ūmevu japuino nuicūque. Ñai Julio cien paivu churaravare jabotedejameđa. Ne yajubo “Augusto jina churaravayajubo barejávūya. Aru yu máre nucuyu barejacacu. ²Que teni jatujacará cūinacū jiađocū uracūi, Adramitio āmicurīimare jocarī daicū mácarōi. Dicū etaquicū marejávū, tuijaquicū imaroa coapa Asia āmicurijoborōi jia urada écarui. Aru Aristarco máre, Macedonia āmicurijoborōcarō imaro

Tesalónica āmicurōcacu, yóvarejame ñujare. ³Ūmevunque nuri, cōmiájāravui tuijarejacadā Sidón āmicurīimaro écarui. Julio me járejame Pablöre. Que baru maicōjenejame úre ūi yóvaimara nócvu yebai, ne jīnajiyepe ayu úre jauéde.

⁴Jaturī cojedeca, etarejacadā nore jocarī. No ūmevu japuiye boje ñujare copu, vaidéjacadā Chipre āmicurijavure ñuje cācopūravui. Dijíavū cue boje, ūmevu āmedabedejavū ñujare. ⁵Dijíavure vainíburu yóboi, jatarī jia uradaí, vainí Cilicia aru Panfilia āmicurijoborōare, earejacadā Licia āmicurijoborōcarōi, Mira āmicurīimaro.

⁶Noi Julio vorī earejame apecū jiađocū uracūre, ūmevu japuino nuicūre, Alejandría āmicurīimare jocarī daicū mácarōre. Etarī, nuicū tuijaquicū marejávū Italia āmicurijoborōi. Que teni jature đarejame ñujare dicūi. ⁷Bedióva ūmevu japuiye boje ñujare copu, duibajīeneca nurejacadā obedijāravua. Eabenidurejacadā Gnido āmicurīimaro. Aru ūmevu nuicōjemenejavū ñujare ñuje nurié nuinoi. Que baru eavū Salmócāpido āmicurīimaro, vaidéjacadā Creta āmicurijavure ñuje meapūravui. Dijíavū cue boje, ūmevu āmedabedejavū ñujare. ⁸Duibajīeneca nuri, tuijarejacadā Mearoa tuipāva āmicurīimaro, Lasea āmicurīimaro joabnomia.

⁹Obedijāravua vaidéjavū. Aru judíovai torojuve teijāravu máre, ne ānurijāravu Jūmenijicui ārumeteiyede ne āmeina teiyede, vaidéjavū. Ocorūmu joabe boje, pōeva ne nuino maru jiađocū uracūque, jidojarō marejávū. Que baru Pablo majicarejame náre, ñujaque nuivure:

¹⁰—Muja jápiajarā. Maje nuru jia uradaí cojedeca cari, meamequiyebu. Ocorūmu boje, bíjaquiyebu dicū, aru caiye maje nuvaiye máre dicūi. Aru maja máre corí bjarājaramu, arejameđa Pablo, majicayū.

¹¹Úbenita dicū upacu aru dicūre cōjeipōecu máre ju abedejaima Pablöre. Aru Julio jápiarejame náre Pablöre pueno. ¹²Mauteino meamenejavū ocorūmure diimaro, Mearoa tuipāvai.

Que baru apevu obedivu pōeva dicūcavu etaiyurejaima nore jocarī, nuridurājivu apeno tuiḡāvai, Fenice āmicurīūmaroi. Coreiyurejaima ocōrūmu vaiyede nore. Fenice Creta āmicurījivavū cūvu. No tuiḡāvai curī, jia uradare aviá ūi darī doinocapūravūi, aru aviá ūi darī doino meapūravūi máre jáino marejávū. Que baru jiaḡocū jorī noi, javaiyorejavū ocōrūmure.

Jia urada pācaibo urabo daino

¹³ Ūmevu japuino oatuvaiyede, duibajieneca japuiyede aviá daino cācopūravure jocarī, jiaḡocū uracūre memeipōeva jāmuórejaima ducuribore, dicūi numene ḡaibore. Nurejagarā dicūque Creta āmicurījivavū ēcarui joabejinoi. ¹⁴ Ūbenita no yóḡiḡoi, ūmevu pare parurō japurejavū dijiávū apedūvede jocarī, aviá ūi darī doino cācopūravure daino. ¹⁵ Aru no ūmevu pare japurejavū ḡuje jiaḡocūre. Que teni ūmevu ḡuje jipocai japuiye boje, nuri buojabedegarā. Numenejagarā ḡuje nuīyūrōre. Que baru dicūre copediovarī, ūmevure japuipoicōjenezagarā ūmevu nuinoi. ¹⁶ Vaidéjagarā Cauda āmicurījivavure ḡuje meapūravūi. Dijivavū cue boje, ūmevu āmedabedevavū ḡujare. Aru apēcū quiḡicūre, uracūi dabuboicūre, jāmuóiyurejagarā, adarājivu uracūi jívūi. Ūbenita nópe ḡaivū pare ḡājinejagarā. ¹⁷ Quiḡicūre meadarīburu yóboi, ina memeipōeva buorejaima uracūre buoimea uramea parurīmeaque. Ūracū cāchinoi dimeáre epeni, me buorejaima na, dicū copobequiyepe aivu. No yóboi, ne jidué boje dicū eajuroede Libia āmicurījiborōi, noi ēcaru joabenoī ēpacūrō, pare meameno, Sirte āmicūrō, jiaḡocūare jēino, jōdovarejaima uracaje ūmevu paicajede, ēpacū jēmequiyepe aivu ḡuje jiaḡocūre. Que teni ūmevūque nurejagarā ḡuja. ¹⁸ No ūmevu ye bījabedevavū. Quénora cainumua pueno baju japurejavū no. Aru pācaiboa máre uraboa baju jāriyadedevavū dicūre. Que baru cōmiájjaravūi nūvaiyede jarūvarī búrejaima jia uradaí. ¹⁹ Cōmiájjaravūi

jarūvarejagarā apeno dicūcarōre: cajeáre, buoimeare, aru aboḡoare máre. ²⁰ Obedijāravua jámenejagarā aviáre aru abiácovare máre. No ūmevu, pācaiboa máre ye bījabedevavū. Quénora cainumua pueno urarō baju nurejavū no. Que baru “¿Bījarājivu bárica jia uradaí?” arī dápiarejagarā ḡuje baju.

²¹ Obedijāravua ye āmenejaima na. Aru Pablo darī, nūri ne jēneboi arejame náre:

—Muja jápiabetevū yure ji coyurīduiye báquede ḡujare. “Cretare jocarī nuīye jaubevu majare”, arīduvu yu. Maje dabedu, yópe tede ḡabejebu majare. Ūbenita maje daiye boje vaivu majare yópe. ²² Yu coyuyūbu ḡujare: Jidubejarā. Majacacu ye cūinācu bījabequijibi. Quénora dicū jiaḡocū uracūi bījaquiyebu. ²³ Nópe majivu yu, cūinācu ángele ūi coyūiye báque boje yure cari ḡami marede. Jūmenijicu, ji jabocu aru ji mearore jímū máre, ūi daroimū matecúbe ḡai ángele. ²⁴ Ji yebai darī, abi yure: “Mu, Pablo, jidubejacu. Mi nuquiye boje ḡai jabocu ijāravucacu pueno baju parucu yebai, Jūmenijicu ūi me boje, caivu ina múque jiaḡocū uracūi nuīvu yaibénajarama na”, abi yure ḡai ángele. ²⁵ Que baru jidubejarā ḡuja. Jūmenijicure ju aivu yu. Que baru majivu yu caiye vaiquiyede yópe ḡai ángele ūi aīye báquepedeca. ²⁶ Ūbenita no ūmevu japuquiyebu maje jiaḡocūre apedūve javū ēcarūita, arejame Pablo náre.

²⁷ Pūcasumana ūmevu urarō japurī búriḡburu yóboi, ḡamineca jataivu barejagarā ūmevu japuiyeque jia urada Adriático āmicurīyare. ḡami corica baji dicūre memeipōeva “¿Joborō joabenoī eaivu bárica?” arī dápiarejaquemavu ne baju. ²⁸ Que baru corevarejaima na aipino ūmujurō jia urada ne yebai. Aru treinta y seis paimetros ūmujurō marejávū noi. Quiḡino no yóḡiḡoi, corevarejaima cojedeca. Aru veintisiete paimetros ūmujurō marejávū noi. ²⁹ Que teni jidurejaima, “¿Jārajidica?” aivu ēcarui

c̄raboaque. Que baru ēmeóvarejaima yóvaicuvaíboa d̄curíboa dic̄ure numene ðaíboare jap̄vainocap̄rav̄ni jocarí.

Aru, “Maumejiena miad̄ae t̄jarōr̄i”, arí j̄niarejaima na. ³⁰Dic̄ure memep̄oēva dupini n̄iuȳrejaimada dic̄ure jocarí.

Dic̄u qūj̄ic̄u b̄uoimeare jođeni, dic̄ure ēmeóvari j̄ia urad̄ai, borocur̄i “Apeboa d̄curiiboare epenan̄uiv̄bu p̄raboí”, arejaima na, borocur̄iv̄u. ³¹Ūbenita Pablo arejame churaravai jabocure aru churaravare máre:

—Ina dic̄ure memep̄oēva ne n̄ru j̄iadoc̄ure jocarí, mujavacari yain̄jaramu, arejame náre Pablo.

³²Que baru apevu churarava burarejaima dimeáre, dic̄ure b̄uor̄i yuyaimere. Aru dic̄u qūj̄ic̄u tur̄i j̄ia urad̄ai, cor̄i b̄j̄arejav̄ū.

³³Miad̄ae t̄qūiye j̄ipocai c̄areja, Pablo āic̄ōjenejame náre.

—Caride p̄casumana vaiyede m̄ja c̄ar̄ijiv̄u, coreiv̄u, ye āmev̄u āiyede.

³⁴Que baru parur̄ōreca j̄ēniaiv̄u m̄jare. Ājara, par̄bur̄i tar̄ājiv̄u. Ār̄jara. Caiv̄u m̄ja yaib̄n̄ajaramu, arejame Pablo náre.

³⁵Que arí, Pablo páure j̄ēni, J̄men̄ijicure torojuede j̄iniburu yóboi ne j̄áinoi, páure cot̄var̄i, ārejame ū.

³⁶Caiv̄u ina ūre āñ̄ure j̄áiv̄u, na máre ārejaima na. ³⁷Aru caiv̄u ñ̄ja dic̄ū cur̄iv̄u doscientos setenta y seis paiv̄u baju barejacar̄ā ñ̄ja. ³⁸Que teni caiv̄u yapiniburu yóboi, ñ̄je āiyede p̄p̄uiyede, trigo āmicue oteiyede, jar̄v̄arejaima dic̄ure jocarí j̄ia urad̄ai, d̄c̄ubec̄ū ðar̄ājiv̄u dic̄ure.

Jiadoc̄ū urac̄ū coino

³⁹Miad̄ae t̄uiyede yo jobor̄ore ye coreóvabedejaima ina dic̄ure memep̄oēva. Ūbenita j̄árejaima t̄uip̄avare ēpac̄ū, c̄raboā cubenore. Que baru, “T̄ujar̄ajarev̄u noi”, arí d̄apiarejaquemav̄u ne baju.

⁴⁰Mamar̄um̄re apevu burarejaima d̄curiiboā b̄uoimea máquede d̄iboáre, d̄ajocar̄ājiv̄u j̄ia urad̄a j̄ív̄u. Din̄um̄ma apevu duarejaima dic̄ū j̄ipocateivea

b̄uoimeare, diveáre ēmeóvari j̄ipocatenajiv̄u dic̄ure diveáque. No yóboi, j̄am̄órejaima uracaje ūmev̄u paicajede, eaiyur̄id̄uiv̄u ēpac̄ū. ⁴¹Ūbenita dic̄ū p̄rabo j̄ia urad̄a j̄ív̄u apec̄ū ēpac̄ū urac̄ū curejav̄ū. Ñ̄je j̄iadoc̄ū j̄árejav̄ū ēpac̄ūra. Aru p̄rabo ēpac̄ū dor̄i j̄ēnejav̄ū. P̄caíboā parur̄iiboā j̄āriyadedejav̄ū pare ñ̄je j̄iadoc̄ure copovaiye jap̄v̄ainore.

⁴²Que baru ina churarava boar̄i jar̄v̄aiyur̄id̄urejaima ina buoimarare, ne tar̄i dupini numenajiyeye aiv̄u.

⁴³Ūbenita ñ̄ai churaravai jabocu mead̄aiȳrejame Pabl̄ore. Que baru churaravare boar̄i jar̄v̄aic̄ōjemenejame ū ina buoimarare. Quénora ina tar̄i maj̄idiv̄ure biarar̄i coic̄ōjenejame j̄ia urad̄ai mamar̄um̄re, ne tar̄i nar̄ajiyeye aȳu ēcar̄uita. ⁴⁴Aru ne yóboi n̄uic̄ōjenejame apev̄ure jor̄i joc̄uveai, dic̄ū mácarō jar̄v̄aiye. Que teni caiv̄u ñ̄je baju mead̄aiv̄u, earejagar̄a jobor̄oita.

Pablo ūi cur̄ō Malta

28 ¹Ñ̄je eaiyede mearava jobor̄oi, nócav̄u “Yo Malta āmicur̄ijiv̄u”, coȳrejaima ñ̄jare.

²Ina dij̄iáv̄u cur̄iv̄u me j̄ári ñ̄jare, jacoȳrejaima na. Ocar̄i b̄uiyede cojedeca āmei j̄uj̄arejav̄ū ñ̄jare. Que baru toabore dacuvacarejaima ñ̄jare.

³Aru Pablo jevar̄i pecare c̄uin̄atoro p̄catorore, juarejame ditorore toabor̄ā. Que teni c̄uin̄ácu āda etarejame p̄catorore jocarí, toaij̄ie boje. C̄uri j̄ēnejame Pabloi p̄rui. ⁴Aru nócav̄u ne j̄áiyede ñ̄ai āda j̄ēñ̄ure Pabloi p̄rui, ar̄id̄urejaima ne bajumia: “¿Boar̄i jar̄v̄av̄u b̄arica p̄oēvare ñ̄ai ūm̄u? Dupini dacube j̄ia urad̄are jocarí. Ūbenita J̄men̄ijic̄u ap̄uic̄ōjemem̄i ūre. Que baru caride yaic̄ȳume, ūi āmeina ðaiye boje”, ūbenina ar̄id̄urejaima nócav̄u.

⁵Ūbenita Pablo p̄peni ūi p̄r̄ure, jar̄var̄i d̄v̄arejame ñ̄ai āðare toaboi. Aru ij̄ibedejav̄ū ūre. ⁶Que baru ina p̄oēva ar̄id̄urejaima ne bajumia,

“Cocoroquiyebu úre”. Aru, “Yainí tuquijibi ú”, aridurejaima na. Ùbenita joe coreni jáiyede, ye nájimenejame ú. Que baru ne dápino oatubarí, “¿Jūmenijicu bárica ú?” arejaima na.

⁷Aru cūinácu ũmu, ũi ámiá Publio, ũi curó joabeno curejavú ñuje maino mácaró jia uradare jocarí. Nócavui jabocu barejáme ú. Ñujare cuturejame ũi cūrami. Aru me copu etarejame ñujare noi. Yóbecurijārvua curejacaṙá úque. Aru mearo đacarejame ñujare.

⁸Publio pacu parayú ijimu, morejavú úre. Aru cođo yayiú barejáme ú. Pablo jácunurejame ũi yebai. Jēniari Jūmenijicuque úre, tuoyú ũi pūruque, meadarejame úre. ⁹Apevu nócavu ijimara jápiaivú bācavu Publio pacui borore, darejaima ñuje yebai, Pablo ũi meadaquiyepu aivú náre máre. Aru meadaimara marejáima na. ¹⁰Jívu barejáima ñujare cūvede. Aru ñuje etarājiye jipocai, ñuje jiađocú jívu adarejaima caijē ñujare jauéde.

Pablo ũi eaino Romai

¹¹Cūinácú jiađocú uracū, Alejandría ámicurīmarore jocarí daicū mácaró javaiyorejavú uracorore dijiávú tuiṙāvai. Dicú Cástor aru Pólux ámicuricú aru ina pucarā jūmenijina ne decova curejavú dicú pūraboi. Noi curivú bācavu yóbecurā aviáva baju jaturejacaṙá, nūrajivú dijiávure jocarí. ¹²Tuijarejacaṙá Siracusa ámicurīmaroi. Aru mautedejacaṙá noi yóbecurijārvua. ¹³Etarí nore jocarí, nurejacaṙá ēcabo cūináturu pu Regio ámicurīmaroi. Cūinájārvu yóboi, ũmevu aviá daino cācopūrvure jocarí japurí búrejavú. Que baru nurejacaṙá cojedeca. Pucajārvua yóboi, Puteoli ámicurīmaroi tuijarejacaṙá ñuja.

¹⁴Apevu nócavu Jesúre ju aipōevare copurejacaṙá noi. Cuturejaima ñujare:

—Cūinásumana mautejará ñujaque, arejaima na.

Que baru cūinásumana yóboi, etarejacaṙá náre jocarí, nūrajivú Roma ámicurīmaroi. ¹⁵Diīmarocavu

Jesúre ju aipōeva jápiaivú bācavu ñuje borore, jacyurādarejaima ñujare Apio ámicuró cūve bojedaino ámicurīmaroi aru Yóbecurīnamia ámicurīmaroi máre. Pablo jáñu náre, torojurejame. Aru torojuede jídejame Jūmenijicure.

¹⁶Ñuje eaiyede Roma ámicurīmaroi, apecu jabocu Pablure cuicōjenejame ũi cūrami baji cūinácūva. Ùbenita cūinácu churaravacacure jári coreicōjenejame úre cainmua, ũi dupini nūmequiyepu ayu.

Pablo ũi coyūino Jesús ũi yávaiye méne Romacavure

(Mt 13.14-15; Mr 4.12; Lc 8.10; Jn 12.40; Hch 25.11)

¹⁷Yóbecurijārvua yóboi, Pablo órejurejameđa ũi yebai nócavu judfovai jabovare. Cójijivú bācavure, Pablo arejameđa náre:

—Muja, jívu, yávacari ámeno đabetecacu judfovere. Aru ámeina yávabecacū majeñecuva mácavu ne đarí cōmajiyede máre. Ùbenita apevu majacavu buoima yure Jerusaléi. Aru jima yure buoimupe Romacavui jabovare. ¹⁸Ne jēniari jáiyede yure, ina Romacavui jabova jaetovaiyuteima yure. Ji borore “Nai ũmu ũi đaiye boje boarí jaruvaiye jaubevu úre”, aima na. ¹⁹Ùbenita ina judfova jorojini ju abeteima diede. Que baru jēniacacu yópe: “Nai jabocu ijārvucacu pūeno baju parucu yebai nuquijivú”, acacu yu. Ùbenita ye ámenore boro coyurí adabequijivú yu jívu borore. ²⁰Que baru cutuivú mujare, jáiyuvu mujare, aru coyuyuvu mujare máre. Buoimūmu yu, maje coreiye boje Cristo meadacuyure maja Israecavure, arejameđa Pablo náre.

²¹Aru arejaimađa úre:

—Ina Judeacavu toivabema paperayocare ñujare mi borore. Aru ina majacavu edaivú bācavu yui ámeina yávabema mure. ²²Ùbenita majivú ñuja imaroa coapa ámeina jáivure Jesúre ju aipōevare aru ámeina yávaivure iye bueiye mamaene. Que

baru jápiaiyrivubu mi dápiainore diede, arejaimada Pablore.

²³Que baru apejáravũ, ne beoijáravũ, obedivũ ina judíova, Romacavũ, nũrejaimada Pabloi cũrami. Javejĩnare búrĩ pu nainũta Pablo coyurejamedã náre Jũmenijicui ðaicõjeiyede ùi coyũye báquede Moisés bácure. Coyurejamedã náre ina Jũmenijicui yávaiyede coyũcaipõeva mácavũ ne toivaiye báquede máre. Ju are ðaiyurejamedã náre Jesúre, Jũmenijicui daroimũ mácure, aru Israecavũ coreimũ mácure máre. ²⁴Apevũ ju arejaimada ùi coyũiyede. Ùbenita apevũ ju abedejaimada diede. ²⁵Que baru cũináturũ ãmeni ne ùme, etarĩ búrejaimada ina judíova. Ùbenita ne etarãjiye jipocai, Pablo arejamedã náre:

—Jãve Isaías bácũ Espĩritu Santoi yávaicõjeiyeque Jũmenijicui yávaiyede coyũcarejaquemavũ mũjeñecuva mácavũre Jũmenijicui yávaiyede:

²⁶Nũjacũ ina põevare ne yebai.

Aru ajacũ náre: “Jãve jápiarĩdurãjaramu mũja. Ùbenita ye jápiarĩ eabenajaramu. Jãve járidurãjaramu mũja. Ùbenita ye jári eabenajaramu. ²⁷Mũja coreóvayũbevũ, mũje yávaiyede jávene jápiarĩ eaiyũbe boje. Mũja

jápiabevũ, mũje yávaiyede jávene jápiaiyrũbe boje. Mũja bieivũ mũje yacorũare, mũje jávene jáiyũbe boje. Yũre jári coreivũ baru yacorũaque, ju ajebu mũja. Yũre jápiaivũ baru cá mucobeaque, ju ajebu mũja. Yũre jápiarĩ ðaivũ baru ùmeque, ju ajebu mũja. Que ðaivũre, meaðajebu yũ mũjare”, arĩ toivaicõjenejaquemavũ Jũmenijicũ Isaías bácure, arejamedã Pablo náre.

²⁸Aru cojedeca Pablo arejamedã náre:

—Jãve majjarã mũja, judíova. Caride Jũmenijicũ daroibi ùi yávaiye méne coyũcaipõevare, meaðacũyũ ina judíova ãmevũre ne ãmeina teiyede jarũvarĩ. Aru návacari jápiarãjarama, arejamedã Pablo judíovare.

²⁹Pablo ùi que aiyede, ina judíova etarejaimada, jorojĩni yávaiyvũ ne bajumia.

³⁰Pũcaũjũa baju Pablo cũrejamedã noi. Bojedarejamedã ùi baju ùi cũramine noi. Aru torojũcũ jacoyurejamedã caivũ ùre járadavũre. ³¹Jidũbecũva coyurejamedã Jũmenijicui jaboteinoquede. Aru buedejamedã maje jabocũ Jesucristorã máre, jidũbecũva. Aru ñame jecũbedejaimada coyũyũre aru bueyũre máre. Quénoramu.